

Bibl. Lat. fol. 35 Col. 2

Ex Bibliotheca
majori Coll. Rom.
Societ. Jesu

IVSTI LIPSI

14.345

DE

CONSTANTIA

LIBRI DVO,

Qui alloquium præcipuè conti-
nent in Publicis malis.

Quinta editio, melior & Notis auctior.



LVGDVNI BATAVORVM,
EX OFFICINA PLANTINIANA,
Apud Franciscum Raphelengium.

CIC. IC. XCI.

1801 1791

20

CONSTANTIA

LIBRI IVI

Quodlibet quodlibet
libri IVI

Quodlibet quodlibet
libri IVI



LIBRARY OF THE
OFFICE OF THE
PROSECUTOR GENERAL
1801 1791

AD LECTOREM
PRO CONSTANTIA
MEA PRÆSCRIPTIO.

BIBLIOTHECA
ROMANA
EMANUELE

QUOD in iteratâ hac editione,
iterum te alloquor, Lector, præter
votum meum accidit, etsi non
præter opinionem. Iudicia enim
ista prævidi antè, imò prædixi.
Negât satis piè hoc argumentû à me tractatum:
negant locis aliquot satis verè. Parû piè ideò: quia
Philosophum egisse tantum videor, inquiunt, nec
inspersisse quæ potui & debui è libris sacris. Quæ
admonitio valde mihi grata: velim & illis sim-
plex meû & sine fæco responsum. Nã quòd æter-
tam pietatè ante omnia requirunt, amo: hoc tan-
tùm moneo, ut oculos prius seriò intendant in fi-
nem meum inq. scopû. Si mihi Theologum agere
propositum, aberravi: si Philosophû, cur culpant?
Haurimus enim è lacunis, inquiunt, quæ liceat è
purissimo divinarum litterarum fonte. Húcne me
vocant? At ego ex animo testor & respondeo, non
aliam me viam salutis nosse, quàm hanc quæ per
vnum illum & directû limitem ducat: ad quem
tamen percurrendum, humanas etiam litteras
laxameti aliquid afferre censeâ, imò adiumenti.
Augustini consiliû esse scia, quæ à Philosophis scri-
pta sunt

praesunt colligere, & in usum nostrum vindicare
possessoribus illis iniustus erepta. Hoc sequi
volui: & peccavi? Peccassem, fateor, si purum hanc
& mysticum religionis nostra liquorē corrupissem
veteri aliquā & olenti fece. At contra institi: &
sordentem per se, parumq. muadam doctrinam,
depurgare atq. illustrare aggressus sum nono isto
Solc. Cui bono id non bonum? In pugna, equitum
aut statarij militis precipuam operā esse scimus:
spernis ideo sagittarios & funditores? In domo
exstruendā architecti maximā laudē & usum:
tollēsne operas igitur & administratos? Idem hic
cense. diuina illa littera veri roboris, vera vir-
tutis & constantia solida effectrices: nec tamen
humanam prorsus Sapientiā sperne, eam dico quae
non se effert, sed seruit placidē & ancillatur. La-
pides, camenta, calcem, ex veteri & diu lapso
aedificio illo Philosophia comportamus: ne inuide
lucellum hoc architecto, & patiāre materiā hanc
substerni saltem in fundamentis. At enim sacra
illa meliora, nec verbis iis abstinendū fuit. Me-
liora fateor: sed adde etiam grauiora. Lacertos
meos expendo, & artus artesq. libro: cur omnes mi-
hi imponi patiar, cui nō sim ferendo? Theologis, id
est magnis altisq. viris (& eximios multos hac
etas tulit) magna ista & alta relinquo: mea cym-
baleget litus. Philosophū ego agam: sed Christia-
num. Nā de verbis, quid turbat? Non quo stilo ea
scripta

*Scripta sint, sed quo sensu videant: nec an usitate,
 sed an verè. Si enim recti sensus: quid refert in
 re tam arduâ, quo velo aut veste (modò non inde-
 corâ) eos texerim? Si vani: cōvincant. Nempe hoc
 ipsum volumus, aiūt: & quaedā à te scripta nō ex
 fide. De rectā Ratione erras, quam cū priscis illis
 exaggeras nimis & attollis. Egōne? verbis for-
 tasse illorum: sensu numquam meo. Nam ne ipse
 erres, uno verbo hoc testor: nullam me rectā pu-
 ramq; Rationem intellegere, nisi à deo directam,
 nisi à fide illustratam. Sed quæ, malum, illegitima
 ista captio est, cū genere toto sententia bona sit,
 querere in verbi unius aut alterius latebrâ ca-
 lumniam ansam? Ratio ipsa, & suis viribus, non
 ducit nos ad deum, non ad verū: sed tamen ut in
 aquā aut pelui defectum Solis intuemur, idq; per
 Solis ipsius radios, obliquè & quodam flexu: sic in
 istâ res diuinas. sed caue censeas aliter, quàm per
 deum ipsum. Iam de fato aut fatalibus, de impiis
 ob bonum puniis: siquid nimis exacui, aut ab aliis
 acutum arripui (quo in genere forte an* Boëthia-
 na illa sententia sit) velim ab æquo lectore æqui-
 ter legi & intellegi. quam ad rē prauimus nunc
 aliquot ad oram Notis. Mihi quidē mens ubique
 bona: & si alibi humana hæc lingua aut calamus
 titubauit, ne asperè queso nimis luam. Sum enim
 ex iis, quibus Pietas in corde magis, quàm in ore:
 quicq; factis exerceri eam acriter malim, quàm
 verbis.*

*Libro 1.
 cap. x.*

verbis. Nec seculum hoc satis mihi placet, (audebo dicere) quo nullum umquam feracius religionum fuit, sterilius pietatis. Quae contentiones ubique? querixae? & cum omnia feterint, cum calum & terram subtilis ingenij alā peruolarint; quid aliud, quàm, cum Aristophanē Socrate, ἀσσογράφου? Habes, mi Lector, breuem prescriptionem nostram: quae tamen equo tibi nimia, satis vel iniquo. Te cum curā moneo hortorque, ne auocent & auertant animum à germano Philosophiae studio noui Domitiani isti: qui non eam solum (facultas modo & vires sint) sed in exilium pellant omnes bonas artes. Priscos illos potius patres vide, Græcos Latinosq; denso agmine à nobis omnes stant, & modestum Philosophiae studium non ferunt in Christiano solum, sed inculcant & suadent. quorum auctoritatis scuto, satis me putem sine aliā ullā ratione cōtra gigantes istos tectum. Nam Philosophiam cur uberiùs verbis laudem? Frustra: quia ut montium altitudo procul non apparet, sed cum accesseris: non item huius splendor, nisi cum pernoctis. Per nosci autem sine Christianā veraque religione non potest. quam praelucentem si tollis: fateor ecce & elamo, ludibrium illa vanitas, delirium. Bene Tertullianus: Cui veritas cognita, sine deo? cui deus, sine Christo? In quā sententiā finio, & serio conquiesco. Velim tu mecum.

NOBI-

NOBILIBVS ET
MAGNIFICIS

CONSVLIBVS

ET

SENATV POPVLOQVE

ANTVERPIENSI

RVSTVS LIPSIVS

dedico confectoqve.



IBROS istos, quos
de Constantiâ in me-
diis patriæ meæ turbis
constanter scripsi &
perscripsi: eos vobis
dare dedicare mihi vi-

sum, vrbis magnæ magni Senatores.
Splendor vester me impulit, prudentia,
virtus. humanitas etiam illa, quam co-
ràm sum expertus, propria vobis in
bonos & eruditos. Nec, arbitror, pro
ingrato erit munus. quod per se haut
magnum, pondus ab animo meo acci-
piet: quia dedi quod, hoc quidem tem-

pore, optimum maximumq̃. in omni
meo litterario censu. Denique noui-
tas etiam forsan aliqua illud commen-
dauit: quoniam, nisi fallor, interclu-
sam diu & spinis obsitam hanc Sa-
pientię viam, sternere & munire aggre-
dimur primi. quæ illa profectò est, quæ
cum diuinis litteris coniuncta, possit
ducere ad Tranquillitatem & Quie-
tem. Mihi certè animus gratificandi
vobis, iuuandi alios, non defuit. si vi-
res: tam æquum est æquos vos aduer-
sum me esse, quàm ego aduersus ma-
gnum illum deum sum: quem scio
non vni omnia dedisse. **Valere.**

AD LE-

AD LECTOREM, DE CONSILIO MEO

SCRIPTIONIS ET FINE.

NIHIL me fugit, Lector, in nouo
hoc scribendi genere, noua mihi
iudicia parata & censuras. siue
illorum, quos percutiet inopinata
hec Sapientia professio ab eo,
quem amœnioribus tantum litteris censebant
operatum: siue aliorum, quibus vilescet & pro leui
erit, quidquid in hoc studio aut stadio sudabitur
post antiquos. Quibus utrisq. ut breuiter respon-
deam, mea interest, imò etiam tua. Ac primi
quidem illi duabus diuersissimis rebus peccare
mihi videntur, Incuria & Cura. Hac, quòd in
aliena studia actionesq. ultrò inquirendum sibi
censeant. Illa, quòd inquireant tamen parum in-
tentè aut diligenter. Vt enim ipse ius me indi-
cem; numquam ita colles illi fontesq. Musarum
totum me ceperunt, ut non oculos idem talem
mentemq. reflexerim ad seueriorem istam Di-
uam. Philosophiam dico. cuius studia iam tum à
puero ita mihi placuere, ut peccare iuuenili quo-
dam ardore viderer, & freno atque inhibitione
fuerim coercendus. Sciunt praeceptores mei, qui
in Vbiis: excussos mihi velut per vim libros eos

omnes è manibus, & Scripta etiam Commenta-
 riosq; ereptos, quos laboriosè confeceram ex omni
 interpretum fæce. Nec mutavi sanè postea. & in
 omni hoc studiorum cursu, si non rectorigore &
 lineâ, tamen flexu tetendisse me scio ad illam Sa-
 pientie metam. Nec id eâ viâ, quâ hî philoso-
 phantium vulgus. qui in spinis argutarum aut
 ligueis questionum malè dediti, non aliud quàm
 subtili quodam disceptationum filo texunt eas &
 retexunt. Herent in verbis aut captinentulis. &
 atatem totam in aditu Philosophiæ versantur,
 adyta eius numquam vident. Habent eam ut ob-
 lectamentum, non ut remedium. & instrumen-
 tum vitæ maxime serinum, vertunt in ludum
 quemdam nugarum. Quis eorû mihi de moribus
 querit? quis adfectus temperat? quis timori, quis
 spei metam ponit aut modum? Quin adeo ad Sa-
 pientiam spectare hæc non arbitrantur: ut aliud
 aut nihil agere eos censeant, qui id agunt. Itaque
 vitam eorum, siue iudicia, si vides: nihil vel in
 ipso vulgo reperias, quod ad illam attinet, spur-
 cius, stultius, quod ad ista. Scilicet ut vinum quo
 nil salubrius, quibusdâ in venenum est: sic istis
 Philosophia, quâ abutuntur. At mihi alia mens.
 qui, namque semper auertens ab illis argutarum
 salebris, velificationem omnem direxi ad unum
 tranquilla mentis portum. Cuius studij mei pri-
 mum nec fallax specimen esse volui hos libros. Sed
 enim,

enim, inquit alteri, melius & uberius ista veteres. Quaedam ex istis, fateor: abnego, quod universa. Si de moribus aliquid adfectibusve carptim post Senecam & divinū illum Epictetū scribam: me quoque iudice, parum cordis habeam aut frontis. At si ea quae ne attigerunt quidē illi, aut quisquam (fidenter enim id adfirmem) ex antiquis: quid fastidiunt aut carpunt? Solatia malis publicis quesivi, quis ante me? Rem siue ordinem videant: mihi ea debere fatebuntur. & de verbis ipsis (fas dicere) non ea nobis inopia, ut cuiquam supplicemus. Denique hoc sciant, alia pluria aliis mihi scripta; hunc librum praecipue mihi: illa fama, at haec saluti. Quod olim alte & acutē quispiā, id hīc verā voce proclamo: Satis mihi pauci lectores, satis est unus, satis est nullus. Id tantū peto, ut quicumque haec tangent, cognoscendi animum adferant & simul ignoscendi. Ut si ubi forte lapsus sim, praesertim cum locos illos altiores conatus scandere de Providentiā, Iustitiā, Fato: condonent, quia nusquam certē malitia aut pertinacia est, sed humana saltem imbecillitas & caligo. Denique ab iis docear; faxo, ut nemo tam promptus ad monendum sit, quam ego ad mutandum. Ceterā vitia naturae meae non demō aut minuo: pertinaciam & contentionum studium serio deprecor ab ea & detestor. Salve mi Lector, quod utinam per hunc librum in parte tibi sit!

I A N I D O V S Æ N O R D O V I C I S

A D

I V S T V M L I P S I V M S V V M

*Melos ex iambis meris, potiore[m] Lipsiani argumenti
partem summamq[ue] totius operis carptim & quasi
saltuatim complectens.*

N O V V M cui istud imputabimus Melos?
Cui hoc Poëma muscæum?

Tibine L I P S I? Ita hercle verò serio:

Tibi (inquit) tibi, ô decus

Meum, omniumq[ue] M E N T E M habete queis B O N A M,

Et esse * C O R C V L I S datum est.

Sinistra ritè queis manilla subsiliit,

D E I ferens I M A G I N E M.

Cape istud ergo Iambicum Melos tibi,

Cape hoc Poëma muscæum:

Poëma ductu & alite vnus tuo

Satumq[ue] & editum simul:

Silentij esse quando longiùs reum

Pudet pigetq[ue] me tibi.

Neque vnquam id æquus ille Iuppiter linat,

Vt his amoris ignib[us]

Ita anteuortat vlla segnitas mihi,

Fidem ore L I P S I O vt datam

Reapse frustrer. absit à Fide meâ

Modi istiusce vanitas.

Abesto, verba tertiata cui placent,

Referta falsimoniis.

Nec hocce S V A D A L I P S I A N A nos docet;

Pares cui haud Léporibus

Scientiisq[ue]; sed Fide esse mutuâ

Fauentiaq[ue] nos deest.

Et ampla Laus sat ista: plura qui appetit,

Neque ille cor, neque os habet.

Tua

* Hoc cognomēto honoratos Romanos, quos ceteros mortales sapientia præstarent, testis Plin. lib. vii. cap. xxi.

Tua introire Tempia posse sat mihi,
 BONÆQUE MENTIS Abdita
 Nouè reperta noscitare, te Duce:
 Tuique cote roboris
 Cor asperare, nec periculi vllius
 Pauere magnitudinem.
 O approbanda MENTIS OBSTINATIO!
 O expetenda DOGMATA!
 Vt hic suâue, LANGIANO IN ATRIO
 Inambulare! vt, ô, simul
 Tuo assidere ab ore pendulum iuuat;
 Tuo, illiusque quem facis
 Loquentem! & hinc in HORTVLVM sequi! ordines
 Vt è virente PERGVLA
 Notare florum: & omne Stirpium genus
 Hiante obire lumine.
 NOVOQUE rariora ab ORBE Semina
 Sagace nare persequi!
 Odor beate, quicquid est Aromatum
 Lepore prouocans tuo.
 Licétne in hisce flosculis & herbulis,
 Remissionis indigo,
 (Vti exsoluta mens aberret à malis
 Parumper) acquiescere?
 Licet: neque istud (annuente hero) modò,
 Sed & replere fructibus
 Sinum, manusque vtrasque, & vngue carpere,
 Et ad mouere naribus.
 Quid? an lubido ferta texere est tibi,
 Corollulamque pactilem?
 Rei huius optio ecce plena fit tibi,
 Tuo arbitrato vt eligas,
 Thyma, an rosas, amaracúmne mauclis.
 Age ecce, quantus hic nitor?
 Quis ordo? quàm omnia aptè in areas suas
 Locata, tesserae in modum?
 Hæcne cultum, an elegantiam prius
 Loci ipse mirer, ambigo.
 Stupere certè vtrumque cogor intuens;
 Herilem at indolem magis,

Cui sca-

Cui scaterere tot facetiis datum,
 Cui hanc præire *SYMBOLAM*,
 Et ægra corda sospitare ius fuit,
 Medentibusque pharmacis
 Beare. Quæ modò ecce promus imputat
 Nonâ arte *LIPSIVS* tibi.
 Ahena ut vade *FIRMITUDO PECTORIS*
 Paranda: & vnde Inertia
 Sit ista, & ægra Sensuum imbecillitas,
 Habere cognitum queas.
 Duplex Boni omnis ergo, seu Mali Caput;
OPINIO, atque *MENS BONA*.
POLI illa *GERMEN IGNEVM*, atque *SPIRITV*
 Originem trahens suam.
 Quid? ipse non *HOMVILLO* an insitus *DEVS*
 Per istam *IMAGINEM* sui?
CVPIDINVM, hancce quisquis audit, omnium
 Necessè *VICTOR* audiat.
 At altera illa pars, *OPINIO* puta
 Imaginosa, *CORPORI*
 (Sata vnde) adhæret, impedita *SENSIBVS*,
 Grauique fixa perpetim
 Luto: cui vsque *POENITENTIA* it comes;
 Vaga, ebriosa, futilis.
HOMO miselle, pulvis, vmbra, somnium,
 Quousque fluctuabere,
OPINIONIS alligatè vinculis
 Quousque *GAVDIVM*, *DOLOR*,
METVS, *CVPIDO* pectus impetent tibi?
 Iaces? & erigi cupis,
 Supraque vulgus eleuare verticem?
 Idonea ecce *FEBRVA*,
 Quibus piatus ipsa nubila ac Notos
 Superuolare possies:
 Auesque, quæ cor intus exedunt tibi,
 Necare & ire perditum,
 Quiesne cordi, & otium domi tibi,
 Procul tumultu ab hostico,
 Vbi Actuosus ipso in otio cluas?
 (O vnica occupatio!)

Ad

Ad HORTVLVM huncce LANGII, ANNE LIPSII,
 Gradum capeſſe, ſi ſapis.
 Opúſne vallo & Arce, vel Cetrâ tibi,
 Cauere queis? ſEPI ac METVS,
 Cupidinumque ſuſtinere vim queas?
 Statu in graduque fac tuo
 Morère, MENSQVE voltat ad DEVM tua,
 Originem inquo ſui.
 Quouſque CARNIS IMBECILLITAS tibi
 Moleſta; & vmbra inanium
 Trahère, primâ quæ imperita Plebs putat?
 Ducem ecce LIPSIVM tibi:
 Eum ſequaris. At cui, inquires, bono?
 Mane: in tumultu vt otium
 Agas; & VNUS, inter arma Publica,
 Metu ſolutus ambules.
 Quid eſt, quod hîc querare? FATA te trahunt,
 DEIQUE PROVIDENTIA?
 Sequare: Cui enim irritum ſtruas pedem
 HERO rebellis, ac tibi?
 Quid abnuis, miſelle? cede Tempori
 DEOQUE REBVS OMNIBVS
 VICISSITUDO DEBITA. Hæc mori vides
 Repentè, at illa oriri.
 NECESSITATI vt obſequare, te monent
 Tot VRBIUM Cadauera,
 Ferire viſa vertice antè quæ ſuo
 Poli vtriuſque cardinem.
 Vbi illa iam, Imperare ſueta REGIBVS,
 Superba SEPTIMONTIVM?
 Vbi MYCENAE? Vbi inclyta VRBS Agenoris,
 CORINTHVS, ARGOS, ILIVM?
 Minuta, magnâ; ſumma, & imâ respice;
 PERENNE SVB POLO NIHIL.

Εἰς τὸ σοφωτάτῃ καὶ λογιωτάτῃ
ΙΟΥΣΤΟΥ ΤΟΥ ΛΙΨΙΟΥ,


περὶ ὁσαθείας ἤτοι καρτερίας
βιβλίον.

Ληψιάδης σελίδας σκολιῶ φθόος ὀμματὶ πήξας
Οὐκ ἄχαμαι λογίης, εἶπεν, ἄτιρ σοφίης.
Ἀλλὰ τόδ' ὀπίσθων γλαφυρόν τι σοφόν τι πόνημα,
Καρτερικῆς κατίχον τέθμα σαρφρυσυής:
Κρείσσον ἐμῶν, λίξας, πέλεται τόδε πύχος
ὀδόντων
Λίξει ἐπισβολίης τηκόμομος κραδίῳ.

Εἰς τὸ αὐτό.

Ελλογίμω φιλέω ξεῖς ἀστέραι, ἔνθα πάντων
Εἰσὶν παντοδαπῇ κρείσσονες ἰδμοσύνη.
Σεὶ ὀνέες φιλέω Κεῖάχιε, εἰμὶ δὲ λίαν
Καὶ φιλοσκαλιγερὸς, ὃ φιλοληψιάδης.
Ἀλλὰ σοφαῖς τραπίδεσσιν ἑλάς σίω τόσσον ἀέξον
Λίψιε, ἐκ ἀστῆρ, ἀλλὰ μοι ἄστρον εἶς.


B. Vulcanij.



IUSTI LIPSI
DE
CONSTANTIA
LIBER PRIMVS.

CAPVT I.

*Præfatio & introductio. quærela item al qua
de Belgarum turbis.*



NTE annos aliquot cùm Vien-
nam Austriæ iter habere, fugiens
patriæ meæ turbas: deflexi, non si-
ne deo duce, ad * Eburonum vr-
bem. quæ nec longè à viâ; & in
quâ amici, quos salutare more sua-
debat & amore. Inter eos Carolus Langius, vir (si-
ne fraude aut ambitione dicam) optimus doctissi-
musque Belgarum. Qui cùm me hospitio excepisset;
non omni solùm comitate & beniuolentiâ id
temperauit, sed eo genere sermonû qui vtilis imò
salutares mihi in omne ætuum. Ille enim fuit ille
vir, qui oculos mihi aperiret detersâ vulgariû ali-
quot opinionum nube: ille, qui viam ostenderet,
quâ sine ambage peruenirem, vt cùm Lucretio
loquar, ad illa

* Leodium
intellego.

C. Langij
vera laus.

Humanitas
eius.

Sapientia.

Edita doctrinâ sapientum templa serena.

Nam cùm post meridiem feruido sole (præceptum
enim iam mensis Iunius erat) domi eius in atri-
o
A inambu-

Mala ciuili-
um bello-
rum.

inambularem: quæsiuit, ut sit, blandiùs de itinere meo & eius caussis. Cui cum ego de turbis Belgarum, de insolentia Præfectorum & militum, liberè & verè multa dixissem: addidi postremò, prætexi à me aliam, sed hanc intimam esse discessus mei causam. Quis enim Langi, inquam, tam firmo & tam ferreo pectore, qui diutiùs ferendis iis malis sit? Iactamur iam tot annos, ut vides, bellorum ciuilium æstu: & ut in vndoso mari, non vno vento agitamur barbarum seditionumque. Otium mihi cordi & quies? tubæ interpellant & strepitus armorum. Horti & rura? miles & sicarius compellit in urbem. Itaque certum mihi Langi, relictà hanc infestà & infausta Belgicà (ignoscat mihi Genius patriæ) * γῆν ἀπὸ γῆς, ut ille ait; & quouis terrarum fugere — *vbi nec Pelopidarum facta neque nomen audiunt.* Langius admirans & velut excitatus, Itane tu Lipsi, inquit, abeas à nobis? A vobis, inquam, aut certè ab hac vitâ. Quod enim malorum istorum effugium, nisi in fugâ? Nam ut videam ista cottidie & feram, non possum Langi: nec chalybs aliquis mihi circa pectus. Suspirauit ad hunc sermonem Langius, & Infirme adolescens, inquit, quæ hæc mollities est? aut quæ tua mens salutem querentis in fugâ? Turbat & æstuat patria tua, fateor: sed quæ non hodie pars Europæ? Ut verè illud Aristophanæum possis augurari:

Turbæ per
Europæ: quæ
euerfionem
minatur aut
euerfionem.

* id est: *super
ra infera red-
des Iupiter al-
monans.*

— * τὰ δ' ὑπέρπρεα νέπρεα δούσι
Zeus ὑπέρπρεατος.

Itaque non patria fugienda, Lipsi: sed Adfectus sunt: & firmandus ita formandusque hic animus, ut quies nobis in turbis sit & pax inter media ar-

ma.

ma. Ego satis iuueniliter, Imò deferenda illa Langi, inquam: Certè enim audita mala leuiùs ad animum accidunt, quàm visa: & simul ponemur ipsi extra tela, quod dicitur, & puluerem huius agonis. Homerum non audis callidè monentem,

* *Εκ βλάβων μὴ πύπτε εἴφ' ἔλκεε ἔλκε' ἄρην*?

* Extra tela. nequis vulnere vulnus addat.

CAPVT II.

Peregrinationem non facere ad internos morbos. indicant eam esse, non medicinam. nisi si fortè in leui quodam & primo adfectuum motu.

LANGIVS moto leuiter capite, Audio, inquit: mallet tu Sapientiæ vocè & Rationis. Nam hæ, Lipsi, quæ te inuoluunt, nebulae & nubeculae sunt à fumo Opinionum. Itaque, vt cum Diogene dicam, * *λόγῳ* tibi hîc opus non *βλόχῳ*: radio inquam illo, qui caliginem tui capitis illustret. Patriam ecce desertum is: sed dic serîd, illam cùm fugies, te quoque effugies? Vide ne contrâ sit: & tecum atque in pectore isto circumferas fontem fomitemque tui mali. Vt ij qui febriunt, iactant se inquietè & versant, & lectum subinde mutant vanâ spe leuamenti: in eâdem causâ nos, qui terram è terrâ frustrâ mutamus, ægri scilicet mentis. Aperire enim hoc est morbum, non tollere: fateri internum hunc calorem, & nō mederi. Eleganter * Romanus sapiens: *Proprium est ægri nihil diu pati, & mutationibus vt remediis vti. Inde peregrinationes suscipiuntur vaga, & littora pererrantur, & modò mari se modò terrâ experitur presentibus semper infesta leui-*

Ea opinio refutata.

* Ratione, non laqueo.

Originem turbarum in nobis esse.

Ideo non excuti eas motu:

Indicati tantum.

* Seneca.

tas. Itaque fugitis semper turbas, non vitatis. Ut cerua illa apud Virgilium,

*Quam procul incautam nemora inter Cresia fixit
Pastor agens telis:*

—— illa fugâ silvas saltusque peragrat

Dictæos.

frustrâ: quia ut idem poëta addit —— *hæret late-
ri letali arundo*: ita vos, qui telo hoc adfectuum pe-
nitus percussî, non id excutitis, sed migratione
transfertis. Qui crus sibi aut brachium fregit, non
currum aut equum poscit, ut opinor, sed chirurgum:
tua quæ vanitas, qui internam hanc plagam motu
sanare te postules & discursu? Animus enim certè
est qui ægrotat: & omnis hæc exterior imbecillitas,
desperatio, languor, orta ab vno fonte, quod iacet
ille & languet. Sceptrum abiecit princeps diuina-
que pars: & eò vilitatis lapsa est, ut spontè seruiat
suis seruis. Dic, locus hîc quid faciet aut motus?
Nisi fortè regio aliqua est, quæ metus tēperet, quæ
spes refrænaret, quæ malâ hanc saniem educat, quam
altè imbibimus, vitiorum. Atqui nulla ea est, nec
in insulis ipsis beatorum, aut si est: ostende, & omnes
illuc agmine facto imus. Sed morio ipsa & muta-
tio, inquis, habet eam vim: & recreat attollitque
iacentem animum cottidiana illa conspecta noui-
tas morum, hominum, locorum. Lipsi erras. Nam,
ut quod res est seriò dicam, peregrinationem non
vsque eò deprimò, ut nihil ei in hominem & in ad-
fectus dem iuris. Imò habeat. sed hætenus, ut le-
uia tædia quædam animorum & velut nausæas tol-
lat: nō tollat morbos, qui altiùs penetrârunt, quàm
ut externa vlla medicina huc pertingat. Cantus, vi-
num,

Morbum
enim cum
animi esse.

Quem lo-
cus nullus
suâ vi sanat.

Nō itē mu-
tatio ipsa.

Exsi fastidia
quædam mi-
rigat auttol-
lit.

num, somnus, *commotiunculas illas primas non
 rarò sanârunt iræ, doloris, amoris: at nunquàm egri-
 tudinem, quæ radices egit & fixit pedem. Idem hîc
 est: & peregrinatio fortasse leues quosdam languo-
 res sanabit, non sanabit veros. Hærent enim primum
 illi motus orti à corpore quodammodo adhuc in
 corpore, aut certè in summâ, vt sic dicam, animo-
 rum cute: ideoque non mirû si quamuis leui spon-
 giâ abstergeantur. non ita inueterati illi adfectus,
 quibus sedes imò regnum in ipsâ animi mente.
 Cùm diu multumq. erraueris, cùm terrâ omnem
 & mare circulus fueris: nullo eos mari elues, ob-
 rues nullâ terrâ. Sequentur te: & post peditem
 equitemque sedebit, vt cum poëtâ loquar, atra cu-
 ra. Socrates interroganti cuidam, quid ita peregri-
 natio sibi non profuisset? scitè respondit, Non enim
 te deseruisti: simile hîc dixerim. & quocunque fu-
 gies, corruptum corruptoremque animum tecum
 habebis, comitem non bonum. Atque vtinam
 comitem! sed vereor vt ducem: quia non sequen-
 tur te adfectus tui, sed trahent.

* Stoici hac
 ita distinguunt,
 vt primos con-
 tra aut præter
 rationem mo-
 tus, Adfectus
 appellant. cos-
 dem, ceteros
 & inuetera-
 tos, Affectos.

At veri &
 veteres ad-
 affectus exter-
 nis illis non
 leniuntur.

CAPVT III.

*At veros animi morbos non tolli eâ, non minui: imò per
 eam recrudescere. Animum esse qui in nobis agrotet:
 eiq. remedium à Sapientiâ & Constantiâ petendum.*

NON auocat igitur, inquis, etiam à veris malis
 peregrinatio? non campi illi conspecti, & flu-
 mina, & montes, ponunt te extra doloris tui sen-
 sum? Auocant fortasse interdû & ponunt, sed nec
 in longum, nec in bonum. Vt picturâ quamuis

Obiectioni
 occursum.

Et videri
 aliquod in
 mutatione
 solatiû, non
 autem esse.

Aggravari
enim per
eam mala.

egregiâ oculi non diu delectantur : sic omnis ista hominum locorumque varietas novitate nos capit, sed ad breue tempus. Aberratio hæc aliqua à malis est, non fuga: nec soluit peregrinatio doloris hanc catenam, sed laxat. Quid autem istud me iuvat, si lucem paullisper video in arctiorem mox carcerem cōpingendus? Ita profectò est. insidiantur animo externæ hæ omnes voluptates, & specie iuvandi magis lædunt. Ut medicamenta minùs valida non extrahunt humorem noxium, sed movent: sic vana hæc delectatio irritat in nobis fluctum illum cupidinum & adauget. Non diu enim à se aberrat animus; sed vel inuitus domum mox compellitur & in vetus contubernium malorum, Illa ipsa opida conspecta & montes, reducent te cogitatione in tuam patriam: & inter media gaudia videbis aliquid siue audies, quod sensum refricet tui doloris. Aut si paullisper quiesces: brevis ille velut somnus erit, & mox expectrecto tibi eadem aut maior febris. Crescunt enim interpellatæ quædam cupidines, & vires capiunt ex intervallo. Mitte igitur, Lipsi, vana hæc, imò noxia: nec remedia, sed venena: vera illa potiùs admitte & seuerâ. Solem solumque mutas: imò animum, quem malè Adfectibus mancipasti, subtractum legitimæ dominæ Rationi. Ab illo corrupto hæc desperatio est, ab illo vitiato hic languor. Illum mutes oportet, non locû: & efficere non ut alibi sis, sed ut alius. Tu fertilem illam Pannoniam videre nunc ardes, & fidam fortemque Viennam, & regē fluuiorum Danubium, & tot mira & noua quæ suspensâ aure bibant, audientes: sed quanto melius, si idem hic

Curiosa cura peregrinantis circa externa.

tibi ad Sapientiam impetus & cupido? si penetres in feraces illius campos? si fontes humanarū perturbationum inquiras? si valla & arces exstruas, quibus arceas & defendas cupidinum insultus? Hæc enim vera morbi tui remedia: cetera omnia, panni & fomenta. Nihil te abitio ista iuuabit: nihil

Quæ ad interna transferri melius: & grauius potius, quàm suauia queri.

— euasisse tot vrbes

Argolicas, mediòsque fugam tenuisse per hostes:

hostem reperies apud te, & in isto (pectus mihi concutiebat) penetrati. quid refert ad quàm pacata loca veneris? bellū trahis tecum. ad quàm quieta? turbæ circum te, imò in te sunt. Pugnat enim pugnabitque secum semper discors hic animus, appetendo, fugiendo, sperando, desperando. Atque ut ij qui per timorem terga vertunt, magis exponunt se periculo intactos & auersos: sic erronei & tirones isti, quibus cum adfectibus nunquàm pugna fuit, sed tantum fuga. At tu, adolescens, si me audies, itabis: & gradum firmabis contra hunc doloris hostem. **CONSTANTIA** enim tibi ante omnia opus: & victor aliquis pugnando euasit, nemo fugiendo.

Turbas aliquin vbique comites esse.

Resistendum igitur. & pugnandum cum dolore Constantiæ armis.

C A P V T I I I I.

Definitiones Constantiæ, Patientiæ, Rectæ rationis, Opinionis. Item Peruicacia quid à Constantiâ differat & abeat: & à Patientiâ, Abiectio.

SERMONIBVS iis Lægij erectior aliquâ parte ego, Alta & præclara hæc tua monita, inquam: & iam stare conor & adsurgere, sed, ut ij ferre qui in somnis laborant, vano nisu. Reuoluor
A 4 enim

enim Langi, nequid mentiar, idemtidem ad meam terram : & hærent fixæ animo publicæ priuatæque curæ. Tu, si potes, pelle malas aues quæ me lancinant; & vincla solitudinum deme, quibus in hoc Caucaſo lentè ligor. Langius vultu alacri, Ego verò demam, inquit : & nouus Hercules ſoluâ hunc

Ad explicationem Cōſtantix deſcenſum.

Quid propriè ea ſit.

* Nam *Attius* apud *Nonium* illam in virtute ponit, hanc in vitio. *Sene-* ca tamen & alij aliter.

Conſtantix origo à patientiâ. Ea quoque deſinita.

Diſcreta à Torpore.

Prometheum. Attende tantum & intende. Ad Conſtantiâ te vocaui, Lipſi, & in eâ ſpem & præſidium poſui tuæ ſalutis. Ea igitur ante omnia nobis cognoscenda eſt. **CONSTANTIAM** hîc appello, **RECTVM ET IMMOTVM ANIMI ROBR, NON ELATI EXTERNIS AVT FORTVITIS, NON DEPRESSI.** Robur dixi; & intellego firmitudinem inſitam animo, non ab Opinione, ſed à iudicio & rectâ Ratione. Excluſam enim ante omnia volo Peruicaciam (ſive ea * meliùs Pertinacia dicitur:) quæ & ipſa obſtinati animi robur eſt, ſed à ſuperbiæ aut gloriæ vento. Et robur duntaxat in vnâ parte. Deprimienim haud facilè tumidi iſti & peruicaces poſſunt, facillimè attolli: non aliter quàm culleus, qui vento inflatus ægrè mergitur, ſupereminet autem & exſilit ſuâ ſponte. Talis enim iſtorû ventofa hæc durities eſt: cui origo à Superbiâ, & nimio pretio ſui. igitur ab Opinione. At Conſtantix vera mater, Patientia & demiffio animi eſt. quâ deſinitio **RERVM QVÆ CVMQVE HOMINI ALIVNDE ACCIDVNT AVT INCIDVNT VOLVNTARIAM ET SINE QVERELA PERPESSIONEM.** Quæ rectâ ratione ſuſcepta, vna illa radix eſt, quâ altitudo pulcherrimi huius roboris nixa. Caue enim & hîc Opinio tibi imponat: quæ Patientix loco

loco Abiectionem sæpe & torporem quemdam animi marcētis suggerit: verè vitium, & cui origo à Vilitate sui. Virtus autem mediâ viâ ingreditur. & cautè cauet nequid in actionibus suis defiat aut excedat. Dirigit enim se ad vnus Rationis trutinam: & illam habet examinis sui velut normam & obrussam. Est autem recta Ratio non aliud, quàm

DE REBVS HVMANIS DIVINISQVE
(quatenus tamen ex ad nos spectant) **VERVM**
IUDICIUM AC SENSVS. **Opinio** huic contraria, **DE IISDEM FVTILE IUDICIUM**
AC FALLAX.

Constantia medium inter Elationē & Abiectionem tenet: idq. Ratione duce.

Ratio igitur quid sit?

Quid item Opinio.

CAPVT V.

Ratio & Opinio vnde originem habeant. vtriusque vires & effectus. Alteram ad Constantiam ducere, alteram ad Leuitatem.

SED quoniam è duplici hoc velut capite (Opinionis sentio & Rationis) non robur solùm aut infirmitas animi oritur, sed omnes in hac vitâ laudes aut culpæ: pro bono vtilique facturus mihi videor, si de vtriusque origine & naturâ vberius paullo dicam. Vtenim lana priusquam vltimum illum & optimum colorem combibat, succis quibusdam aliis præparanda & imbuenda est: sic prædictionibus istis tuus Lipsi^a animus, priusquam cum hac Constantiæ purpurâ seriò tingam. Quod igitur te non fugit, duæ in homine partes, Anima & Corpus. illa nobilior, quæ spiritum ignemque refert: hæc vilior, quæ terram. Iuncta ista inter se, sed concordia quadam discordi: nec faciliè inter

De vtriusque accuratius & vborius dictum.

Homo duplex. Anima in eo sublimis & ignea: Corpus, humile & ab humo.

Pugna inter
cas partes.

Animâ Ra-
tio propu-
gnat: Opi-
nio, corpus.

* Quod rigide
haud verum:
sed tamē ima-
go quædam re-
liqua det.

Quid recta
Ratio.

Quæ aliquo
modo sem-
per in ho-
mine viuit.

cas conuenit, vtiq. cū de imperio agitur aut fer-
uitute. Regere enim vtraq. vult, & magis illa quæ
non debet. Terra attollere se supra ignem suum
conatur, & cœnum hoc supra cælum. Hinc in ho-
mine dissidia, turbæ, & veluti adsidua quædam
velitantium inter se partium pugna. Cui duces &
tanquam imperatores, Ratio & Opinio. Illa pro
animâ, & in anima: hæc pro corpore & in eo pu-
gnat. Rationi origo à cælo, imò à deo est: & ma-
gnificè eam Seneca celebrauit, * *Partem in homi-
ne diuini spiritusmersam.* Est enim hæc eximia illa
intellegendi iudicandique vis, quæ, vt anima per-
fectio hominis, sic ipsa animæ est. Græci eam Νῆς
dixêre, Latini Mentem, aut etiam iunctim Animi
mentem. Non enim tota anima, ne aberres, recta
ratio est: sed quod in eâ vniforme, simplex, im-
mixtum, secretum ab omni fæce & lentore: quod-
que, vt verbo dicam, sidereum in eâ & cæleste.
Nam ipsa anima, quamquā labe corporis & con-
tage sensuum grauer corrupta & infecta sit: ta-
men vestigia quædam ortus sui altè retinet, & cla-
rè in eâ scintillantes reliquiæ primi illius purique
ignis. Hinc isti etiam in malis proiectisque homi-
nibus conscientiæ stimuli: hinc flagella interna &
morsus: hinc approbatio melioris vitæ extorta in-
uitis. Premi scilicet sanior illa sanctiorque pars po-
test, non potest opprimi: & regi vrens illa flamma,
non extingui. Emicant enim semper subsiliuntq.
illi igniculi, qui in his tenebris illustant, in his for-
dibus depurgant, in his ambagibus dirigunt, & ad
Constantiam ducunt & Virtutem. Atque vt he-
liotropium & flores quidam ingenio suo semper
ad

ad solem : sic Ratio ad deum obuersa & originem
 sui. Firma in bono & immota: vnum idemque sen- Recta ratio
constans, &
ad Constan-
tiam limes.
 tiens: vnum idemque appetens aut fugiens : recti
 consilij, recti iudicij fons & scaturigo. Cui parère,
 imperare est: & subiici, præesse rebus omnibus hu- Laus eius, &
dignitas.
 manis. Domuit enim cupidines & exultantes ani-
 mi motus, quisquis hanc audit: & in omnibus vi-
 tæ labyrinthis tutus ab errore, qui hanc sequitur vt
 Theseium filium. Deus ipse per hanc sui imaginem
 ad nos venit, imò quod propius est, in nos: & rectè
 ille quicumque dixit, *Bona mens sine deo nulla est.*
 At sequens illa & nō sana pars (Opinionem dico) Opinionis
origo à terrâ
& corpore.
 originem suam Corpori, id est terræ debet: eoque
 nil nisi eam sapit. Corpus enim etsi per se immo-
 bile & exsensum, tamen vitam motumque ab ani-
 mâ sumit: & vicissim animæ imagines rerū subii-
 cit, per sensuum fenestras. Ita velut communio Quomodo
ex his nasca-
tur?
 quædam & societas coïta inter animam & corpus:
 sed communio, si exitum attendis, animæ non bo-
 na. Abducitur enim paullatim per eam è suo fasti-
 gio: addicitur misceturque sensibus: & ex impuro
 hoc cœtu Opinio in nobis nascitur, quæ non aliud
 quàm Rationis vana imago & vmbra. Cuius vera
 sedes, Sensus: origo, Terra. ideoq. abiecta & vilis,
 non erigitur, non attollitur, nec altum aliquid aut
 æthereum spectat. Vana eadem, incerta, fallax,
 malè consulens, malè iudicans, Constantiâ imprî-
 mis animum spoliatur & Veritate. Hoc cupit hodie, Opinio in-
firma, & ad
inconstan-
tiam limes.
 cras spernit: hoc probat, hoc damnat: nihil iudicio,
 sed corpori sensibusq. gratificans omnia & indul-
 gens. Atque vt oculus qui per nebulam aut aquam
 inspicit, res metitur falso modo: sic animus, qui per
 Opi-

Eius vitupe-
rium.

Opinionis nubem. Hæc homini, si consideras, malorum mater: hæc auctor in nobis confusæ & perturbatæ vitæ. Quod curæ nos exerceant, ab hac est: quod adfectus distrahant, ab hac: quod vitia nobis imperent, ab istâ. Itaque ut ij qui Tyrannidem sublatam è ciuitate volunt, tollūt ante omnia euertuntque arcem: sic nobis si seriò ad Bonam mentem pergimus, deiiciendum castellum hoc Opinionum. Fluctuabimur enim cum iis semper: suspensi, queruli, turbidi, non deo, non hominibus satis æqui. Ut naui vacua & inanis circumagitur in mari omni vento: sic in nobis vaga illa mens, quam pondus & tamquam sabutra Rationis non stabiliiuit.

CAPVT VI.

Constantiæ laus, & seria ad eam adhortatio.

Ad Cōstan-
tiam moni-
tio.

Eius vis &
fructus.

OPINIONIS igitur comes, Lipsi, leuitas est, ut vides: propriumque eius, inutare semper & pænitere. at Rationis, Constantia: ad quam induendam animo; seriò te hortor. Quid abis ad vana aut externa? hæc est sola illa Helena, quæ verum illud legitimumque Nepenthes propinet, in quo obliuio curarum & dolorum. Quod si semel demisisti & imbibisti; altus contra omnem casum & erectus, vno tenore æquabilis, nec ut in læce propendens aut dependens, magnum illud Deoq. proximum tibi vindicabis, Non moueri. Vidistin? in scitis & scutis quorundam hodie regum sublimē & inuidendum illud, *Nec spe nec metu?* in te cōueniet: qui verè rex, verè liber, soli deo subiiciē-

re,

re, immunis à iugo Adfectuum & Fortunæ. Vt flui-
uij quidam per media maria transire dicuntur, &
seruare suam vndam: sic tu per tumultus circum-
fusus, vt falsedinem nullam trahas ex hoc pelago
mærorum. Iacebis? Constantia te attollet. Vacilla-
bis? sustinebit. Ad lacum properabis vel ad la-
queû? solabitur & reducet à limine mortis. Tu eri-
pe tantum & erige te, & nauim flecte ad hunc por-
tû: vbi securitas, vbi pax habitat: in quo perfugium
asylumq. à turbis & à curis. Quem si bonâ fide se-
mel tenueris: non turbet solû patria tua, sed ruat,
stabis ipse incôcussus. Nimbi circû te cadât & ful-
mina & tempestas: clamabis verâ magnâq. voce,
—— *mediis tranquillis in vndis.*

Contra do-
lorem præ-
sertim &
turbas.

CAPVT VII.

*Quid sit & quoruplex quod Constantiam turbet. Bona
& Mala externa esse. Mala autem duplicia, Publica
& Priuata. ex in grauiâ & periculosa maximè
videri Publica.*

Hæc cum dixisset Langius, voce & vultu
acrior quàm solebat, me quoq. scintilla cor-
ripuit boni ignis. &, Mi pater, inquam, (verè non
blandè sic te appellem) duc me quò voles & do-
ce, corrige & dirige. habes ægrum paratum ad
omnem medicinam, siue tu ferrum cogitas siue
ignem. Imò vtrumque pariter, ait Langius. quia &
alibi stipulæ exurendæ inanium opinionum sunt,
& alibi stirpes adfectuum excidendæ ab radice.
Sed ambulamusne etiam? an potior cōmodiorque
nunc sessio? Sessio, inquam ego. æstare enim iam
incipio

incipio non ab vnâ causâ. Cumq̃, fellas Langius ferri & poni in eodẽ attrio iussisset, & iuxtim eum assedissem: ille paullum ad me obuersus, iterum sic cœpit. Ieci hætenus velut fundamenta Lipsi, quibus commodè & tutò inædificaretur futurus sermo: nunc, si placet, accedam propius, & causas doloris tui inquirã, & manu, quod aiunt, tangam tuum vlcus. Duo sunt, quæ arcem hanc in nobis Constantiæ oppugnant, Falsa bona, Falsa mala. Vtraque sic appello, QVÆ NON IN NOBIS SED CIRCA NOS, QVÆQVE INTERIOREM HVNC HOMINEM, ID EST ANIMUM, PROPRIE NON IUVANT AVT LÆDVNT. Itaque Bona aut Mala ea, re & ratione non dicam: fatebor opinione esse, & communi quodam vulgi sensu. In priori classe numerant, Opes, Honores, Potentiam, Sanitatem, Longævitatẽ. in posteriore, Inopiam, Infamiam, Impotentiam, Morbos, Mortes: & vt verbo vno completar, quidquid aliud fortuitum aut externum. Ab duplici isto stirpe quattuor illi capitales in nobis Adfectus orti, qui continent & conterunt vitam omnem humanam, Cupiditas, & Gaudium: Metus, & Dolor. E quibus, priores duo bonũ aliquod opinabile respiciunt, exquẽ eo nati: posteriores, malum. Lædunt omnes turbantque animum, & nisi provides, deiiciunt de suo statu: sed non vno tamen modo. Nam cùm quies eius & Constantia tanquam in æquabili quadam trutinâ sit: depellunt eum ab hoc libramento, illi attollendo; hi depressimendo. Sed falsa Bona & elationem nunc omitto (non enim is tuus morbus:) ad falsa Mala venio,

Hostes Constantiæ duo.

Falsa bona.

Falsa mala.

Adfectus præcipui, quattuor, oppositi inter se: ad quos reliqui referuntur.

Quomodo in Constantiam turbet? Falsa bona, Cupidine & Gaudio: Mala, Metu & Dolor.

venio, quorum agmen iterum duplex. Sunt enim Sed Mala, duplicia: Publica, & Publica, sunt Priuata. Publica desigmo & definio, Publica, &

QVORVM SENSVS VNO EODEMQVE Priuata. TEMPORE AD PLVRES PERTINET. Pri-

uata, QVORVM AD SINGVLOS. Inter illa censeo, Bellum, Pestem, Famem, Tyrannidem, Cædem: & quæ alia foras & in cõmune spectant.

Inter ista, Dolorem, Inopiam, Infamiam, Mortem: & siquid velut domo clausum, in vno singuloque homine cõsideramus. Firmata ea distinctio, & aptata rei. Causa mihi ita distinguendi non vana. quia reuera aliter is luget & alio quodam sensu, qui cladem patriæ, qui exsilium ex-

itiumque multorum: quàm qui vnus suum. Adde quòd ex vtrisque alij atq. alij morbi. sed nisi fallor, Dolor ex malis publicis grauissimus, & creberrimus. Quia cum impetu venit. grauiore ex primis: certè pertinacior. Publicis enim malis obnoxij plerique nostrum: siue quia impetu & turbâ ingruunt, ac conferta velut acie ob-

ruunt resistentè: siue magis, quòd ambitione quadam blandiuntur, & aegritudinè ex iis innasce animis nō agnoscimus sæpe, non sentimus. Ecce priuato dolori quisquis succubuit, fateatur vitium & imbecillitatē necessum est, etiam si non emendet Quia honesti specie irrepit & imponit.

(quæ enim defensio?) at qui huic, aded de labe aut lapsu sæpe nō fatetur, vt sit qui iactet etiam & censeat pro laude. Pietas enim & Misericordia dicitur: & quantulum abest, vt inter virtutes imò numina consecratur publica hæc Febris? Poëtæ & oratores passim dilaudant & inculcant feruidum amorem patriæ: nec prorsus exculco ego, sed temperandum eum moderandumque esse censeo & scisco. Reuera enim vitium est, intemperies est, & animi à gradu deiectio ac lapsus. Sed & grauis morbus parte

aliâ.

Quia item varius & multiplex.

Idq. exéplis
ostensum.

aliâ. quia non vnus in eo dolor, sed confusè Tuus & Alienus. Atque Alienus itē duplex, causâ Hominum, causâ Patriæ. Vt id quod subtilius dici & diuidi à me videtur, capias sub exemplo. ecce Belgica tua nunc premitur non vnâ clade, & circumplexa eam vndiq. ciuili huius belli flamma. vides passim agros vastari, diripi: opida incendi, euerti: homines capi, cædi: matronas pollui, virgines imminui: & quæ alia comitari amant bello. Nōne hîc tibi dolor? dolor. sed varius & diuisus, si inspicis: quia simul & te luges, & ciues, & patriam ipsam. In te, damna: in ciuibus, varium casum & occasum: in patriâ, conuersionem euersionemque status. Alibi habes quod clames, *Me miserum!* alibi,

——— *tot ciues mei*

Mandatam hostili pestem oppetiis manu.

alibi denique, *O pater, ô patria!* Vt qui his non moueatur, & in quem cuneus ac cumulus nihil possit ingruentium tot malorum: aut valdè siccum & sapientem eum esse oporteat, aut valdè durum.

C A P V T V I I I :

Mala publica oppugnata. sed ante omnia tres adfectus coërciti. ex q̃, iis hoc Capite ambitio saquadâ Simulatio: quâ homines Mala propria, vt Publica, lugent.

QUOD est Lipsi? satin' vt præuicari Cōstantiæ meæ videor, & causam adhuc agere tui doloris? Sed feci quod animosi & fidentes Imperatores: elicui in campum & in aciem omnes tuas copias, cum quibus strenuè nunc conflagam. sed velitatione quadam priùs, deinde aperto Marte & velut

velut collatis signis. Inter velitandum autem, tres mihi Adfectus primo pedato (vt cum antiquis loquar) proterendi sunt, Constantiæ nostræ valdè aduersi: Simulatio, Pietas, Miseratio. Atq. ille quidem prius. Negas te ferre mala publica .ea dolore tibi esse, imò morti. Satin' seridò adfirmas? an fraus hîc aliqua & fucus? Ego commotior, Imò seridò tu hoc rogas? inquam. an rides & irîtas? Ego seridò, inquit. non enim pauci ex hoc valetudinario vestro imponunt medicis, & dolorem publicum simulant, qui reuerâ est priuatus. *Quæro igitur, satîsne acceptum habeas, curam istam*

Tres Adfectus, qui fautores Dolori publico.

Contra Simulationē, primò.

Quam malâ ambitione sæpe induit.

Quæ te nunc coquit & versat sub pectore fixa, patriæ ipsius causâ susceptam esse, an tua? Etiamne ambigis? inquam ego. patriæ vnius causa mihi hic luctus, Langi, patriæ. Ille capite abnuens, Adolescens vide etiam atque etiam, inquit. Nam in te si eximia hæc & sincera pietas, mirabor: certè in paucis. Querimur homines sæpe de malis publicis, fateor: nec alius tam communis dolor, & vt sic dixerim, magis in frontem incurrens. sed si propiùs examinas, reperies plerumque discidium aliquod linguæ & cordis. Ambitiosa illa verba sunt, *Mouet me clades patria*, non vera: in labris nata, non in fibris. Quod de Polo histrione nobili traditum est, cum Athenis fabulam actitaret in qua dolor repræsentandus, cum filij sui defuncti ossa & urnam clàm intulisse, & theatrum totum vero gemitu luctuque complexisse: idem hîc dixerim de plerisque vestrum. Comœdiam ô boni luditis, & velati personâ patriæ, priuata vestra damna veris & spirantibus lacrymis lugetis. *Mundus vniuersus exer-*

Priuata enim plerique lugent, non publica.

Itaque causa
intima
querenda
doloris.

cet histrioniam, ait Arbiter : certè hîc. Bellum hoc
ciuile nos cruciat, inquit, & fufus innocentum
cruor, & interitio libertatis & legum. Itâne? dolo-
rem fanè veſtrū video: quæro & cūctor de cauſâ.
Quian', publica malè habent? hiftorio pone perſo-
nam, imò quia tua. Vidimus agreftes sæpè trepida-
re & cōcurrere & vota facere, cū calamitas ſubi-
ta ingruit aut tempeſtas: ſed tu, cū deſcendiſti, eoſ-
dem ſeuoca & examina, reperieſ; vnumquemque
timuiſſe dumtaxat ſegeti & agellulo ſuo. Ad in-
cendium in hac vrbe clamet: claudi pænè dicam
& cæci concurrent ad reſtinguendum. quid cen-
ſeſ? vtrum amore patriæ? imò pete ab ipſis: quia
damnum illud ad ſingulos pertinet, aut certè eius
metus. Simile hîc eſt: & mouent vulgò turbant-
que homines mala publica, non quia plurium id
damnum, ſed quia inter plures eoſ ipſi.

C A P V T IX.

*Simulatio ea clariùs reſecta, & ab exemplis. obiter de
verâ Patriâ dictum. item malitiâ hominum gauden-
tium malis alienis, cū ipſi extra ea.*

Dolemus
lugemusque
publica, non
vt publica.

Sed quia aut
damnum iis
privatum
adiunctum,
aut eius me-
tus.

IT A Q V E coram te iudice hæc cauſa agatur, &
in tuo tribunali: ſed, quod olim, leuato velo.
Nempe bellum hoc times? times. cur? quia peſtis
& pernicies coniuncta bello. Peſtis illa ad quos?
nunc ad alios quidẽ, ſed perſtingere etiam ad te
poſteſt. En caput tui doloris (ſi verum fateri ſine
eculeo vlllo vis) en fontem! Vt enim cū fulmen
in vnum aliquem cecidit, etiam ij qui in proximo
ſtabant, tremuerunt: ſic in magnis iſtis communi-
busque

busque cladibus damnum ad paucos peruenit, metus ad omnes. Quem si tollis, tollis vnà hunc dolorem. Ecce bellum si apud Æthiopas aut Indos geratur, nihil mouere (extra discrimen enim tu sis:) si apud Belgas, plores, clames, frontem percutias & femur. Atqui mala publica propter ipsa si luges, quid interest? Non enim illa patria mihi, inquires. Stulte. an nō & illi homines eadem stirpe tecum & satum sub eodem cæli fornice? in eadem terræ pilâ? Exiguum hoc quod hi montes coërent, hi fluij cingunt, patriam esse censes? Erras. vniuersus orbis est, quacumque homines sunt cælesti illo semine oriundi. Egregiè olim Socrates interroganti, cuiatem se ferret? Mundanum, respondit. Magnus enim erectusque animus nō includit se istis ab opinione terminis: sed cogitatione & sensu totum hoc Vniuersum complectitur, vt suum. Vidimus stultos & risimus, quos cistos aut magister alligabat straminis vel exigui fili nodo: atque illi stabant quasi ferro aut verâ compede deuincti. similis nostra hæc amentia, qui futile opinionis vincolo astringimur ad certâ terræ partem. Sed vt firmiora hæc omittā, (vereor enim vt possis concoquere:) addo amplius. si quis deus sponsor tibi per hoc ipsum bellum sit, agellos tuos intactos fore, domum pecuniamq. saluam, te ipsum in monte aliquo cōstituatur velatū. Homericâ nubes: etiāne dolebis? de te quidem hoc non ausim dicere, sed erit non nemo qui gaudebit etiam, & oculos suos auidè pascet in confusâ illâ morientium strage. Quid abnuis, aut miraris? Ita insita nescio quæ malitia humani ingenij fert, *Latans*, vt

Occusum
obsecrationi
de patriâ:

Quæ latius
patet, quam
censet vul-
gus: &

Opinio sola
est, quæ eam
arcat.

Sed ostensum
est, ne angustæ quidē
illius patriæ
causâ nos
dolere.

Malitia nostra
in alienis
malis id
euincit.

poëta vetus loquitur, *malo alieno*. Atque ut poma quædam gustu suauiter acerba sunt: sic alienæ curæ, securis nobis. Pone mihi aliquem in Oceani illo littore, qui naufragium spectet. adficietur sanè, sed non iniucundo quodam animi morsu: quia aliena pericula videt, sine suo. at repone eundem in iactata illa naui: dolebit scilicet alium dolorem. idem cùm omnia fecimus, diximus, hîc est: & nostra mala verè atque ex animo lugemus, publica dicis morisque causâ. Quamobrem aulæum hoc scænicum tandè remoue Lipsi, & siparium complica: & misâ omni simulatione, ostende te nobis vero doloris tui vultu.

* *Egregie Plin-
datum: το γὰρ
οἰκεῖον πέν-
ξις πάνθ'
ἐμῶν· ἰουδῆς
δ' ἀπὸ ἡμῶν
καρδίᾳ πᾶ-
σι δὲ ἐμφ'
ἀλλότρετον.*

CAPVT X.

Querela mea de increpatione Langij tam libera. sed additum, Philosophi id munus esse. Conatus item resutandi superiora: & obligatio amoris, qui in patriam.

AC R I S mihi visa prima hæc velitatio. quam interpellans, *Quæ ista sermonum libertas, imò acerbitas est? inquam. sic vellicas, sic pungis? Iure cum Euripide te compellem,*

* *agros ne agri-
tudinem Ad-
das. satum su-
perque cladi-
bus premor.*

Sapientis
actis oratio,
ad ianitatem
cōparata nō
ad iuauitatē.

* *Officina pro-
duci, ē viri,*

— * *μὴ νοσῶντί μοι νόσον*

προσθῆς ἄλλισ γὰρ συμφορὰ βερύνομαι.

Langius arridens, Ergone tu crustulum, inquit, à me aut mulsam expectas? atqui ferrum paullo antè poscebas & ignem. Et rectè. Philosophum enim audis, Lipsi; non tibicinem. cui docere propositum, non ducere: prodesse, non placere. Ut pudeas & ut rubeas malo, quàm ut rideas: ut pænisseas, quàm ut exsultes. * *Ἰατρῆον, ὃ ἄνδρες, τὸ τ' φι-
λοσόφου*

λαοφύλακτον, clamabat olim Rufus : quò sanitatis
 causâ concutitur, non voluptatis. Nihil palpat
 ille medicus, nihil blanditur: sed penetrat, pungit,
 radit, & acri quodam sermonû tale sordes abster-
 get animorum. Itaque nè in posterum quidem,
 Lipsi, rosas cogita, sesamum, aut papauer: sed spi-
 nas, sicas, absynthium & acetum. Ego iterum, Sed
 enim Langi, si fas dicere, agis mecum malè & ma-
 lignè: nec, vt bonus pugil, legitimo nexu deiciis
 me, sed per argutias supplantas. Simulatè, ais, lu-
 gemus patriam, nec propter ipsam. Egone? falsum.
 Nam vt hoc tibi dem (agam enim ingenuè) respec-
 tum in eo aliquem mei esse, at non solius. Lugeo
 enim, Langi, patriam imprimis, lugeo: lugeboque,
 etiamsi nullum mihi in eius discrimine discrimen.
 Iure bono, illa siquidem est, quæ me excepit, fouit,
 aluit: communi gentium sensu, sanctissima & an-
 tiquissima parens. At enim orbem vniuersum pa-
 triam mihi das. Quis renuit? sed tu quoque fatère,
 præter hanc grandem & communem, aliam mihi
 esse magis definitam & peculiarem patriam: cui
 arcano quodâ naturæ vinclø propiùs obstringor.
 Nisi censes vim nullam esse laciendi & attrahendi
 in natali illo solo, quod primùm corpore ilto pres-
 simus, pedibus institimus: cuius aërem hausimus:
 in quo infantia nostra vagiit, pueritia lusit, iuuen-
 tus exercita & educata est. Vbi familiare oculis cæ-
 lum, flumina, agri: vbi longâ serie cognati, amici,
 sodales: & tot gaudij illecebræ, quas frustra terra-
 rum alibi quæram. Nec Opinioni hîc, vt videri
 vis, filum tenue, sed firmi compedes Naturæ. Ad
 animalia abi. feræ ecce cubilia sua amant & agnos-

*philosophi sebo-
 la est. Est au-
 tem Muso-
 nij Rufi,
 apud Arria-
 num.*

*Per occasio-
 nem transi-
 tus ad se-
 cundû Ad-
 sectum.*


*Patriæ par-
 ticularis
 laus. &*

*A naturâ eâ
 câ vinculum.*

*Etiam in
 aliis anima-
 libus.*

B 3

cunt;



cunt; aues, nidos. Pisces ipsi in magno illo & interminato Oceano, frui gaudent certa eius parte. Nam homines quid dicam? qui culti sine Barbari, ita adfixi genitali huic glebæ; ut quisquis vir est; nihil ambigat mori pro eâ, & in eâ. Itaque, Langi, nouam hanc & rigidam tuam sapientiam nec sequor adhuc nec adsequor: Euripidem magis, verè adfirmantem:

* Imperat
Necessitas
Amare pa-
triam cunctos.

* ἀναγκάιος ἔχει
Πατρίδα ὡς ἅπαντας.

CAPUT XI.

Refutatus secundus Adfectus nimij amoris in patriam. quem Pietatem falsò vocant. idq; ostensum. Item unde origo illi Adfectui. & quid Patria propriè ac verè.

Rationes ex-
repulsæ.

AD hunc sermonem renidens Langius, Adolescens, inquit, mira tua pietas: & iam periclitatur, opinor, de cognomine suo M. Antonij frater. Sed tamen hoc commodè, quod vltro offert se hic Adfectus & procurrit ante signa: quem iam antè aggredi mihi decretum, & sternere leui hastâ. Detraho autem illi ante omnia velut spoliū pulcherrimæ vestis, quâ malè se exornat. Amor enim hic in patriam, Pietas vulgò dicitur: nec capiēte me, fateor, nec ferente. Vnde enim Pietas? quam eximiā virtutum esse scio: nec propriè aliud, quàm **LEGITIMUM DEBITVM QVE HONOREM ET AMOREM IN DEVM AC**

* Nam faciunt
tuo gradus
Pietatis: in-
deū patriam,
parentes.

PARENTES. Quâ fronte autem Patria* mediam his se inserit? Quia, inquiunt, etiam illa sanctissima & antiquissima parens. O inepti: nec iam in Ra-

tionem

tionem iniurij, sed in Naturam ipsam ! Illanc patiens? cur, aut quomodo? Nihil enim hinc video: & tu si acutior Lipsi, tenebras meas illustra. Quianc excepit? id enim visus antè dicere. atqui etiam hospes aliquis sæpè aut caupo. Fouit? haud paullo mollius olim gerula aut nutrix. Aluit? hoc pecudes, hoc arbores, hoc segetes cottidiè: & inter magna corpora quibusque nihil imputet terra, Cælum, Aër, Aqua. Denique transfer te, & hoc idem faciet quæuis alia tellus. Madida hæc & natantia verba sunt: quibus nihil expresseris, præter plebeium & inutilem quemdam Opinioni succum. Parentes quidè ij soli, qui genuerant; formârunt, gestârunt: quorum nos semen de semine, sanguis de sanguine, caro de carne. Quorum siquid in patriam vel comparatione conueniêt: nil recusò, quin Pietatem hanc oppugnem irritò telo. At enàm viri docti, viri magni, sic effati passim. Fateor. sed ad famam, non ad verum. quod si sequeris, sacrum illud & augustinum nomen deo remittes, & si placet, parentibus: hunc quidem adfectum, etià cum emendatus est, contentum esse iubebis honesto titulo Caritatis. Sed de nomine tantum est: rem potius videamus. quam equidem non totam tollo; sed tempero, & velut scalpello circumcidò rectè Rationis. Vt enim vitis, nisi amputes, latissimè se spargit: sic isti Adfectus, quibus aura aliquæ velificatur popularitatis. Ac fateor libens, Lipsi, (non enim ita hominem exui aut ciuem) inclinationem aliquam & amorem cuique nostrum in minorem hanc patriam esse: sed cuius causæ, vt video, parùm liquiddò tibi cognita aut origo. A natura enim esse vis:

Nec Patriam
parentis no-
mine digni-
dam.

In deum &
parentes,
Pietas: in
patriam,
Caritas.

Quæ tem-
peranda est.

in deum &
parentes,
Pietas: in
patriam,
Caritas.

in deum &
parentes,
Pietas: in
patriam,
Caritas.

Vnde ea Ca-
ritas nata?

A more non
à naturâ.

reuerâ autê est à more quodam & instituto. Post-
quàm enim homines ex rudi illâ & soliuagâ vitâ
ab agris in opida compulsi sunt, & domos ac mœ-
nia struere cœperunt, & cœtus facere, & populari-
tér vinj inferre vel arcere: ecce communio quæ-
dam necessariò inter eos exorta, & societas varia-
rum rerum. Terram & fines quosdam cõiunctim

Imò ideo
amamus pa-
triam, quia
quiddam in
eâ nostrum.

habuerunt: templa in promiscuo, fora, æraria, tri-
bunalia: & quod præcipuum vinculum, cerimonias,
iura, leges. Quas tamen ipsas res ita amare & cu-
rare auaritia nostra occœpit (nec erravit prorsus)

Et origo illi,
ab amore
priuato.

ut suas. Verè enim singulis ciuibus in ea ius: nec
differunt à priuatis possessionibus, nisi quod non
vnius. At consortio ista velut formam, & faciem
quandam expressit noui status. quam Remp. &
eamdem propriè Patriâ appellamus. In quâ cùm
intellegerent homines quantum momenti esset ad
salutem singulorum: latæ etiam leges de eâ iuuan-
dâ & propugnandâ: aut certè traditus à maioribus
mos, qui instat legum. Hinc factum, ut commodis
eius gaudeamus, doleamus incommodis: quia re-
ipsâ priuatæ nostræ opes saluæ, illâ saluâ; & mor-
tuæ, moriente. Hinc caritas in eâ siue amor. quem

Quem pro-
duxit & au-
xit cõsuetu-
do, siue lex.

Idque socië-
tatis huma-
næ causâ.

boni publici causâ (illuc autem occulta quædam
dei Prouidentia nos trahit) auxêre maiores, factis
dictisque omnibus maiestâtè patriæ adstruentes.

Argumenta
clara, cur nō
à natura.

Ab instituto hic adfectus igitur, nie quidem iudi-
ce. quod si à naturâ, ut tu pertēdebas: quid ita non
pariter in omnes & eâdem mensura diffusus? cur

Primò, quia
non æquiter
tâgit omnes.

nobiles diuitesque patriam magis amant, curant:
minus plebeij aut inopes, quos plerumq. curarum
suarum videas, publicâ omissa? Quod tamen aliter

cuenire

evenire certum est, in omni adfectu qui à violento iussu naturæ. Deniq. quid causæ adferes, quòd tam levis causâ sæpe cum minuit aut tollit? Ecce alium ira, alium amor, quosdam ambitio patriâ elicit: & hodie quàm multos Lucrus ille dens? Quot Itali relictâ reginâ regionum Italiâ, in Galliam, Germaniam, imò Sarmatiam sedes transtulerunt & fixerunt, quæstus tantùm causâ? Hispanorum quot millia quotannis in sepositas & sub alio sole terras auaritia aut ambitio trahit? Magno hercules & valido argumento, externum & opinabile totum hoc vinculum esse, quod vna aliqua cupiditas tam temerè soluit aut rumpit. At erras etiâ largiter, Lipsi, in circumscribendâ patriâ ipsâ. Adstringis enim eam ad natale illud solum, quod institimus, quod pressimus: & quæ alia mihi tinnis inani sonitu verborum. Petere enim illinc frustra vis insitas amoris huius causas. Nam si genitalis solius soli id nomen: patria mihi quidem Bruxella tantùm erit, tibi Iſſcanum, alteri cuipiâ tugurium aut magari. imò multis nec tugurium quidem, sed silua & nudus ager. Anior ergo mens & cura intra istos angustos limites conclusa? villam illam tantùm aut domum, vt patriam, amplectar & defendam? Vides ineptias. & quàm beati, te definiente, siluani illi aut agrestes, quorum natalis terra florens semper & pænè extra omne cladis aut interitus discrimen. Sed non illud profectò Patria est, non: sed VNVS ALIQVIS STATUS, VT DIXI, ET COMMVNIS VELVT NAVIS, SVB VNO REGE AVT SVB VNA LEGE. Quam si iure amari à ciuibus vis: fatebor. defendi:

Secundâ,
quia facilis
minui, imò
tollit.

Reiecta opi-
nio de patri-
culari pa-
triâ.

Non esse
eam, locum
natalem.

Quid verè
& propriè
ea sit.

Eaque ciuili-
ter tanè de-
fendenda.

agnoscam. mortem pro ea suscipi: permittam. non illud, vt etiam doleat quis, iaceat, lamentetur.

Dulce & decòrum est pro patria mori,

At non mul-
hebriter cõ-
ploranda.

Sapientum
decretum de
verâ patriâ.

magno adsensu caueæ dixit poëta Venusinus: sed mori dixit, non flere. Ita enim esse boni ciues debemus, vt etiam boni viri simus. quos exuimus, cum in luctum & lamenta transimus puerorum aut mulierum. Postremò, Lipsi, altum illud & arcanum tibi instillo: si hominem totum aspicias, vanas falsasq. esse has omnes patrias. & corpori quidem fortasse aliquam hîc posse tribui, nullam animo: qui è supero illo domicilio delapsus, vultu carcerem & custodiam habet omnem hanc terram. At cælum vera illi germanaque patria est. ad quam adspicimus, vt cum Anaxagorâ ex animo possimus dicere fatuo huic vulgo quærenti, Nihil tibi curæ patria est? Mihi verò illa patria. & digitum mentemque in æthera intendamus.

CAPVT XII.

Tertius Adfectus temperatus, qui Misericordia. eam in vitio esse. discriminata, lucis causâ, à Misericordiâ. quomodo, & quatenus eâ vtendum.

NV BEM aliquam mihi, ab animo dispulisse hoc sermone visus Langius. & ad illum, luvias largiter mi senex quâ monendo, quâ docendo. & iam Adfectum illum qui erga solum aut statum est, videor temperare posse: nondum illum, qui in homines ipsos. Quomodo enim non tangant & angant me damna patriæ, propter ciues & populares meos: qui iactantur in hoc calamitatum pelago,

Ad miserationē transi-
tum.

go, aut pereunt, variâ & miserâ sorte? Langius excipiens, At istic, Lipsi, inquit, non dolor propriè, sed Misericordia est: quæ ipsa tamen spernenda à sapiente & constante. Nihil enim illi magis conuenit, quàm firmitas animi & robur: quæ esse non possunt, si deiecit contrahitque eum nō suus solūm haustus, sed alienus. Interrupi hīc ego, & Quæ istæ Stoicorum spinæ sunt? inquam. Miserari me vetas? at virtus ea apud bonos est, certè apud nos qui verâ religione imbuti & pietate. Langius adfirmatè, Ego verò veto, inquit: & ægritudinem hanc si ab animis tollo, ægrè non feret quisquam bonus. Verè enim ægritudo: nec longè à miseria est, quisquis miseratur. Vt imbecilli malique oculi nota est, lippire ad conspectum lippientis: sic animi, dolere viso dolente. Definatur ea rectè, **VITIVM PV-SILLI MINVTIQVE ANIMI, AD SPÉ- CIEM ALIENI MALI COLLABENTIS.**

Quæ aliena sapienti.

Nec Christiano quidem prorsus conueniens: nō intellectu.

Quid ea sit?

Quid ergo? tam duti & ferrei nos, qui flecti in alieno dolore quemquam nolumus aut inclinari? Imò flecti non displicet: sed ad iuuandum, non ad dolendum. Misericordiam tibi permitto, non miserationem. Distinguere enim ea nunc placet, & recedere paullisper à nostrâ porticu, docendi causâ. Misericordiam appello, **INCLINATIONEM ANIMI, AD ALIENAM INOPIAM AVT LVCTVM SVBLEVANDVM.** Hæc virtus illa, Lipsi, quam velut per nebulam vides, & pro quâ Misericordia tibi subrepat & imponit. At enim humanum est adfieri, & miserari. Esto. sed non rectum. An tu virtutem vllam in mollitiè & abiectiōe animi esse censes? vñ ne ingemiscas? vt suspires? vt

Misericordiam tamen non excludi.

Quid item ea sit?

Discrimen inter vtramque.

Effectus, vtriusque.

verba

verba fracta & tertiata cum lugente misceas? Erras, aliqui dare tibi auaras aliquot anus & deparcos Eucliones possum; è quorum oculis mille lacrymas citiùs expresseris, quàm vnum è bulgâ nummum. At noster verus ille misericors, non miserabitur quidem, sed tamen eadem omnia aut maiora faciet miseranti. Adspiciet aliena mala humanis oculis, sed tamen rectis: adducto quodam vultu adfabitur, sed nō lugubri aut deiecto. solabitur fortiter, iuuabit liberaliter: & faciet benigniùs, quàm dicet: & manum potiùs egeno aut lapso porriget, quàm verba. Atque hæc omnia cautè & circumspectè præstabit. ne, vt in malâ contagione, alienus morbus in illum transeat: néve, quod de gladiatoribus dicitur, per alterius latus ipse feriat. Quid hîc rigidum, sodes, aut durum? & talis omnis Sapientia est: quæ procul intuentibus seuera & terrica appâret; cùm propiùs successeris, lenis, clemens reperitur, & quâ non mitior aut amicior ipsa amorum dea. Sed satis de tribus his Adfectibus. quos si in parte tibi deteris, magnum mihi id ad reliquam pugnam momentum.

Multa Stoi-
eorum πικ-
ράδα, non
αδδξα.

CAPVT XIII.

Remotis obstaculis, ventum seriò ad eleuanda aut tollenda ipsa Publica mala. quattuor ea præcipuis argumentis oppugnanda à me & expugnanda. Ac primò hîc de Providentiâ dictum: eâque probata inesse & præesse rebus humanis.

Verum pro
Constantiâ
nunc certa-
men.

VENIO enim tandem à velitatione ad veram
seriamque pugnam; & omissis leuibus istis
telis

telis & luforiis, ad decretoria arma. Milites copiasque meas omnes ordine & sub signis inducam: quarum quadruplex mihi agmen. Primo pugnabo, A deo immitti & circummitti hæc publica mala: secundo, Neceffaria ea effe & à Fato: tertio, Vtilia nobis: poftremo, Nec graua, nec noua. Quæ copiarum fi locis fuis aptè pugnant & repugnant: etiã ne refiftere mihi vltra aut os obuerture audebit exercitus tui doloris? non audebit. Vici. Et cum hoc omine, figna canant.

Diuifio & ordo quatuor rationum, quæ principes.

Cùm omnes igitur adfectus, Lipfi, qui vitam humanam variè incurrunt & turbant, à dementi mente fint: tum, meo animo, dolor præfertim, qui de rep. fumptus. Nam cùm ceteri finem aliquem habeant & tanquàm fcopum (vt amator, potiri; iratus, vlcifci; auarus, acquirere; itemq. in ceteris:) foli huic nihil propositum reperies, præter ipfum. Ne vaga & libera nimis oratio mea fit, fed adductis habenis maneam in hoc gyro: nempe tu patriam nunc luges, vt ais, corruentem. fed qua fini, cedò? aut quid fperas in eo aut fpectas? Vtrùmne vt rem lapfam corrigas? labentem firmes? an vt dolendo imminentem patriæ peftem perniciemq. depellas? Nihil horum. tantùm vt tritum illud pollis dicere, Doleo; & cetera vanus irritusque hic omnis luctus. Rei enim præteritæ is eft: quam reprehendere & infectam reddere, ne diis quidem voluerunt effe in manu. Et vanus tantùm? hndè impius, fi rem pendes æquâ iudicij lance. Quod enim te non fugit, æterna quædã mens eft, quam Deum appellamus: quæ cælorum perennes orbes, quæ fiderum inæquales curfus, quæ elementorum alter-

Stultiffimū inter Adfectus, dolorem publicum effe.

Quia fine nullo aut fpe fufcepus.

Eumde impium: quia in deum pugnat.

Fortuna ex-
pulia ē rebus
humanis.

Providentia
habita.

Cuius men-
tis capaci-
tas, celeri-
tas, immen-
sa vires.

* Libello 28.
νόσμη. quem
Sicelamus erat,

nas vices, quæ denique omnes res superas inferas
temperat, moderatur, gubernat. Casum tu aliquem
Fortunæve dominati in hoc pulcherrimo mundi
corpore censēs? temerario aut cæco impetu ferri
misericord. res humanas? scio, non censēs: nec quis-
quam à te alius, qui aliquid non dicam sapientiæ
habeat, sed sanitaris. Naturæ enim, naturæ ista vox
est: & quocumque oculos animumque conuertas;
mortalia, immortalia; sublimia & terrena; animata
& inanimata, clamant clarè & loquuntur; quiddam
super nos esse, quod hæc tam mira, tam magna,
tam multa, creârit, fecerit: & creata, facta, etiam-
nunc dirigat & cōseruet. Id autem est Deus, cuius
summæ & perfectissimæ naturæ nihil magis con-
uenit, quàm vt curam tutelamque operis sui gere-
re & velit, & possit. Quidni autem velit? optimus
est. quidni possit? maximus est. adeoque vires nul-
læ supra ipsum, vt nullæ nisi ab ipso. Nec distrin-
git eum aut distinet magnitudo hæc rerum aut va-
rietas. Spargit enim æterna illa lux quoquouersum
suos radios: & vno eodemque, vt ita dicam, ictu
siue nictu, sinus omnes & abyssos penetrat cæli,
terræ, maris. nec præest solùm diuinitas hæc rebus
omnibus, sed interest, imò inest. Quid miramur?
Sol ille quantam mundi partem simul lustrat &
illustrat? nostra mens quantam congeriem rerum
vnâ cogitatione complectitur & sensu? & ô fatni,
non censemus plura inspicere & concipi ab eo posse,
qui hunc ipsum Solem, hanc ipsam Mentem crea-
uit & fecit? Egrediè vel diuinè potius, is qui non
multa de rebus diuinis, * Aristoteles: ὅπερ ἐστὶν τὴν
κωσερνήτης, ἐν ἀρµατὶ δὲ ἡνίοχος, ἐν χρεῶν δὲ κορυφαῖος,
ἐν

ἐν πόλει δὲ νόμος, ἐν στρατοπέδῳ δὲ ἡγεμὼν, τὸτο θεὸς ἐν
κόσμῳ. Πλὴν καθ' ὅσον τοῖς μὲν κυβερτητὴν τὸ ἄρχειν,
πολυκινητὸν δὲ καὶ πολυμέλειον· τῷ δὲ ἄλυπον, ἄπονόν
τε, πάσης κεχρυσμένον σωματικῆς ἀδυναμίας. id est:
Quod in navi gubernator, in curru auriga, in choro præ-
centor, in vrbe Lex, in exercitu Imperator: id in orbe est
Deus. Hoc tantum discrimine, quod illi quidem Laborio-
sum suum regimen, anxium, & exercitum est: deo au-
tem sine dolore aut labore, seiunctumq; ab omni corpo-
ris nisu. Est igitur in deo, Lipsi, fuit, erit, PER VI-
GIL ILLA ET PER PES CVRA (sed cura
tamen secuta) *QVA RES OMNES INSPI-*
CIT, ADIT, COGNOSCIT: ET COGNITAS
IMMOTA QVADAM ET IGNOTA NOBIS
SERIE DIRIGIT AC GVBERNAT. Id
autem est, quod Prouidentiam hîc voco. de quâ
queri non nemo per imbecillitatem possit, nemo
querere, nisi qui obsurdit & obbrutuit contra
Naturæ vocem omnem & sensum.

ut Epistola ad
Alexandrum.

Descriptio
Prouidentie.

CAPVT XIII.

Nihil hîc geri, nisi Prouidentia eius nutu. ab eâ clades in
populos aut vrbes immitti. idem parum pie super in
queri nos aut flere. Denique adhortatio ad parendum
deo. cum quo temerè & frustra pugnatur.

QUOD si benè imbibisti, si gubernatorem il-
lam vim inferere se atque insinuare, & vt
cum poetâ loquar,

Argumentū
à prouiden-
tiâ in rei
præsentem.

————— ire per omnes

Terrasque tractusque maris,

seriò & ex animo credis: non video, quis locus vl-
trâ

Ab eâ enim
ciades &
mala im-
mitti.

trâ esse possit dolori tuo aut querelâ. Illa enim ipsa
prouida mens, quæ cælum hoc cottidiè voluit re-
uoluit, solem ducit reducit, fruges promit recon-
dit: casus istos & vicissitudines omnes rerum pe-
perit, quas miraris aut indignaris. Grata tu tantum
& nobis commoda submitti cælitus putas? imò
tristitia etiam & incommoda: nec quidquam omni-
no in hac grandi machina geritur, turbatur, misce-
tur, (peccatū excipio) cuius nō causâ & origo à pri-
mâ illa causâ. * Πάντων enim ταίμαι ἔργων ἐν ἑαυτῷ
ait rectè Pindarus: & aurea quædam veluti cathe-
na demissa supernè est (vt per fabulam Homerus
velat) ad quam omnia hæc inferna alligata. Quòd
ibi labes terræ opida aliquot absorpsit, à Prouiden-
tiâ est. quòd alibi pestis multa millia hominum
demessuit, ab istâ. quòd cædes, bellū, tyrannis apud
Belgas, ab eadem ista. Diuinitus Lipsi, diuinitus
immissæ omnes istæ clades: ideoq. benè & sapien-
ter Euripidi * ξυμφορῇ θεύλατοι dictæ. Fluxus, in-
quam, omnis & refluxus hic rerum humanarum,
ab illâ Lunâ dependet: ortus regnorum & occasus,
ab illo Sole. Itaque tu nunc cū fræna dolori tuo
laxas, & indignaris patriam tuam cōuerti aut euer-
ti: ne illud quidem cogitas, quis, & in quem, indi-
gnè? Quis? homo, vmbra, puluis. in quē? formi-
do dicere, in deum. Vetustas gigantes quosdam
fabulata est, qui diuos deturbare aggressi de suâ ar-
ce. mittamus fabulas: vos queruli, ij estis. Si enim
hæc omnia nō permissa solū à deo, sed immissa;
vos qui fremitis, qui repugnatis, quid aliud quàm
sceptum illi (quod in vobis est) eripitis & arbi-
trium regnandi? Cæca mortalitas! Sol, Luna, side-
ra, ele-

* omnium re-
rum dispen-
satores & ad-
ministrari in
cælo.

* clades à deo
immissæ.

Indignum
verò vt in
eam homo
insurgat.

ra, elementa, & omnia hæc sæcla animantum parent non inuita & obaudiunt supremæ illi legi: nobilissimum rerum homo, solus in cōditorem suum calces iacit & resistit. Atqui si vela ventis dedisses, sequerere non quò voluntas impelleret, sed quò illi: & in hoc vitæ Oceano spiritum illum sequi recusas, temperatorem Vniuersi? Et recusas tamen frustra, quia aut sequere, aut trahere: & cælestia illa decreta vim suam ordinemque seruabunt, siue in volentem siue in rebellem. Rideamus, si is qui cymbam ad rupem alligauit & funem identidem trahat, rupem ad se accedere censeat cùm ipse ad illam: & non maior nostra stultitia est, qui ad rupem illam æternæ Prouidentiae nexi, trahendò & reluctando volumus eam nobis obsequi, non nos ipsi. Mittamus aliquando hæc vana: & si sapimus, sequamur ab alto attrahentē illam vim, & æquum censeamus vt homini placeat, quidquid placuit Deo. Miles in castris, audito viæ signo, vasa colligit; audito pugnae, deponit; animo, oculis, auribus, paratus ad omne imperium & intentus. idem nobis sit, & in hac militiâ sequamur alacres & pleno gradu quocumque vocantem Imperatorem. *Ad hoc sacramentum adacti sumus, ait Seneca, ferre mortalia: nec perturbari his, quæ vitari nostra potestatis nō est. In regno nati sumus: deo parere, libertas est.*

Cetera enim omnia creata parent.

Sed & stultum. quia insurgit sine effectu.

Omnia enim diuina illa mēs volentia, nolentia, moderatur & trahit.

Ideo sponte parendum.

Auro meliora verba Senecæ.

C

CAPVT

Ad secundum pro Constantiâ argumentum transsum, quod à Necessitate. Vis eius & impetus. Dupliciter ea Necessitas considerata: & primò in Rebus ipsis.

Hoc firmum, Lipsi, & Vulcanium planè scutum contra omnia externa: hæc aurea illa arma, quibus tectos, Plato pugnare nos iussit in casum & Fortunam. Deo subiici, Deum cogitare: & in omni euentu, mentem hæc flectere ad magnam illam Mundi mentem. Prouidentiam dico. Cuius
 * *pias & felices copias quoniam satis explicui: producam & inducam agmen alterum, quod sub Necessitatis vexillo. Agmen forte, durum, ferreum: & quam non vanè legionem dixerim Fulminatricem. Rigida enim & infracta ista vis, quæ omnia domat, superat: & cui mirabor, Lipsi, si resistes.*
 Thales interrogatus olim, * *τί ἰχυρότατον;* rectè respondit, *Ἀνάγκη πάντων ἢ κεχρῆται.* & sermo de eadem vetus etsi parum cautus, * *τὴν ἀνάγκην ὁ δὲ τὸς θεὸς βιάζεται.* Hanc Prouidentię nunc adtexo: quia cognata illi, vel, vt verius dicam, ex eâ nata. A deo enim eiusque decretis Necessitas. nec aliud hæc *Ἀνάγκη*, vt Græcus philosophus definiuit, quàm *κείνης βεβαία ἢ ἀμετάπειτος δύναμις τ' ἀπορίας.*
FIRMA sanctio & immutabilis Prouidentię potestas. Eam Malis publicis interuenire, dupliciter euincam, A rebus, & à Fato: A rebus ipsis: quoniam ingenium hoc omnibus creatis, vt insitâ quadam vi ad mutationem ferantur & casum. Vt ferro consumens quædam rubigo per naturam agnata est: ligno, exedens caries aut teredo: sic animalibus, opidis,

* *Allusi ad Legionis veteris cognomen, Pia Felix.*

A necessitate argumentum alterū. Cuius vis communiter ostensa.

* *Quid fortissimum? Necessitas. omnia enim vincit.*

* *id est: ne deos quidem cogere posse Necessitatem. Plato v. De Legib. & vii. vsurpat.*

Quid sit Necessitas?

Quotuplex in nostrâ hac res?

Insita rebus & innata, primò.

opidis, regnis, internæ & suæ causæ pereundi. Supera, infera respice: grandia, parua: manu facta, aut mente: ab omni æuo corruunt, & corruent in omne æuum. Atque vt flumina ad mare feruntur, perpeti & prono cursu: sic res omnes humanæ, per hunc (vt sic dicam) cladium canalem labuntur ad suam metam. Meta ea, mors & interitus. quibus Pestis, Bella, Cædes, administri & instrumenta. Ita si mors iis necessaria: necessaria hoc respectu & clades. Quod vt clariùs videas sub exemplis, nō diffugiam mente & animo paullisper tecum peregrinari per magnum hoc Vniuersum.

Quia ad mutationem omnia & interitum creata.

CAPVT XVI.

Exempla necessaria mutationis aut mortis in toto Orbe.

Cælum & elementa conuerſi, aliquando interitura.

Idem in opidis spectari, in prouincijs, & regnis. Denique gyrate hic omnia, nec quidquam stabile aut firmum.

AETERNALIS lex à principio dicta omni huic Mundo, nasci, denasci, oriri, aboriri: nec quidquam stabile aut firmū arbiter ille rerum esse voluit, præter ipsum. — * *μόνος ἐγίγνεται*

Θεοῖσι γῆρας, ὃ δ' ἐμὴν δαμέν ποτε.

Τὰ δ' ἄλλα συγχεῖ πάνθ' ὁ παγκρατὴς χεῖρ:

exclamat Tragicus vates. Omnia ista quæ suspicis, quæ miraris, vicibus suis aut pereunt, aut certè mutantur. Solem illum vides? deficit. Lunam? laborat & tabescit. Sidera? labuntur & cadunt. Et vt velet aut excuset hæc ingenium humanum: euenēre tamen in cælesti illo corpore & euenient, quæ Mathematicis legem omnē frangant & mentem.

Exemplis superis inferisque id ostensum.

* - Vni deo Numquam senectus, atra nec mors imminet: Sed alia miset dormitor atas omnia. Sunt Sophoclis versus.

A cælo & ære, iniūto facto.

Cometas omitto, varia formâ, vario situ, & motu: quos omnes ab aëre & in illo esse, haud facile imponat mihi Lycæum: sed ecce nuper negotium Astrologis fecere noui quidam motus deprehensi, & nouæ stellæ. * Sidus exortum hoc ipso anno: cuius incrementa & decrementa clarè obseruata, vidimusque (difficulter creditum) in cælo ipso nasci aliquid posse, & mori. Quin Varro ecce apud Augustinum clamat & adserit, *stellam Veneris quam Plautus Vesperuginem, Homerus Ἐσπερον appellat, colorem mutasse, magnitudinem, figuram, cursum*. Proximum cælo aërem inspicere. mutatur cottidiè: & in ventos abit, nubes, & imbres. Transi ad aquas. flumina illa quæ perennia dicimus & fontes, aliàs periisse videbis, alias alueum mutasse & cursum. Ipse ille Oceanus, magna & arcana Naturæ pars, modò tempestatibus attollitur aut deicitur: & vt eæ non sint, suos habet aquarum accessus & recessus. atq. vt interire eum totū posse censeas, crescit minuiturque cottidiè per partes. Iam si Terram intuêris, quam vnâ immobilem voluerunt, & * vi suâ stare: ecce illîc labat, & tremore atque occulto spiritu cōcutitur: alibi aquâ corrumpitur, aut igne. Pugnant enim & hæc inter se: neu bella inter homines tantum esse indignêre, sunt inter elementa ipsa. Diluies maris subita inundatioque, quot terras imminuit, aut absorpsit! Olim magnam illam Atlantidem insulam (nec enim meo animo fabula est) postea Helicen, Buren: & ne ad vetera aut remota eamus, apud nos Belgas, patrum auo, * duas insulas cū opidis virisque. Quin iam nunc cū maximè cærulûs ille Diuus nos sibi sinus aperit,

* Anno lxxij. quod supra omnium elementarem regionem fuisse perisissimum Mathematici consensiebant.

Ab aquis & mari.

A terrâ.

* Idco Vestram appellatam.

Hoc fine pugna & aduersitas inter elementa.

* In Zelandia partibus.

aperit, lambens cottidiè & abrodens infidum marginem, Frisiorum, Canunefatum, Cauchorum. Nec terra ipsa muliebri ignauia cessat: sed interdum se vindicat, & in medio mari insulas sibi facit: mirante & indignante cano ille patre. Quod si ad interitum mutationemque magna illa corpora, & nostro sensu æterna, destinata sunt: quid censes opida, respublicas, regna? quæ tam mortalia esse necessum est, quàm eos qui fecerunt. Vt hominibus singulis adolescentia sua, robur, senectæ, mors: sic istis. Incipiunt, crescunt, stant, florēt: & omnia idē, vt cadant. Vnus sub Tiberio terræmotus duodecim celebres Asiæ vrbes euertit. totidem Campaniæ opida alius, sub Cōstantino. & vnum aliquod Attilæ bellū, plus centenas. Veteres Ægypti Thebas vix fama retinet: centū Cretæ vrbes vix fides. & vt ad certiora veniam, cadauera Carthaginis, Numantiæ, Corinthi, prisci viderūt & mirati sunt: nos Athenarum, Spartæ, & tot illustrium vrbium ignobiles ruinas. Illa ipsa rerum gentiumque *domina & falsò Æterna vrbs, vbi est? obruta, diruta; incensa, inundata; periit nō vno leto, & ambitiosè hodie quæritur nec inuenitur in suo solo. Byzantium illud vides, quod sibi placet *duplicis imperij sede? Venetias istas, quæ superbiunt mille annorū firmitate? veniet illis sua dies: & tu nostra Antuerpia, ocelle vrbium, aliquando non eris. Diruit videlicet construitque, & (si fas dicere) ludit in rebus humanis magnus ille architectus: & velut plastes, varias sibi formas & imagines fingit ac diffingit ex hac argillâ. Opida adhuc loquor & vrbes: sed regna etiā & prouinciæ trahuntur in hanc labem.

Si elementa pereunt, quanto magis quæ ex ipsis?

Vrbis magnarum exitia aut excidia.

* Romam sentio.

* Romani, & Turci.

* *De Assyriâ
historici: de
Iudæâ, sacra
litæ. At de
Ægyptiorum
olim potentiâ,
præter alios
Tacitus, qui
non minus
magnificam
eam fuit,
quâ vim Par-
thorum aut
imperium Ro-
manû. Lib. II.
Annal.*

Conclusio,
& per cõge-
riem, muta-
tionum ex-
empla.

* *Ob Turcas
dico, qui ex
illis.*

Olim Oriens floruit. & * Assyria, Ægyptus, Iudæa
valuète armis ingeniisque: fors ea in Europam
transiit. quæ tamen ipsa, vt corpora instante mor-
bo, vibrari mihi nunc videtur, & præsentiscere
magnum suum casum. Quod amplius & num-
quam satis miremur, hic à quinq. annorum milli-
bus & quingentis habitatus orbis senescit: & vt
Anaxarchi explosæ olim fabulæ iterum applauda-
mus, surgunt alibi succrescuntque noui homines
& nouus Orbis. O mira & numquam compre-
hensa Necessitatis lex! abeunt omnia in hunc nas-
cendi pereundi que fatalem gyrum: & longæuum
aliquid in hac machinâ est, nihil æternum. Attolle
& circumfer mecum oculos (non enim me piget
premere hunc locum) & vide rerum humanarum
alternas vices, & vt in Oceâno, æstus. Tu surge,
tu cade. tu impera, tu serui. tu occultare, tu emer-
ge. & eat hic rerû in se remeantium orbis, quam-
diu erit ipse Orbis. Germani feri olim fuistis?
nunc mitescite ante plerosque populos Europæ.
Britanni inculti & inopes? deliciis ac diuitiis Ægy-
ptios prouocate & Sybaritas. Græcia olim floruit?
nunc iaceat. Italiâ sceptrum tenuit? nunc seruiat.
Vos Gothi, vos Vandali, vos sex Barbarorum pro-
dîte è latebris, & gentibus imperate per vices. Ad-
este etiam pelliti vos * Scythæ, & potenti manu
paullisper habenas temperate Asiæ atque Europæ.
Sed isti ipsi mox discedite, & sceptrum relinquite
illi ad Oceanum genti. Fallor enim? an Solem
nescio quem noui imperij surgentem video ab
Occidente?

Ventum ad Necessitatem qua è Fato. Fatum ipsum primo adfertur. Vulgi in eo & sapientum vniuersum quemdam cōsensum fuisse, sed in partibus dissensum, Quotuplex priscis Fatum.

DIXERAT Langius: & lacrimas mihi pænè expresserat hic sermo. ita visus mihi in clarâ luce cernere ludibria rerum humanarû. Et exclamans, Heu, quid aut ipsi sumus, inquâ, aut omnia hæc in quæis sudamus? *τί δέ πῃ, τί δ' ἐπὶ; οὐκ ἔστιν ὅραρ ἀνθρώπων, vt verè nimis olim Lyricus vates, Langius ad me, At tu adolescens, inquit, non adspice solùm ista, sed despice: & Constantiam animo imprime, ex hac inconstanti & desultoriâ leuitate omnium rerum. Inconstantem dico, à mente & sensu nostro. quia Deum providentiamque si adspicis, rato omnia & immobili ordine decurrunt. Iam enim omissis gladiis, ad machinas venio: nec telis dolorem tuum oppugnabo, sed tormentis. Fati arietem intorquebo, firmum, validum: & quem nulla vnquam humana vis elidet, aut acumen eluderet. Qui locus etsi lubricus ad lapsum: tamen ingrediar. sed cautè, lentè, & quod Græci dicunt, ἡσυχῶ πρὸς. Ac principio Fatum aliquod in rebus esse, non tu Lipsi, vt opinor, non gens aut ætas vlla dubitauit. Ego interpellans, Ignosce, inquam, si remeligo tibi obiicior in hoc cursu. Fata mihi oponis? Futilis hîc aries Langi, & qui Stoicorum neruis dirigitur parùm firmis. Liberè dico. & illa ego sperno, & Parcas: & cum Plautino milite, totum hoc anile agmen vno spiritu difflauerim, vt

* Quid est esse aliquem? quid est esse nullum? umbra formæ, homo.

Deflexum ad alteram Necessitatem, respectu Fati.

De quâ, ob spinosa ingenia, differtio anceps.

Probatum
initio fata-
lem aliquam
necessitatem
esse:
Ex indissol-
ubili isto
nexu.

folia ventus. Langius severo atque aded minace
oculo, Temerarie & incōspecte, inquit, fata tu elu-
dis aut tollis? non potes: nisi vnā vim omnem tollis
numenque diuinum. Si enim deus est, Prouiden-
tia est: si hæc, Decretum & ordo rerum: si istud, fir-
ma & rata necessitas euentorum. Quomodo exis-
tunc hunc ictum? aut quā securi scindis hæc cathenam?
Deum enim & æternam illam mentem, non aliter
cogitare nobis fas, quā vti scientia & præuisio in
eo sint æterna. Eundemque fixum, firmum, im-
mutabilem, semper vnum & sui simile sentimus:
in iis quæ semel voluit aut vidit, nihil flectentem,
nihil fluctuantem.

* Non etenim
diuinum mens
vertitur æter-
norum.
Homeri ver-
sus.

* Οὐ γὰρ τ' αἰψὰ θεῶν πρέπεται νόθ' αἰὲν ἔόντων.

Fati impres-
sa quædam
omnibus
notitia.

Quæ si vera fatæris (& fatearis necessum est, nisi
rationem omnem exuis & sensum:) illud quoque
adfate're, decreta omnia diuina firma & immota
esse, ab æterno in æternū. At ex eo necessitas emer-
git, & hoc quod illudis fatum, Cuius rei tam liqui-
da & tam obuia veritas, vt non alia veterior aut re-
ceptior sententia inter gentes. omnibusque ferè,
quibus dei aut prouidentia lux aliqua adfulsit, his
& Fati. Vt iidem illi primi purique igniculi, qui
homini illum aperuere: præluxisse pariter videan-
tur ad istud. Homerum ecce adi & audi, primum
& sapientissimū poëtarum. mentior, si aliam ma-
gis orbitam diuina illa Musa calcavit & inculca-
uit, quā hanc Fatalem. Nec abiit reliqua poëta-
rum stirps à suo patre. Euripidem, Sophoclem,
Pindarum: & è nostris, Virgilium vide. Ad histo-
ricos me vocas? omnium illæ voces, Fato hoc tale
accidisse, & Regna euerfa aut stabilita Fatis. Ad
philoso-

Homerus
verè sapiens
poëta apud
sapientes.

Dux ad Fa-
tum.
Quem secu-
ti scriptores
reliqui.

philosophos? quibus cura maior erudendæ & tuendæ contra vulgum veritatis. At illi cum in plerisque aliis diuersi ierint, studio & malo ambitu certandi; mirum quam omnes conuenerint in vnius huius viæ capite, quæ ducit ad Fatum. Capite viæ dixi quia non eo negatum, quin ea in plures mox semitas secta. quas tamen omnes ad hoc Quadrifinium videor posse reducere, Fati Mathematici, Naturalis, Violenti, Veri. Quæ explicabo breuiter, & tanquam pedem in singulis ponens: quia vulgo confusio hîc & error.

Philosophi pene omnes in Fato conspirant.

Sed de naturâ eius, quadripertite sententia.

CAPVT XVIII.

Tria primâ genera Fati explicata breuiter. omniû definitio siue descriptio. Stoici leuiter & breuiter excusati.

Ac Fatum Mathematicum quidem appello, **Q**UOD LIGAT ET NECTIT FIRMITER ACTIONES OMNES EVENTVSQUE AD VIM SIDERVM ET POSITVRAM STELLARVM. Cui Chaldæi & Astrologi, primi auctores. interque philosophos fundus & subscriptor, sublimis ille * Mercurius. qui Pro-

Fatum Mathematicum, quid?

uidentiam, Necessitatem, Fatum, subtiliter nec vanè prorsus distinguens, ait: *ᾠρόνοια ἐστὶ αὐτοτελὴς λόγος τῆ ἐπερὲν δὲ δύο δὲ τῆτε δυνάμεις αὐτοφύεις, Ἀνάγκη καὶ Εἰμαρμένη. ἡ δὲ εἰμαρμένη ὑπηρετεῖ ᾠρονοίᾳ, καὶ ἀνάγκῃ. τῇ δὲ εἰμαρμένῃ, ὑπηρετοῦσιν οἱ ἀστέρες. ἔτι γὰρ εἰμαρμένην φυγεῖν τις δύναται, ἔτι φυλάξαι αὐτὸν ἀπὸ τῶν τέτων δεινότητων. ὅπλον γὰρ εἰμαρμένης, οἱ ἀστέρες. καὶ γὰρ ταῦτα πάντα ἀποτελεῖσιν τῇ φύσει καὶ τοῖς ἀνθρώποις.*

* Etiam Plato inclinare istuc videtur in Timæo.

id est: *Providentia est perfecta & absoluta ratio celestis*

dei. cui dua cognata facultates, *Neceſſitas & Fatum*. Et *Fatum* quidem ſubſeruit miniſtratq; *Providentia*, ſimul & *Neceſſitati*: at *Fato* ipſi, ſubſerviunt *ſtella*. Nam nec *Fati* vim effugere quiſquam poteſt, nec cauere ſibi à vi & potentia ſtellarum. Hæc enim, tela & arma *Fati*. cuius arbitrio, cuncta efficiunt & perficiunt *Natura* atque *Hominibus*. Et in eadem ſtultâ naui hodie non ſolùm *Aſtologorum* vulgus, ſed (pudet dicere) è *Theologis* non nemo: At *Naturale Fatum* voco,

Fatum phyſicum quid?

ORDINEM CAUſſARVM NATVRALIVM, QVÆ (niſi impediuntur) VI ET NATVRA SVA CERTVM EVMDÈMQVE PRODVCVNT

EFFECTVM. *Ariſtoteles* in hac parte: ſi * *Alexandro Aphrodiſienſi* fides, interpreti eius haud inſido. itemq; *Theophraſtus*, qui clarè ſcribit, τὴν εἰμαρμένην εἶναι τὴν ἐκαστοῦ φύσιν, *Fatum* eſſe vniuſcuiuſque *naturam*. Ex horum mente, quòd homo hominem gignit, *Fato* fit: quòd moritur ab internis & ſine alienâ vi cauſſis, *Fato*. & retrò, Quòd homo ſerpentem gignit aut monſtrum, * præter *Fatum*: itemq; quòd gladio occiditur aut igne. *Sententia* non valdè peccans, quia ad vim *Fati* ne adſurgit quidem. quis autem caſum non vitet, qui non aſcendat? Et talis in * diuinis vbique ferè *Ariſtoteles* eſt: libellum illum de *Mundo* excipio, qui totus aureus, ab aliâ mihi videtur & magis cæleſti aurâ. Quin hoc amplius in *Græco* ſcriptore lego, *Ariſtotelem* cenſuiſſe, τὴν εἰμαρμένην ἐκ αἰτίας μὲν, ὁποῦν δὲ πρὸ αἰτίας ſυμβεβηκότα πᾶς τοῖς τῆς ἀνάγκης παραμένοις. Cor philoſophi! qui *Fortunam* caſumq; ſeriò nuncrare inter cauſſas audet, non audet *Fatum*. Sed hunc mitto: ad *Stoicos* meos venio

(non

* Nam ipſe *Ariſtoteles* ſilet. excipio *De mundo*, ubi aliter.

* Ita *Virgilius*, & *Ciceroni*, *Fato* perire, aut præter *Fatum*, ſcriptum.

* Ut qui nec *Providentiam* plenè, & planè ſati adſervat, ſed obiter aliquid in *Eſtihu*.

Stoici fortaliſſe ſoli ſa

(non enim diffimulo . in pretio & amore mihi ea
 secta) qui auctores Fati Violenti. Quod definitio,
 cum Seneca, NECESSITATEM RERVM OMNIVM
 ACTIONVMQ., QVAM NULLA VIS
 RVM PAT. aut cum * Chrysippo, *δύραμι πνευμα-*
τιχὴν, τὰ ξειτὰ πάντος διοικητικὴν. vim spiritalem, ordine
 Vniuersum hoc gubernantem. Nec abeunt definitio-
 nes illæ nimis à recto aut à vero, si sanè & mode-
 stè interpretèrè. vti nec tota fortassè eorum senten-
 tia , nisi iugulasset eam pridem conuersus pollex
 omnis vulgi. Tribuunt iis duo impia . & , Quòd
 deum subiicem faciunt trigis fati. & , Quòd actio-
 nes item internas, & nostræ voluntatis. Nec fiden-
 ter nimis eos purgem vtriusque culpæ. E scriptis
 enim eorum, quæ pauca restant, est vbi hæc elicias;
 est, vbi magis saniora . Seneca sanè porticus illius
 tibicen haud infirmus , in prius illud impingere
 videtur, libro quo minimè debuit , De Prouiden-
 tiâ: *Eadem necessitas* , inquit, *& deos alligat. irrenoca-*
bilis humana ac diuina pariter cursus vehit . Ille ipse
omnium conditor ac rector scripsit quidem Fata, sed se-
quitur. Semper paret, semel iussit. Et indissolubilis il-
 la cathèna nexusq. caussarū, quo omnia & omnes
 ligant , vim facere non obscurè videtur Arbitrio
 humano. At germani tamen verique Stoïci, apertâ
 fronte professi numquam ista . aut siquid tale iis
 elapsum in calore illo, vt fit , scribendi siue disse-
 rendi: verbis id magis tale comperies , quàm re &
 sensu. Chrysippus ipse (qui primus corruptit &
 enervauit virilè sectam spinoso acumine quæstio-
 num) de libertate imminutâ, apud Agellium di-
 luit & purgat. Nec Seneca noster deū Fatò subiicit
 (sanior

piunt inter
 veteres Sa-
 pientes.
 Quid Fatū
 Stoicum.

* Cuius etiam
 alia definitio in
 Agellij lib. vi.

In quo ab-
 errent hic
 Stoïci.

Deum Fatò
 subiicere vi-
 dentur.

Tollere hu-
 manam li-
 bertatem.

Sed reuera
 non penitus
 ea sensere.

Nam Fati
nomine sit-
pe aliter ab-
utuntur, &
Prouiden-
tiam, imò
deum ipsum
intelligunt.

(sanior illi mens) sed genere quodam sermonis,
deum deo. Nā qui inter eos proximè verum ac-
cessêre, Fatum alias Prouidentiam ipsam appella-
bant, aliās Deum. Itaque Zeno cū definisset
εἰμαρμένην, δυνάμιν κινήτικὴν τῆ ὕλης κατὰ ταῦτα, καὶ
ἀσάπτως: *Vim secundum eadem eodem modo materie
motricem*: addidit, ἥν πᾶσα μὴ διάφορον καὶ πρόνοίαν καὶ
φύσιν καλεῖν: *quam nihil intersit, Prouidentiam etiam
aut Naturam dixisse*. Et Chrylippus ab eadē men-
te Fatum alibi dixit λόγον αἰδίου τῆ προνοίας: *Prouiden-
tia eternam rationem*. Iam Panætius Stoicus δεῖν
ἀπεφαίνετο τὴν εἰμαρμένην, Deum ipsum dixit esse Fa-
tum. Quod idem sentiens clarè * Seneca: *Quoties
voles, inquit, tibi licet aliter hunc auctorem rerum &
naturarum compellere. Et Iouem illum optimum ac
maximum ritè dices, & Tonantem & Statorem: qui
non, ut historici tradiderunt, ex eo quòd post votum
susceptum acies Romanorū fugientium stitit, sed quòd
stant beneficio eius omnia, Stator Stabilitorq; est. Hunc
eundem & Fatum si dixeris, non mentieris. Nam cū
Fatum nihil aliud sit, quàm series implexa caussarum:
ille est prima omnium caussa, ex quā cetera pendent.*
Quæ postrema tam piè dicta, ut calumniari ea nec
Calumnia ipsa possit. Neque abiit hac parte à
Stoicis scriptor ille * magnus ad regem Magnum:
διμαί δὲ, inquit, καὶ τὴν Ἀνάγκην ἐν ἄλλοις πλέγεας, πάλιν
τῆτον. οἷον ἀκίνητον εἶναι. εἰμαρμένην δὲ, διὰ τὸ εἶναι πᾶσι
καὶ χωρεῖν ἀκωλύτως. id est: Existimo autem & Necessi-
tatem non aliud dici debere, quàm Deum, tanquam sta-
bilem naturam. & Fatum item ipsum, quòd connectat
omnia, & progrediatur liberè ac sine impedimento. Qui
sermones siquid improuidi habent, nihil tamen

impij:

* Lib. 1111.
De benef. cap.
v 11. ubi hæc
tamen aliter
& corruptè
legas.

* Aristoteles
De Mundo.

impij : & apud æquos interpretes hand longè ab-
sunt à vero nostroque Fato. Illud quidem elogium
seriò Stoïcorum genti do. non aliam sectam ma-
iestatem suam & prouidentiam deo magis adse-
ruiſſe: nō aliam homines ad æthera illa & æterna
traxiſſe magis. Et in fatalis huius stadij decursu si-
quid lapsi: à laudabili bonoque studio fuit, cæcos
mortales à cæcā Deā reuocandi. Fortunam inquit.
cuius non solūm numen ab iis fortiter exploſum,
sed & * nomen.

Alta & ere-
cta Stoïcorū
secta: & que
tales gignit.

* Titi & ab
Augustino
lib. 1. Retract.
cap. 1.

CAPVT XIX.

*Quartum siue Verum Fatum explicatum. De nomine
ipſo dictum breuiter. Id definitum tenuiore filo: &
oſtenſum à Prouidentia differre.*

SED de sensu veterum aut dissensu, dixi satis.
Scur enim curiosè nimis aut subtiliter scruter
* τὰς ἐν αἰδῷ πιθανάδας? Cum vero Fato ad fatum
mihi negotij: quod nunc propono & illustro. Id
autem hîc appello, æternum Prouidentie decre-
tum: quod tolli non magis è rebus potest, quàm
Prouidentia ipsa. Nec nomen mihi aliquis cauil-
letur. quia, fidenter hoc adseuero, non aliud huic
rei proprium in Romanâ linguâ. Abusi eo veteres:
nos vtemur: & eductam è Stoïcorum carcere vo-
cem, trahemus ad lucē meliorē. Fatum enim cer-
tè à fando: nec aliud propriè, quàm * dictū & iussum
diuinum. At hoc ipsum illud est, quod hîc quæri-
mus. Fatum enim Verum definitio, siue cum illu-
stri Pico: PENDENTEM A DIVINO CON-
SILIO SERIEM ORDINEMQ. CAUS-

* Tricesimas
quæ in orco.
quod adagiū
malè vertit.
malè cepit
noster Desi-
derius.

Fati nomen
an, & quate-
nus, nobis
licitum.

* Trifsciani
verba. & si-
milis Varro.
Veri Fati fi-
nitio prior,
simplicx.

Altera im-
plication, sed
ad rei vim
expressior.

Idémne id
cum Proui-
dentiâ?

Non videri.
& discrimi-
na.

Prouidentia
communiter
côsideratur:
Facum par-
tité, illa in
deo, hoc in
rebus.

* Hæc ut ex-
plicarent, alij
triplicem Proui-
dentiâ fa-
ciêre. ut Plato-
nius & Plutarchus.
quâ di-
uisione nihil
opus.

* Mutum te-
rere, ad-
agio est, quâ
vius Gale-
mus.

SARVM. siue nostris verbis, obcurius sed subti-
lius: INHÆRENS REBVS MOBILIBVS
IMMOBILE PROVIDENTIÆ DECRETVM,
QVOD SINGVLA SVO ORDINE, LOCO,
TEMPORE, FIRMITER REDDIT. Dixi,
Prouidentia decretum, quia Theologis qui hodiè
(venia mihi in libero veri studio sit) non prorsus
adscientior, qui id cum Prouidentia ipsa, re & no-
mine miscent. Scio arduum imò temerarium,
ὁμολογῶν illam & *ὁμολογῆσαι* *τὸν* (Deum dico) ver-
bis certis concipere velle aut adstringere, & quid-
quid ad illum: tamen vt humanæ mentis captus
est, persenero aliud Prouidentiam esse propriè,
aliud nostrum Fatum. Nam Prouidentia non ali-
ter capio aut considero, quàm vt IN DEO VIS
SIT ET POTESTAS OMNIA VIDENTI,
SCIENDI, GYBERNANDI. & vis dico vni-
uersa, indiuisa, stipata, &, vt cum Lucretio loquar,
vniuerse iuncta. At Fatum ad res ipsas magis descen-
dere videtur, in iisquæ singulis spectari. vt inquam
sit digestio & explicatio communis illius * Proui-
dentiæ distinctè & per partes. Itaque illa in deo
est, & ei soli tribuitur: hoc in rebus, & iis adscribi-
tur. Tricari tibi videor, & quod ille ait, * *τί γὰρ
τὸν τῶν*? Imò sumo hæc, Lipsi, è medio sermone
vulgi. quo nihil magis increbuit, quàm vt dicamus
Meo bono fato id fieri, aut malo: &, Hoc esse regni illius
aut opidi fatum. At de Prouidentia nemo sic lo-
quetur: nemo, inquam, rebus ipsis eam tribuet, ci-
tra impietatem aut irrisum. Benè ergo dixi, in deo
illam esse: hoc à deo quidem, sed intellegi in rebus.
Addo amplius, Prouidentiam etsi reapse à Fato
indiuul-

indiuulsam, tamen præstantius quiddam & prius
 Fato videri: ut Solem præcellere lumini, æternita-
 tem temporis, intellectum rationi, vulgò adserimus
 in Sapientum scholis. Sed ne dilatem hæc tristia,
 etsi nondum trita: vides ex istis causam mihi iu-
 stam discriminis, itemque nominis retenti contra
 nouitium. *ἡ δὲ διολογούμενων* Senatium. Nam prisci illi
 & olim conscripti * Patres, nihil mihi inuident aut
 inhihent quin verbo Fati in sanâ & verâ notione
 fidenter utar. Sed ut ad clarandam finitionem
 meam redeam, dixi Inhærens decretum, ut osten-
 derem spectari Fatum debere in iis ad quæ perue-
 nit, non à quo venit. Addidi, Rebus mobilibus, il-
 lud adsignificans, Fatum ipsum etsi immobile,
 motum tamen insitum & naturam non tollere à
 rebus: sed leniter & sine vi agere, ut cuique rei im-
 pressa à deo signa postulant & notæ. Ipse causis
 quidem (secundas intellego) necessariis, necessa-
 riò: in naturalibus, naturaliter: voluntariis, volun-
 tariè: contingentibus, contingentèr. Itaque rerum
 quidem respectu, vim nullam adfert aut coactio-
 nem: sed ut quidquæ natum est facere aut pati, ita
 dirigit singula & flectit. At si id ad originem suam
 tamen retrahis, id est Prouidentia & Deum: con-
 stanter nec timide adfirmandum, necessariò omnia
 fieri quæ Fato fiunt. Postremò adiunxi, de Ordine,
 Loco, Tempore, firmans quod antè posui, Proui-
 dentiam rerum omnium iunctim esse; Fatum per
 distributionem, singularum. Et in Ordine, seriem
 nexumque causarum intellego, quas Fatum defi-
 nit in Loco & Tempore, mirâ illam & numquam
 explicandam vim, quâ omnia euenta & certis lo-
 corum

Prouidentia
 melior Fato.

* Ut August.
 lib. v. De Ci-
 uitate cap. 1.
 & cap. 12.
 Item Isidorus,
 Orig. viii.
 cap. vi. Quin
 & Thomas
 Aquinas li-
 bellum De
 Fato scripsit
 & inscripsit.
 Vltior to-
 tius defini-
 tionis expli-
 catio.
 Fatum res
 non violat.

Ordo caus-
 sarum in Fato.

Adstrictio
 eius ad Lo-
 cū & Tem-
 pus.

corum sedibus, & temporum momentis, sunt adstricta. Fatum est Tarquinius regno eiici? fiat: sed adulterium præcedat. ordinem vides. Cæsarem interfici? ita: sed in Curiâ etiam, & ad statuam Pompeij. locum vides. Domitianum à suis cædi? cædetur: & illâ ipsâ horâ, quam frustra vitabat, quinctâ. tempus vides.

CAPUT XX.

Distinctum & diuulsum id à Stoïco fatò quattuor terminu. Oñsensum accuratiùs, quomodo vim non inferat voluntati. itémque deum nec οὐρανὸν mali nec auctorem esse.

*Quidquid hic
diffusum, prout
d. neum iudicij
esto. corrigam
monitus. Et
erroris aliqui
me conuincet,
nemo pertinacia.*

SA T I N' hæc capis adolescens? an clarior etiam fax tibi accendenda? Ego caput concutiens, Clarior, Langi, clarior, inquâ: aut æternum relinquis me in hac nocte. Quod enim istud discriminum subtile stamen? qui quæstionum captiosi laquei sunt? Insidias, mihi crede, metuebam: & tam expensa & suspensa tua verba suspiciebam, ut singulos hostes. - Langius subridens, At tu confide, inquit. nullus hîc Annibal est: & in præsidium, non insidias deuenisti. Dabo lucem: illud modò effare, ubi & in quâ parte cæcutis? In eâ, Langi inquam, quæ de vi est & necessitate. Non enim capio prorsus, quomodo Fatum hoc tuum ab illo Stoïcorum disiungis. quod cum verbis & ianuâ, quod dicitur, benè exclusisti; re & postico vidêris admittere.

Langius promptè, Absit Lipsi, inquit, absit. Non enim ego vel per somnium Fatum vllum Stoïcorum induco: nec * anus illas recoquo diu extin-

ctas:

*Fatum verum
videri
cum Stoico
mixtum.*

** Parca insellego.*

Etas: modestum piumque Fatum profero, quod ab illo Violento quattuor his finibus abiungo. Illi deum Fato subiiciunt, nec Iupiter ipse apud Homerum, cum maximè vellet, Sarpedonem suum eripuit eius vinclis: at nos Fatum deo, quem liberum omnium rerum auctorem & actorem esse volumus, & transcendere cum libuit ac rumpere implexa illa agmina & volumina Fati. Item illi ab æterno fluentem seriem causarum naturalium constitunt, nos nec naturalium causarum semper, (deus enim prodigij aut miraculi causa, sæpe citra, imò contra naturam egit:) nec ab æterno: quia secundæ causæ non æternæ. Origo enim iis certè cum mundo. Tertiò, illi τὸ ἐσθιχόμενον sustulisse videntur è rebus: nos id reddimus, & quoties secundæ causæ tales sunt, Contingens fortuitumque admittimus in euentis. Postremò, voluntati vim illi intulisse visi violentam. abest hoc à nobis, qui & Fatum ponimus, & in gratiam tamen reducimus cum arbitrij libertate. Ita enim Fortunæ & Casus fallacem ventum fugimus, vt nauim hanc ad Necessitatis scopulum non allidamus. Fatum est: sed prima nempe causa. quæ ad eò secundas mediasque non tollit, vt non nisi (ordinatum quidem & ὡς ἐπὶ τὸ πλεῖστον) per eas agat. At inter secundas etiam Voluntas tuà est: quam fuge credere, vt deus ille * cogat aut tollat. Hic error omnis in ista re, hæc nubes. nemo scit se velle debere, quod vult Fatum: & dico, liberè velle. Deus enim ille qui res creauit, rebus vtiitur, sine corruptione rerum. Sicut supremum illud cælum inferiores omnes orbis ita secum ducit, vt proprium eorum motum

Sed discretum tamen his terminis. Primò, quod Deus nobis supra Fatum.

Secundò, quod causæ nobis non æternæ.

Tertiò quod contingentia non tollimus.

Postremò, quod libertatem quandam hominibus permittimus.

* Acute Augustinus: Non enim voluntas cogi potest vt velit quod non vult: non enim volumus, si nolimus.

non abrumpat aut sistat: sic Deus fati impetu humana omnia trahit, sed peculiarem cuiusque vim aut motionem non tollit. Arbores & fruges voluit crescere? crescunt sine ullâ vi, per naturam. Homines deliberare, eligere? deliberant sine ullâ vi & eligunt, per voluntatē. Et tamen hoc ipsum quod

* προοιῶ-
ναι πάντων,
ἀλλ' ὁ πᾶσι
τοῦ προορί-
ζει. Damas.
genus.

electuri fuerunt, vidit ipse ab æterno: sed vidit, non coëgit; sciuit, non sanxit; prædixit, non præscripsit. Quid titubant hîc nostri Curiones? Miselli! non alius mihi locus videtur in clariori luce. nisi quod petulca ista mens idemtidem se scalpit & exasperat, malâ quadam scabie infecta litigandi &

* Plutarchus
fatis argutē,
Peccata ne-
gat fato fie-
ri, tamē fato
contineri:
licet non
orantia lege
sunt, quæ
lege conti-
nentur.

disserendi. Quomodo enim, inquiunt, si Deus prouidit peccaturum me, nec falli prouisio illa potest, non necessariò peccem? Fatue, quis id negat? peccas necessariò: sed adde, per tuam voluntatem. Nempe hoc prouidit, vt eo modo pecces quo prouidit: prouidit autem vt liberè: liberè igitur necessariò peccas. Satin' hoc clarū? Sed vrgent iterum,

At enim deus in nobis auctor omnis motus. Communiter auctor, fateor: sed non nisi boni fautor. Ad virtutem accingeris? illo sciente & iuuante fit.

* Quâdam
etiā sen-
tentia, vo-
lente, quia
nihil certē
inuito deo
fit.

ad vitium? sciente & * sinente. Nec eius hîc aliqua culpa. Equum infideo & impello debile & claudum: quod impello, à me est; quod debilem, ab ipso. Citharam pulso dissonam & nervis malè vinctam: quod tamen discordat, instrumenti vitium esse fatebere, non meum. Terra hæc ipsa arbores & fruges omnes alit communi succo: sed illæ salutarem fructum proferunt, aliæ venenum. quid dicēs? à terrâ hoc esse, an potius ab insitâ arborum vi, quæ alimentum bonum decoquant in suum

virus?

virus? Simile hîc est. & à deo quidem quòd mouêre; à te & in te, quòd ad malum. Deniq. vt concludam de hac libertate: Fatum veluti præfultor est, & funem ducit in mundi istâ choréa: sed ita, vt partes aliquæ nostræ sint volendi semper aut nolendi. Nec vltà. non enim efficiendi: quia arbitrium saltem relictum homini, quo reluctati & obniti deo libeat: non vis etiam, quâ possit. Vt in naui ambulare mihi fas, & per foros discurrere aut transtra, sed nihil minutus hic motus valet vt impediat eius cursum: sic in fatali hac naui, quâ omnes vehimur, currant licet voluntates nostræ & transcurrant, non viâ eam eiicient aut sistent. Temperabit & habenas moderabitur semper suprema illa voluntas: & quo visum erit cumque, currum hunc diriget leni quodam fræno.

CAPVT XXI.

Conclusio tractationis de Fato. monitū. periculi plenā & ancipitē eam esse. nō curiosè indagandā. deniq. adhortatio seria vt vires animo imprimantur à Necessitate.

SED quid ego ista? verito proram, & remoueo me ab hac Charybdi, quæ multorum ingenia absorpsit. Ciceronis hîc naufragium video, qui Prouidentiam * maluit tollere, quàm delibare ali-
quid de humana libertate. *Ita dum homines liberos*
fecit, (ait eleganter antistes Hipponensis) fecit sacri-
legos. Damascenus etiâ inter nostros, natat in hoc freto: & Prouidentiam ad cetera quidem porrigit, remouet ab iis quæ *ἰσφ' ἡμῖν*. Quorum periculis mo-

** In libro De diuinat.*

Ignem sub cinere esse, hæc de Fato.

Non nimis
commouen-
da.

* De diu hoc
tantum dic,
esse.

Ad utilita-
tem saltem
nostram ap-
plicanda.

Violenta
enim hæc
arma contra
dolorem.

mus nos in hoc mare. Euclides olim interroganti multa de diis, per commodè respondit: Cetera quidem nescio, illud scio, quòd odere curiosos. Idem de Fato cense: quod aspici vult, non inspicere credi, non cognosci. Biantis opinor illud est, * *μηδ' ἴδωρ λέγει ὁ σέβας*. meliùs ad Fatũ transferam: de quo hoc satis esse moneo, vt esse scias. Cetera, nihil peccas, si ignoras. Illud propriè ad nostram Spartam (iam enim ab implicito hoc flexu redeo, in veterem & apertam viam) vt Necessitatẽ agnatã malis Publicis credas, & in illã solatiũ aliquod quæras tui luctus. Quid ad te curiosè de libertate arbitrij quærere, aut seruitute? de coacta voluntate, aut ductã? Miser! Syracusæ tuæ capiuntur, & in puluere pingis. Bellũ tibi supra caput, Tyrannis, cædes, mors: quæ supernè certè immissa, nec quidquã ad tuum arbitratum. Timere ea potes, non cauere: fugere, & non vitare. Arma aduersum hæc induc, & arripe hoc Fatale telum. quod dolores istos omnes non pungit, sed iugulat: nõ minuit, sed tollit. Vt vrticam si contanter attingas, adurit, si fortiter, hebescit: sic luctus ista asperitas increscit si lenioribus remediis attractes; si duris & fortibus, cedit. Necessitate autem nihil fortius est, quæ solo impetu mollia hæc agmina obruit & auertit. Quid enim tibi vis dolor? non inuenis locum in eo, quod fieri non solũ potest, sed debet. Quid tu querela? quaterere hoc cæleste iugum potes, non potes excutere.

Desine fata deũm flecti sperare querendo.

Necessitatis nõ aliud effugiũ est, quàm velle quod ipsa cogat. Eximiẽ * *eximius ille Sapientũ: Ἀνίκτος εἶναι δυνάσται, ἵνα μηδ' ἕνα ἀγῶνα καταβάλῃν, ὃν ὁ ἑστὶ ἐπὶ*

* Epictetus in
Enchirid.

οὐ νικῆσαι. Inuitus esse poteris, si in nullū certamē te di-
mittes, quod in te nō est vincere. At talis agō iste cum
Necessitate est: quē quilibet suscipit, succūbit: &
quod magis mirere, succubuit, priusquā suscepit.

CAPVT .X.XII.

Ignauia latibulum aliquod queri solere in Fato, sed id
detectum. Fatū agere per causas medias, eoq; illas
adhibendas. Quatenus auxiliari patriā, quatenus non
oporteat. Finis impositus primo libro & sermoni.

Et sermonis pausam hīc aliquā faciente Lan-
 gio, alacrius erupi & interrupti ego: Si ventus
 hic diutius spirat à puppi, non procul mihi videar
 à portu. Audeo enim iam deū sequi, audeo necessi-
 tati obsequi: & videor cum Euripide posse dicere,

* *Θύμῃ δὲ ἀποπῆ μάλλον, ἢ θυμῶν*

Πρὸς κέντρα κατέζοι, δὴ τὸς, ἂν δὲ.

Astus tamē vnus est turbidæ cogitationis, qui mē
 iactat. quē Langi siste. Si enim Mala publica à Fa-
 to: nec vinci id potest aut vitari: quid vltà de pa-
 triā aut pro eā laboramus? cur nō omnia rectori illi
 magno & indomito permittimus, & sedemus ipsi,
 quod dicitur, manibus cōpressis? Nam tuo quoq;
 concessu, vanum auxilium omne & consiliū, ad-
 uersantibus fatis. Langius renidens, Per contuma-
 ciam aut proteruiā adolescēs, inquit, à recto abis &
 à vero. Fatis hoc est obsequi, an oppedere & illude-
 re? Sedebo, inquis, manibus cōpressis. Benè habet.
 vellem nunc labiis. Quis enim vnquam tibi dixit,
 Fatū merū solumq; agere, sine mediā & auxiliante
 causā? Liberos tibi tollere fatum est: sed ita vt in
 vxoris tuæ hortu prius seras. A morbo sanescere:

* Totius sacra
 illi fecerim,
 quam peritus
 ira, ferire cal-
 cibus stimulos
 velim. Morta-
 lū ipse calico
 pugnavit deo.
 Obiectio
 contra Fatū.
 pro ignauia.

Remora. &
 ostentum,
 causas me-
 dias Fata
 præcedere.

sed hæcenus, vt medicum adhibeas & fomenta. Simile hic. & seruari hanc fluctuantem & mergentem patriæ tuæ nauē si Fatum est; hoc quoque Fatum, propugnari eam & defendi. Si ad portum peruehi vis, manum remis admouēas oportet, & vela expandas: non vt otiosus captes & expectes ab alto ventum. At contrā, si Fatum illam ipsam patriam tuam perire: fient Fato videlicet ista quoque, quæ ad exitiū humanā viā ducant. Plebs cum proceribus, & inter se, erit discors. nemo parēte gnatus, nemo imperare. strenui linguā multi, ignaui omnes operā. denique in ducibus ipsis non consilium, non fides. Verè * Velleius: *Ineluctabilis fatorum vis, cuius fortunam mutare constituit, consilia corrumpit. Itemque: Quippe ita res habet, vt plerumq. qui fortunā mutaturus est deus, consilia corrūpat: efficiatq., quod est miserrimū, vt quod accidit etiā meritis accidisse videatur.* Nec tamen illuc statim delabere, vt extrema fata vtgere patriam tuā censeas. Quī enim nosti? & quī scis an concussio & commotiuncula hæc tantū sit, an ad interitiū morbus? Fer opem igitur. & quamdiu, iuxta vetus verbum, anima huic ægro est, spera. Quòd si iam certis clariq. indiciis fatalis mutatio apparebit: me quidē iudice valebit illud, *μὴ θεομαχεῖν*. Et Solonis exemplū tuò hic ingeram: qui cū Athenas Pisistratus occupasset, videretq. conatum omnē frustrā esse pro libertate; arma & scutū ante fores Curiaē ponens, O patria, inquit, tibi & dictis & factis opitulatus sum: atque ita domū abiit, in posterū quieturus, Hoc facias. cede deo, cede tempori: & si bonus ciuis es, te ipsum mollioribus & melioribus fatis reserua. Quæ nunc perit

Fata bona aut mala, si ne miraculo: & per fuetos modos.

Belgicā hæc vide.

* Velleius Patriculus hæc lib. 1. 1. De Cesare, & Vato.

Non desperandum ita tim, velut si infestū Fatum.

Tentanda prius omnia.

Sed cū modo, quem iola Prudentia definit.

perit libertas, reuiuiscere potest: & patria quæ corruit, resurgere labenti æuo. Cur temerè abiicis animum, aut despondes? Ex illo pari Consulum apud Cannas, fortiorem ciuem Varronē habeo qui fugit, quàm Paullū qui occubuit. Nec aliter Senatus populusque Romanus iudicauit: qui publicè gratias ei egerunt, quòd de rep. non desperasset. Ceterum siue titubat illa tantum, siue cadit: siue perit, siue prorsus interit: nihil adfigere, sed Cratetis excelsum illum animū indue, qui quærenti Alexandro an * patriam suā vellet restitui? Quid opus? respondit. alius Alexander iterū eam fortasse diruet.

Conclusio.
& generalis
admonitio
pro Cōstan-
tiā.

* Thebas.

Hæc sapientum, hæc virorum. — * ἀλγὰ δ' ἔμπερις

Εν θυμῷ κατακείδῃ ἑάσσομεν, ἀγρύμεινοί περ.

Οὐ γὰρ πρὸς ἀνῆλθῃς πέλαται κρυερὸν γόμο.

* id est. Dolo-
res autem in
animo residere
sinamus, licet
tristes.

Non enim
uoluit aliqui
frigidius.

ut rectè monitum Achilli apud Homerum. Nam aliàs, ut Creon ille in fabulis ardentem filiam amplexus, nihil eam iuuat, sed ipse vnà perit: sic te citiùs, Lipsi, exstinxeris, quàm lacrymis tuis hunc publicum Belgicæ ignem. Dum dicit etiā Langius, validiore sonitu strepuere fores. & puer ecce rectà ad nos introiit, qui à Clarissimo Torrentio missus, ut admoneret de horâ cænæ. Langius velut expectectus, Hem! inquit, ita imposuit mihi hæc fabulatio: & dies clām elapsus? Simulq. surgens & manum mihi iniiciens, Eamus Lipsi, inquit, ad optatam mihi cænam. Imò sedeamus, inquam ego renitens. Ante omnes cænas hæc mihi est: quam verè cum Græcis dixerim * δεῖν προφὴν. In his epulis Esurio semper ego, numquam Saturio. At Langius nihilominus me traxit, & Fidem, inquit, nunc seruemus. cras si uoles, Constantiæ perlitabimus.

Abrupti &
dilati termi-
nis causā.

* Deorum ci-
bium.

CONSTANTIA

LIBER SECVNDVS.

CAPVT I.

*Occasio repetiti sermonis. itio ad Langij amœ-
num hortum, eiusq; laudatio.*

Langij hor-
tente studiũ.



SEQUENTI die, visum Langio
abducere me ad suos hortos.
Quos impenso sanè studio du-
plites colebat. alteros in colle, è
regione ædium; alteros paullò
longiùs sitos, in depressiore lo-
co, ad ipsum Mosam.

Ennij ver-
sus.

Itio nostra
ad hortum.

Quod per amœnam urbem leni fluit agmine flumen.
Itaque cùm occupasset me satis manè in cubiculo,
Ambulamúsnè Lipsi? inquit. an quies tibi magis
cordi & sessio? Imò ambulatio Langi, inquam, si
tecum. sed quò imus? Si placet, ad hortos meos,
inquit Langius, quí ad flumen. Non longa ea via
est. corpus obiter exercueris: urbem videris: deni-
que grata ibi in hoc æstu & frigerans aura. Placet,
inquam ego. nec te duce via mihi vlla molesta,
non ad extremos Indos. Et cùm dicto pallia po-
poscimus, sumsimus; iuimus, iniuimus. Cumque
in ipso aditu, oculos circumtulissem vago quo-
dam & curioso adspectu; miratus ex animo ele-
gantiam

gantiam & cultum loci, Mi senex, quæ hæc amœ-
 nitas est: inquam. quis splendor? Cælum hic ha-
 bes Langi, non hortum. nec astrorum illi ignes
 profectò magis nitent in serenâ nocte, quàm hi
 tui scintillantes micantesque variè flores. Adoni-
 dis aut Alcinoi hortos loquuntur? nugæ, ad istos
 comparati, & imagines muscarum. Et simul pro-
 piùs accedens, & flores quosdam naribus oculis-
 que admouens, Quid primum voueam? inquam.
 oculus cum Argo fieri, an passus cum Catullo? Ita
 vtrumque sensum pariter perimulcet mihi & titil-
 lat hæc voluptas. Ite ite omnes Arabum odores,
 qui naurea mihi præ halitu hoc ingenuo & verè
 cælesti. Langius manum mihi blandè premens,
 nec sine risu, Præfiscinè Lipsi, inquit. non ego, non
 hæc rustica mea Flora agnoscimus tam scitam,
 tam vrbani laudem. Ego iterum, Tamen Langi
 veram. Blandiri me putas? seriò hoc dico & ex in-
 timo meo sensu, Campi Elysi, Elysi non sunt, præ
 hoc tuo rure. Ecce enim quæ hîc vbique nitela est?
 quis ordo? quàm aptè omnia in areolas suas pul-
 uillosque disposita! vt non elegantius tessellæ ali-
 quæ in pavimento. Iam quæ florum herbarumque
 copia! quæ raritas & nouitas! vt videatur in exi-
 guum hunc locum Natura conclusisse, quidquid
 eximium habet noster aut alter orbis.

Eius pul-
 chritudo &
 nitet.

Hortorum in genere Laudatio. Cultum eum antiquum esse, & à naturá. Reges & viros magnos vsurpasse. Denique delectatio eorum ob oculos posita, & non improbum meum votum.

Hortorum
laus: idque
studium vi-
deri ingeni-
um.

Optimos
eum ad se
trahit, &
trahit.
Antiquitas
horti cultu-
ra.

Insignes in
eá vires de-
diti.

ET profectò egregium & laudabile hoc tuum studium, Langi, in re hortorum. studium ad quod, nisi fallor, optimus & modestissimus quisque trahitur à naturá ipsa. Cui argumentum quoddam non faciliè voluptatem aliam dixeris, in quam ab omni auro tam cupidè consenserint selecti inter gentes. Sacras litteras lustras? videbis vnà cum orbe nato natos hortos: quos Deus ipse primo homini domicilium adtribuit, & velut sedem beatæ vitæ. Profanas? ecce Adonidis, & Alcinoi, & Tartali, & Hesperidum hortos proverbia & fabulæ loquuntur: & in veris certisque historiis, reperies Cyri regis manu plantaria instituta, & Semiranidis aërios pensilesque flores, & Masanillæ nouum & celebrem cultum, Africâ mirante. Iam inter priscos Græcos Romanosque, quot illustria capita tibi proferam, qui positis aliis curis, soli in hac curâ? In illis quidem: vno verbo, omnes philosophos & sapientes. qui remoti ab infano foro & vrbe, hortorum se spatiis sepibusque clauferunt. At in istis? Tarquinium regem video iam tum prisca illa Româ, in hortis molliter ambulantiem & papaue- rum capita refecantē: Catonē Censorium agnosco in re hortenſi deditum, & de eâ seriò scribentem: Lucullum post Asiaticas victorias, in iisdem otiantem: Sullam, abiectâ Dictaturâ, suauiter hîc senescentem:

centem : & Diocletianum Principem, olera sua & lactucas ad Salonam, purpuræ & omnibus sceptris præferentem. Nec abiuit ab hoc meliorum iudicio vulgus, in quo ipso, simplices omnes & sine malâ ambitione animas scio fuisse in hoc cultu. Est enim profectò arcana quædam & congenita nobis vis, cuius intimas causas non facilè reddo, quæ ad hanc innoxiam & ingenuam delectationem trahit non nos tantùm qui propendemus; sed illos ipsos serios & seucros, qui renituntur & irrident. Atque vt cælum & æternos illos ignes nemini adspicere fas, sine occulto horrore quodam & religione: non item Terræ sacras opes & hunc inferioris Mundi * mundû, sine tacitâ quadam gaudij titillatione & sensu. Animum tuum mentemque percontare: capi se hoc adspectu dicet, imò pasci. Oculos sensumque: fatebuntur non alibi libentiùs se acquiescere, quàm in his hortorum arcis & puluillis. Circumliste, quæso te, paullulum hæc agmina florum & augmenta. vide mihi illum è calyce, hunc è vaginâ, alium è gemma protuberantem; vide hunc morientem subitò, alium subnascentem; denique inspicere in vno aliquo genere cultum, formam, faciem, mille modis paria & diuersa. Quæ illa tam rigida mens, quæ inter hæc nō flectat se molli aliquâ cogitatione, & lique scat? Iam ades curioso tu oculo: defigere paullum in nitores istos & pigmenta. inspicere hanc natiuam purpuram, hunc sanguinem, hoc ebur, hanc niuem, hanc flammam, hoc aurum: & tot colores, quos artificii cuique penicillo æmulari fas. æmulari, sed non imitari. Deniq. quis exhalans ille odor? quis

Voluptas
interna &
mystica in
hoc studio.

* Ornatum
intellego.
Quæ animû
& sensus
fascinat.

Ea in vario
augmento
aut facie flo-
rum.

Item in tot
colorum
latitantiâ: &

In odoris
fragrantia.

pene-

Votū meū.

penetrans spiritus? & nescio quæ pars æthereæ auræ infusa ab alto? Vt non vanè poëtarum nostra gens flores plerosq. natos finxerit, è succo aut sanguine immortalium deorum. O gaudij & liquidæ voluptatis verè fons! ô Venerū & Gratiarum sedes! mihi in vestris umbraculis quies & vita sit: mihi fas remoto extra ciuicos tumultus, inter has herbas, inter hos noti ignotique orbis flores, hilari & hianti oculo oberrare: & modò ad hunc occidentem, modò ad illum exorientem manum vultumque circumferre: & cum vagâ quadam alucinatione curarum hîc omnium falli & laborum.

CAPUT III.

Contra curiosos quosdam disertum, qui hortis ad vanitatem & ignauiam abutuntur. Quis verus eorum vsus. Sapientibus & doctis idoneos esse: & Sapientiam ipsam altam in iis & educatam.

Hortensiorum secta: & ea irrita.

Cum dixissem hæc acrius, & voce vultuque accenso: remisso ore ad me Langius, Amas certè Lipsi, inquit, amas floridam hanc purpureamque Nympham: sed vereor vt ames immodestè. Hortos enim laudas, sed ita vt vana pleraque in iis mirere aut externa: vera & legitima eorum gaudiâ omittas. Colores enim dumtaxat audè inspicias, & in puluillis quiescis, & flores petis ab noto ignotoque orbe. Obsecro vt quid? vt ne te quoque esse sciam in hac sectâ, quæ exorta hodie, malè curiosorum hominum, malè feriatorum? qui rem optimam simplicissimamque, instrumentum duorum vitiôrum fecerunt, Vanitatis & Torporis.

Hac

Hac enim fini habent hortos. Herbulas aliquot & flores exoticos ambitiosè conquirunt: & quæsitos ita anxie fouent & tuentur, vt nulla mater suum gnatum. Hi sunt, quorum litteræ in Thraciam, Græciam, Indiam discurrent: idque seminis exigui aut bulbuli causâ. Hi, quibus ægrius sit florem aliquem nouum mori, quàm veterem amicum.

* Romanum illum riserit aliquis, qui piscem suum atratus luxit? isti plantam. Iam si quis ex his Floræ candidatis nouius aliquid aut rarius nactus est, vt ostentat! vt alij competitores æmulantur, inuidet! è quibus non nemo tristior domum discedit, quàm olim in Præturæ petitione victus Sulla aut Marcellus. Quid dicam? nisi hilaram hanc quandam insaniam esse: nec absimilem illi puerorum, palientium & rixantium circa pupas suas & sigilla? Ac eorumdem industriam in hortis etiam cognosce. Sedent, circumambulant, escitant, dormiunt. nec aliud. prorsus vt non otij sui secessum hunc habeant, sed desidii sepulcrum. Profanum genus! & quos iure arceam ab orgiis veri arcanique horti. quem modestæ voluptati natum scio, non vanitati: quieti, non torpori. An ego tam leuis, quem effecrat aut deprimat herbula aliqua rarior, siue adepta siue amissa? Imò æstimo res suis pretiis: & seposito lenocinio illo nouitatis, scio herbas esse, scio flores: id est breuia quædam & fugacia, de quibus aptissimè poëta princeps

* Hortensium.
qui lugubria
sumpsisse dicuntur
ob mortem.

Deflexum ad
verum hor-
torum usum.

Qui non in
æstimatione
florum:

* Zephyri spi-
rans aura alia
quidem gignit.
alia concoquit.

* Ζεφύριον πνέουσα τὰ μὲν φύει, ἄλλα δὲ πέσσει.

Itaque non sperno eas siue delicias siue elegantias (& exemplum vides:) sed hoc à mollibus Hortensii istis muto, quod sine curâ hæc talia cōquiram:

fine

sine curâ habeam: sine cura amittam. Nec idem ille ego tam marcidus, imò tam mortuus, vè recon-
dam & velut sepeliâ me in his hortorum vmbri-

Sed in quie-
te & laxa-
tione hore-
râ animi.

Aptissimi
enim illi ad
secessum.

Ad captan-
dam auram.

Domus idem
olim Sapi-
um.

Scriptioni &
meditationi
litterarum ap-
ti.

Negotium etiam in illo otio reperio, & inuenit ibi
animus quod sine actione vllâ agat, sine labore
vilo elaborer. *Numquam minus solus sum*, aiebat ille,
quàm cum solus: nunquam minus otiosus, quàm cum
otiosus. Vox egregia, & quam ausim dicere natam
in hispâ hortis. Scilicet menti parati illi, nō cor-
pori: ad eam recreandam, non ad hoc laxandum: &
ad salubrem quemdam secessum à curis aque tur-
bis. Homines tibi molesti: hîc apud te eris. Occu-
patio exhausta: hîc replebere. vbi animo quietus il-
lud pabulum, & ab aurâ puriore velut inspiratio
nouæ vitæ. Itaque vides veteres illos Sapientes? in
hortis habitant. Eruditas hodie doctasque ani-
mas? hortis delectantur. & in iis diuina illa plera-
que scripta procusa, quæ miramur, & quæ nulla
temporum series aut senectus abolebit. Viridi illi
Lyceô tot dissertationes de naturâ debemus. vmbri-
feræ Academiæ, de moribus. & ex hortorum spa-
tiis diffusi vberes illi Sapientiæ riuus quos bibimus,
& qui fecundâ diluue orbem terræ inundarunt.
Scilicet attollit se magis erigitque ad alta iste ani-
mus, cum liber & solutus videt suum cælum: quàm
cum ædium aut vrbiûm carceribus inclusus. Hîc
mihi vos poëtæ duraturû aliquod carmē pangite.
hîc vos litterati meditamini & scribite. hîc vos
Philosophi de tranquillitate, de cōstantiâ, de virâ &
morte disputate. En Lipsi, quæ vera hortorum vsio
& finis. otium inquam, secessio, meditatio, lectio,
scriptio: & ea tamen omnia velut per remissio-
nem

nem & per lusum. Vt pictores longâ intentione heberatos oculos ad specula quædam & virores colligunt: sic nos hîc animum defessum, aut aberrantem. Et cur celem te meum institutum? Pergulam illam topiario opere vides? Hæc Musarû mihi domus est, hæc Sapientiæ meæ gymnasium & palæstra. Illic aut seriâ arcanaq. lectione pectus impleo: aut semente quâdam obsero bonarum cogitationum. Et vt tela quædam in armamentarium, sic ex iis præcepta in animû recondo: quæ prompta mihi mox cõtra vim varietatẽque Fortunæ. Intra eam quoties pedem penetraui, emanere viles omnes seruilesque curas iubeo: & erecto quantum licet capite, studia profanæ plebis despicio, & magnum hoc in rebus hominum inane. Hominem imò ipsum exuere mihi videor, & in altum rapi igneis Sapientiæ quadrigis. An illic angi me censes, quid Celtæ, quid Celtiberi moliantur? quis sceptrum Belgicæ teneat, aut amittat? Asiæ tyrannus classe nobis an terrâ minetur? aut denique

Sed imprimis exercitio Sapientiæ.

——— *quid sub Arcto*

Rex gelidæ meditetur ora?

Nihil horum. munitus & clausus contra externa, intra me maneo: à curis omnibus securus præter vnam, vt fractum subactumque hunc animum rectæ Rationi ac Deo subiiciam, & animo ceteras res humanas. Vt quandocumq. fatalis ille & meus dies venerit, fronte compositâ nec mæstus eum excipiam: abeamque ex hac vitâ non vt eiectus, sed vt emissus. Hæc muginatio mea in hortis Lipsi, hi fructus, quos non permitem (quamdiu sana mihi mens) cum omni gazâ Persarum aut Indorum.

Ad Sapientiam igitur adhortatio . per eam ad Constantiam veniri. & seriò monita iuuentus, ut serias Philosophiæ litteras cum amœnioribus illis & liberalibus coniungat.

Omnibus ad
Constantiâ
via patet:

Quæ est, Sa-
pientia.

Damnata
igitur Phi-
lologia sola:

* *Augustini
verba & sen-
tentia, lib. 2.
De Ordine.*

DI X E R A T Langius. & postremo illo tam alto & constanti sermone, verè fateor, dederat me in stuporem. quem tamen abrupti, O te felicem, inquit, otij pariter & curarum ! & ô vix humanam in homine vitam ! quam vtinam parte aliquâ imitari mihi fas: & per vestigia ista serpere, etsi longo interuallo. Langius velut castigans, Imitari? inquit, imò superare. nec sequi tibi solùm hîc ius, sed præire. Parum enim, Lipsi, parum in hac Constantiæ & Virtutis viâ ipsi nos promouimus: nec fortibus bonisq. pares adhuc sumus, sed proiectè mollibus aut malis paullò fortasse firmiores. At tu cuius vegeta & alta indoles, accingere. & me duce, viam hanc ini quæ rectâ ad firmitudinem & Constantiam ducit. Via quam dico, Sapientia est. cuius æquabilè & tranquillam orbitam, quæso moneoque, ne vltrâ fugias calcare. Litteræ tibi hætenus cordi, & nouem istæ deæ? placet. scio enim amœniore hac & externâ doctrinâ excoli & præparari priùs animum debere, * *non antè idoneum cui diuina semina committantur.* sed illud non placet, si in his adhærescis, eaque vna tibi studiorum, quod dicitur, prora & puppis. Rudimenta enim hæc nostra esse debent, non opera: via, non meta. In conuiuio aliquo si assedisses, non bellaria solùm & placentas gustares, credo: sed stomacho fulci-
mentum

mentum aliquod dares cibi firmioris : in hoc pu-
blico doctrinarum epulo, cur non idem fit? cur in-
quam ad illa oratorum & poëtarum mella, non
adiungis hanc firmiorem Philosophiæ dapem?
Non enim deferi illas volo (ne tacitus me calum-
nière) sed hanc adferi : & solutas per se fluentesq.
Nymphas temperari hoc, seueriore, vt ita loquar,
Baccho. Proci illi apud Homerum non iniuriã ri-
dentur, qui relicta Penelope conuertère se ad an-
cillas: caue idem tibi sit, neu spretâ illâ rerum do-
minâ, ardeas tantùm in eius ministris. Pulehra
hæc laudatio, O virum doctum! sed illa melior,
O virum sapientem! & ista optima, O virum bo-
num! Has sectemur: & per tot labores non Scire
tantùm velimus, sed Sapere & Facere.

* Ως ἔδιν ἢ μάθους, ἄρ μὴ οὐκ ἀπρῆ!

ait vetus & verus versus. Quàm multi hodie in
hoc nostro Musico cœtu, qui & se dedecorant, &
omne nomen litterarum! quidam, quia flagitiis &
sceleribus cooperti: plerique, quia vani, leues, ue-
rῶγοι, & nullius seriæ curæ. Linguas discunt? sed
linguas tantùm. Græcos Latinosque scriptores in-
tellegunt? sed intellegunt tantùm. & quod Ana-
charsis scire olim de Atheniensibus dixit, Num mis-
eos vti dumtaxat ad numerandum: sic isti scientiâ,
ad sciendum. Vitæ factorumque aded nulli cura
est: vt, me quoque iudice, non frustra litteræ in
vulgus malè audiant, tanquam ad nequitiam ma-
gistræ. Atqui ad virtutem ex sunt, si legitimè vrâ-
re. Sapientiâ modò adiunge. cui præparare inge-
nia nostra litteræ debent, non detinere ea aut sibi
vindicare. Vt enim arbores quædam fructum non

Nisi Philo-
sophia ad-
iungatur.

* Quàm scire
nihil est. sapere
si non adferi!
Curia no-
stræ lodes.

Aut ineptiæ.

Quâ verâ
fina sint lit-
teræ?

E

ferunt,

ferunt, nisi aliis velut maribus adsitæ: nō item tuæ istæ virgines, nisi cum virili Sapientiæ robore coniunctæ. Quid Tacitum mihi corrigis: si vita tua inemendata est? Quid Tranquillum illustras: cum tū in errorum tenebris? Plauto notas aut maculas studiosè eluis: cum animum sordescere pateris & squalere? Transi aliquando ad meliores curas: & doctrinam para, quæ non in pompam tibi solū fit, sed in vsum. Ad Sapientiam conuertere. quæ mores tibi corrigat, quæ animum turbidum sordidumque tranquillet & illustret. Illa est quæ virtutem imprimere, quæ Constantiā suggerere potest: illa sola, quæ templum tibi aperire Bonæ Mentis.

Ad eam ad-
horatio.

CAPUT V.

Sapientiam non vouendo, sed conando acquiri. Reditum in sermonem de Constantiā. Cupidinem discendi, bonum esse in adolescentiā signum.

ARDOREM mihi iniecit ea admonitio: quem non celaui. &, Animo sequor te mi senex, inquam: quando factis? quis erit ille dies, qui me solum his curis in Sapientiæ veræ orbita sistat? qui per eam ad Constantiam ducat? Langius velut increpans, Itāne voues potius, quā facis? inquit. vanè prorsus & ex more vulgi. Non enim vt Cæneus ille in fabulis è feminā in virum transiit, optando: sic tu votis, è fatuo in sapientem, è leui in constantem. Addas istuc operam oportet & manū moueas, quod aiunt, vnā cum Mineruā. Quære, lege, disce. Ego excipiens, Scio Langi, inquam: sed tu quoque, sodes, adde operam, & filum illud

Non votis
ad Sapien-
tiam iri.

* 601 A 777
x 21 25
xiv.

Reditio ad
sermonem
abruptum.

illud hesterni sermonis pertexte quod inuitatio male abruptit. Ad Constantiam inquam redi: cuius intermissum sacrum sine piaculo non differs. Langius capite leuiter abnuens, Vt ne includar iterum in hunc ludum? inquit. non faciam Lipsi: non certe in hoc loco, quem otio meo scire debes non negotio consecratum. Denique aliàs decurremus illum cursum. Imò nunc, inquam ego. & quis locus sapienti huic sermoni aptior, quàm illa Sapientiae tuae domus? Pergulam hanc dico. quae mihi quidem velut templum est; & mensula in ea, tanquam ara: ad quam sedentes ritè faciamus huic Diuæ. Denique capto etià ex eà omen. Quòdnam illud? ait Langius. Istud, inquam. Vt ij qui in tabernaculo aromatum aut vnguentorum sederunt, in vestibulis ipsis referunt secū odorem loci: sic mihi spes, vt halitus aliquis Sapientiae animo adhærescat, ab infelsâ hac eius officinâ. Langius ridens, Vereor vt in tam leui omine pondus sit, inquit: tamen, Lipsi, eamus. Non enim dissimulo. me quoque excitat & calè iam facit tam ingenuus hic ardor. Atque vt aquileges cū manè halitum quendam erumpentem è terrâ vident, indicium id habent latentium aquarum: sic mihi de fecundâ scaturigine virtutum spes, vbi in adolescente præit & elucet cupiditas hæc discendi. Et cum iis verbis duxit ad pergulam me, & induxit. Ille ad mensulam adsedit. ego prius ad pueros conuersus, Heus vos, inquam, state, obseruate: ostium illud inprimis obserate. Atque auditis? Vita à vobis exit, si viuus quisquam huc init. Non virum, non canem, non fæminam admitti volo: non, si venerit, Bonam Fortunam

Amor & ardor discendi, nota bonæ indolis.

ipsam. Et cum dicto adfedi. Sed Langius largiore risu, Sceptrumne tu usquam gessisti? inquit. ita basilicæ prorsus & seueræ tuæ edictiones. Nimirum, inquam ego, ab hesterno infortunio iure mihi caui. Tu perge, cum deo.

CAPUT VI.

Pro Constantiâ tertium argumentum ab Utili. Clades bonas esse, Originem iktuare siue Finem. Originem enim à deo sumere. qui aternum & immutabiliter bonus: ideòque causa nullius mali.

Breuis re-
ductio priorū.

Ratio tertia
ab utili:
Eiusq. com-
muniter vi-
res.

LANGIVS non diu meditatus, sic inquit. In sermone quem de Constantiâ herè cœpi, Lipsi, à constantiâ non abibo: ordinem eundem exsequar, & limites tenebo quos semel finiui. Quattuor, ut scis, velut agmina mihi facta, quæ pro eâ in Dolo-rem Abiectionemque pugnarent: è quibus priora duo, quæ de Prouidentiâ & Necessitate, iam produxi: docuique satis, supernè & à deo mala Publica immitti: itemque necessaria ea esse, nec vitari vllâ fugâ. Instruam nunc igitur agmen tertium, quod Utilitas ducit: & in quo legio, quam rectè dixerim Adiutricem. Agmen, si inspicis, validum & callidum: quod nescio quo modo illabitur & insinuat se in animos, & blandâ quadam vi vincit non inuitos. Irrepat enim potius, quàm irrumpit: suadet, non cogit: & tam facile duci nos ab Utilitate patimur, quàm à Necessitate trahi. Hanc tibi, Lipsi, & mollibus tuis copiis nunc oppono. Utilia enim sunt, hæc quæ patimur Publica mala: & cum interno nostro fructu commodisque coniuncta.

Mala

Mala autem? imò Bona veriùs, si remoto hoc Opinionum velo, oculos ad Orrum eorum referes adque Finem. Quorum ille, à bono: hic, in bonum. *Mala Publica, Bona esse.* Origo enim certè harum cladium (herè satis mihi dictum & doctum) à deo: id est, non ab ipso Summo bono solùm, sed bonorum omnium auctore, capite, fonte. A quo non magis est vt malum aliquod emānet, quàm vt malus sit ipse. Benefica tantùm & salutaris illa vis; quæ lædere æquè spernit, ac lædi: & cui vna summaque potentia est, prodesse. Itaque etiam prisci illi tenebriones, cùm superum illud numen mente conciperent, rectè à iuando dixere Iouem. An tu exasperari eum censes & irasci, & hæc velut noxia quædam tela spargere in humanum genus? Erras. Ira, vindicta, ultio humani adfectus nomina sunt: & nata ex imbecillitate, cadunt tantùm in imbecillos. Perseuerat autem æternùm in benignitate suâ illa mens: & ista ipsa aspera quæ suggerit aut ingerit, velut medicamenta sunt: sensu tristitia, re salubria & euentu.

Qui nō nisi beneficus & iuuans.

Nec Immiti vt pœnas:

Sed vt medicinas.

* Homerus ille Philosophorum rectè: ὁ δὲ θεὸς * Plato.

μὴ δ' ἐν χαλῶν ποιεῖ, ἔδ' ἄν πινῃ εἰν χαλῶ ἀίον. Et me-

luis impressiusque noster * Sapiens: *Qua causa est*

** Seneca in Epistola.*

dius benefaciendi? natura. Errat, si quis putat illos nocere

velle, vel posse. nec accipere iniuriam queunt, nec facere.

Primus est, deorum cultus, deos credere: deinde, reddere

illis maiestatem suam, reddere bonitatem, sine quâ nulla

maiestas est. Scire illos esse qui præsident mundo, quî

vniversa vt sua temperant, qui humani generis tutelam

gerunt, curiosi etiam singulorum. Hi nec dant ma-

lum, nec habent,

*Finem item cladium semper dirigi in bonum. etsi per se-
pe ea per noxios homines, & noxa causâ administra-
ta. Sed frangi & temperari eorum vim à deo. flecti
omnia in nostrum vsum. obiterq; dictum cur Malo-
rum operâ in iis deus vtatur.*

Mala publi-
ca item Bo-
na esse:

* *Certe in bo-
nis.*

Quia bonus
semper eo-
rum Finis.

Ea tamen
duplicia.
Purè à deo
quædam:

Quædam
hominum
operâ.

In his po-
stremis no-
xæ aliquid:

Quam deus
tamen ab-
sterget, quod
ad nos qui
dem spectet.

ORIGINE igitur Clades bonæ: aio etiam Fi-
ne, quia ad bonum directæ semper & * salu-
tem. Occurris mihi tacitus, scio: & quomodo? in-
quies. nōne bella hæc & cædes clarè scopum no-
cendi habent lædendique? Habent, fateor, si homi-
nes spectas: non habent, si deum. Quod vt planè
& plenè capias, opus mihi illato quodam lumine
distinctionum. Duplices diuinæ Clades: aliæ Me-
ræ, aliæ Mixtæ. Meras appello, **QVÆ PVRE A**
DEO SVNT, SINE INTERVENTV VLLO
HVMANÆ MENTIS AVT MANVS. Mixtas,
QVÆ A DEO QVIDEM SED PER HOMI-
NES ADMINISTRAS. Illius generis sunt, Fa-
mes, Sterilitas, Terræmotus, Tetræ labes, Inunda-
tio, Morbi, Mortes. Istius, Tyrannides, Bella, Op-
pressiones, Cædes. In illis pura omnia & liquida,
quia haustæ è purissimo fonte. in istis, sordium
admixtum aliquid non negauerim, quia lapsæ &
deriuatæ per impurum hūc Adfectuum canalem.
Homo iis interuenit: quid miraris, si noxa & pec-
catum? Illud mirare potiùs, quod tam provida dei
benignitas est, vt illam ipsam noxam in salutē no-
stram vertat, & peccatum in bonum. Vides tyran-
num illum, qui minas spirat & cædem? cui volu-
ptas, nocere est? qui perire ipse optet, dum perdat?

Sine.

Sine, aberrabit à suâ mente: & deus occulto quodam fone inscium inuitumque trahet ad suum finem. Vt sagitta ad emittentis scopum peruenit sine ullo suo sensu: sic impij isti. Frænat videlicet cœterq. humanam omnē vim suprema illa vis: & errantes eorum gressus dirigit ad salutarem hanc metam. Vt in exercitu varij adfectus militū sunt, & hunc præda incitat, hunc gloria, illum odium; omnes tamen pro victoriâ & Principe pugnant: sic omnes istæ voluntates bonæ malæq. deo militant; & inter varios fines veniunt tamen ad hunc, vt sic dicam, finium finem. Sed cur, inquires, malorum operâ deus vititur? cur ipse clades eas bonas non immittit, aut saltem per bonos administros? Curiosè nimis, mi homo, quæris: nec scio an arcana illa expediam. hoc scio, constare illi rationem suifacti, etiam cū de eâ nihil nobis constat. Et tamen quid hîc miri aut noui? Ecce Præses prouinciæ in noxiū aliquem cum lege agit: agi iubet per Brutianum aut lictorem. Pater in magnâ familiâ; interdū filium ipse castigat, est cū seruo id munus mandat aut pædagogus. cur deo non idem insit? cur non ipse, cū visuū, suâ manu nos verberet, cū aliter visuū, alienâ? Nihil enim hîc iniuriæ aut noxæ. Seruus ille iratus tibi est? animum adfert nocendi? Nihil refert. tu illo omisso ad animū respice iubentis. Pater enim certè exactor adstat: nec plagulam vnā tibi superaddi sinet ultra præscriptum. Sed cur tamen peccatum hîc admixtum, & adfixū diuinis his sagittis Adfectuum venenum? Ad asperum & arduum me collem vocas: in quem tamen enitar. Vt sapientiam potenter

Dacit quod
vult homi-
nes.

Nec iniquū
esse, si per
alios casti-
get.

Non item,
quod cum
peccato alie-
no: & causā
aliqua eius
rei.

* In Enchiridio,
cap. XI.

tiamq. suã deus ostenderet, *melius iudicauit* (* Augustini verba sunt) *de malis bona facere, quàm mala nulla permittere.* Quid enim eo sapientius aut melius, qui è malo bonum potest elicere, & reperta ad perniciem vertere ad salutem? Medicum quoque laudas, qui Theriacæ suæ viperam admiscet saluberrimo effectui: in deo cur improbes, si pharmaco huic cladium humanas quasdam noxas intemperat, sine tuâ noxa? Decoquit enim certè & consumit adiunctum illud omne virus arcano quodam Providentiæ suæ igne. Denique ad potentiam eius hoc facit & gloriam, quò necessariò omnia ipse refert. Quid enim magis vim eius exprimat, quàm quòd non vincat solum oblectantes sibi hostes, sed ita vincat vt ad se traducat & sua castra? vt pro ipso militent? vt arma pro-victoriâ eius ferant? Quod euenit cottidie, cùm in malis dei voluntas sit, etsi non à malis: cùm ea quæ cõtra voluntatem eius improbi faciunt, ita flectit, vt non fiant tamen præter eius voluntatem. Et quod potest insignius miraculum, * *quàm vt malos mali bonos faciant?* Ecce, ades paullum tu C. Cæsar. abi, & duo sancta nomina simul conculca, Patriam, Generamque. Ambitio hæc tua, te ignaro, deo seruiet: imò patriæ seruiet, contra quam sumpta Reparatio enim erit salusq. Romani status. Tu Attila ab extremo orbe aduola, sitiens sanguinis & prædæ: rape, cæde, vre, vasta. Sæuitia hæc deo militabit: nec aliud quàm excitatio Christianorum erit; qui vitiis & deliciis immersi aut sepulti. Quid vos duo Vespasianæ Iudæam Iudæosque perditæ: capite & excidite vrbem sacram. quâ firis? vos quidem gloriæ & propagandi

Mali, in scij
& inuiti deo
seruiunt.

* Seuerini
Boethi verba
sunt De Consolas.

pagandi imperij: sed erratis: reuerà lictores & satellites vltionis diuinæ estis in impiam gentem. Ite, & qui Romæ Christianos morte fortassè adfici-
 citis, Christi mortem in Iudæâ vindicate. Iam tu ille noster ab * Hespero Præses siue ab Aurorâ,
 quid per hoc bellum & cruda arma tibi vis? Firmare imperium regis, vt putas, & vim tuæ gentis.
 tu quoque erras: quia non aliud quàm Flagellum & mastix es lasciuientium Belgarum. Concoquere
 felicitatem nostram non potuimus, nisi adiuti Neronianis hisce thermis. Et exempla hæc ab omni
 æuo obuia, vbi deus per improbas aliorum cupidines, bonam suam voluntatem exercuit; per aliorum
 iniustitiam, exseruit iudicia sua iusta. Quare miremur, Lipsi, reconditam hanc Sapientiæ vim, non
 rimemur: & sciamus clades omnes exitu bonas esse, etiam si cæca hæc mens non videat, aut tarda eò
 non pertingat. Latent enim nos sæpe veri earum fines: ad quos tamen ignaris nobis peruenient. non
 aliter quàm fluuij quidam, qui erepti oculis & sub terrâ reconditi, feruntur nihilominus ad suū mare.

* Allusio nostra ad patriam
 & cognomen
 Præsidi.

Occulti sæpe
 eladium hinc.

CAPVT VIII.

Magis distinctè de finibus ipsis. eos triplices esse: & qui, quibus conueniant. Mox paullo fusiùs de Exercitio, quod Bonis non vno modo prodest, firmando, probando, præcundo.

QUOD si fas mihi vela pandere, & nauim immittere altiùs in hoc rerum diuinarum fretum: possim de finibus ipsis promere fortassis aliquid magis disertè & exsertè. Homericum tamen illud iure præfatus,

* Si facere id
possim, aut
faceres ipsa
posset.

Tres fines
Cladium.

Exercendi
causâ, pri-
mò.

Quod tri-
pliciter nos
iuvat.

Firmando:

* *Εἰ δυνάμει τελέσει γε, καὶ εἰ πεπεσμένον ἔσται.*

Sunt enim ex iis, quos satis certò comprehendere & signare posse videor: sunt, quos ambiguè & ad-
spectu confuso. E certis, hi tres: Exercendi, Casti-
gandi, Puniendi. Pleraque enim ista immissio cla-
dium, si attendis, aut Bonos exercet; aut Lapsos ca-
stigmat; aut Improbos punit. eaque omnia nostro
bono. Nam ut illustrè, & pedem paullisper in pri-
mo sine defigam: videmus cottidie optimos quos-
que aut seorsum premi cladibus, aut hisdè inuol-
ui pariter cum malis. Videmus, & miramur. quia
nec causam satis capimus, nec attendimus ad fi-
nem. Causa autem amor in nos dei, non odium:
finis, non læsio nostra sed fructus. Iuvat enim Ex-
ercitium illud non vno modo: sed Firmat, Probat,
Præit. Firmat, quia hoc velut gymnasium est, in
quo deus suos ad robur instituit & virtutè. Athle-
tas per multa aspera exerceri videmus, ut vin-
cant: idem de nobis cense in hac cladium palæ-
strâ. Acer enim ille noster gymnastes & exercitor
est: laboris patientiæque exactor non ad sudorem
tantum, sed ad cruorè. Molliter eum habere suos
censes? deliciis fouere aut luxu? non facit. Matres
sunt, quæ plerumque specie dulcium corrumpunt
& eneruant liberos: patres, qui tristium specie ser-
uant. Pater autem ille nobis est: ideoque verè nos
diligat & seuerè. Si nautam te esse velis; per tem-
pestates doceare. si militem; per pericula. si verè
virum; cur recusas afflictiones? non enim alia ad
robur via. Vidēsne languida illa & umbratica cor-
pora, quæ rarus sol vidit, ventus non strinxit, aura
tristior non libauit? tales mollium istorum & per-
petim

petim feliciū animi sunt, quos deiiciet & resolu-
met minima aduersantis Fortunæ aura. Firmant
clades igitur. & vt arbores ventis agitatæ, altius
radices agunt: sic boni in virtute magis cōprehen-
dunt, impulsī aliquoties aduersitatum flabris. Sed
Probant etiam. quia aliter, quomodo constare cui-
quam potest de firmitudine sua aut progressu? Ve-
la gubernatori ventus semper à puppi impleat: ar-
tem nusquam explicabit. felicia omnia homini &
obsequentia: nusquam virtutem. Obrussa enim
eius vnica & non fallax, afflictio est. Magnificè
Demetrius: *Nihil mihi videtur infelicius eo, cui nihil
euēnit aduersi.* & verè. Non enim parcit Imperator
noster talibus, sed diffidit; nec indulget, sed abiicit
& contemnit. expungit inquam eos è legionum
suarum numeris, vt ignauos quosdam & imbelles.
Postremò Præcunt. quia bonorum in cladibus ro-
bur & patientia, velut lumen quoddam est tene-
broso huic mundo. Vocant exemplo suo ad eadem
alios, & velut limitem signant per quem eant. Bias
bona & patriam amisit: sed inclamat etiam hodie
mortalibus, vt *Omnia sua secum portent.* Regulus
inter tormenta fœdè periit: sed viuit præclarum il-
lud fidei exemplum. Papinianus à Tyranno cædi-
tur: sed securis illa securitatem nobis imprimit pro
Iustitiâ moriendi. Denique tot selecti ciues per
vim & iniuriam pulsī aut interfecti: sed è riuis illis
sanguinis Constantiam cottidiè bibimus & virtu-
tem. Quæ tamen omnia latèrent in tenebris, sine
cladium istâ face. Vt enim aromata longè lateque
odorem emittunt, si teras: sic virtutis fama diffun-
ditur, si premas.

Probando:

Præcundo.

De castigatione, qui secundus finis. eam quoque ostensum ex usu nostro esse, dupliciter.

Clades, castigandi causa.

Quæ castigatio, aut eluit peccata & deterret.

Aut deterret ab illis & areet.

Sæpe enim in antecessum adhibetur.

Ab illo, qui internos omnes ino-

IAM Castigandi alter finis est. quo nego aliud mitius aut melius repertum ad salutem. Iuvat enim seruatque dupliciter: siue Flagelli loco, cum peccauimus; siue Fræni, ne peccemus. Flagelli quidem; quia paterna manus est quæ lapsos crebro verberat: carnificis, quæ tardè sed semel punit. Vt ignis aut aquæ lustratio quædam adhibetur ad sordes: sic ista cladium ad peccata. Et flagellum, Lipsi, merito nunc nobis. Lapsi enim pridem Belgæ sumus, & deliciis diuitiisque corrupti præcipitem viam institimus vitiorum. Sed admonet ille deus & reuocet clementer; plagas aliquot infligens, ut iis admoniti ad nos redeamus, imò ad ipsum. Bona nobis eripit: quia ad luxum iis usi. Libertatem: quia ad licentiam eâ abusi. & miti hac calamitatum ferula crimina nostra velut expiat & depurgat. Verè miti. quantula enim ista satisfactio? Persas aiunt cum supplicium de illustri viro sumpturi sunt, vestem & tiaram ei detrahere, eaque suspensa verberare ut hominem ipsum: facit hoc noster ille pater, qui in omni castigatione non nos tangit, sed corpus, agros, opes, & omnia externa. At Frænum etiam castigatio est. quod opportunè iniicit, cum videt peccaturos. Vt medici sanguinem interdum prouidè demittunt, non quia æger sis, sed ne agrescas: sic deus per has clades quædam nobis adimit, materiam aliàs & fomitem vitiorum. Nouit enim ille naturas omnium, qui condidit: nec ex venis aut colore

colore de ægritudine iudicat, sed è pectore & è fi-
bris. Videt Etrusca ingenia vegeta nimis & exci-
tata? Principe coërcet. Heluetiorum sedata & mi-
tia? libertatem indulget. Venetorum media? me-
dium dat regimen. eaque ipsa in tempore fortasse
mutaturus est, cum ipsi se mutabunt. Tamen que-
rimur. & cur, inquirunt, nos diutiùs bello adfligi-
mur quàm alij? aut cur in acriori seruitute? Stulte
& verè iam æger, tu prudentiâ ante deum es? Dic
mihi cur medicus aliquis huic plus absynthij aut
ellebori miscet, quàm illi? nēpe quia morbus eius
id postulat aut natura. Idem in te cense. Videt
hunc populum fortasse ferociorem esse, ideoque
flagris coërcendum: illum alterum mitiorem, & in
gyrum reduci posse solâ virgæ umbrâ. At tibi ita
non videtur. Valdè scilicet id refert! Ne parentes
quidem puero cultrum aut ferrum in manu relin-
quunt, etsi valdè se adfluctanti. prævident enim
læsionem. cur deus nobis ad perniciem indulgeat,
qui verè pueri, nec salutaria gnari sumus petere,
nec abiicere nocitura? Tamen, si voles, & quan-
tum voles, plora. bibes nihilominus illud poculum
mærorum, quod non temerè tam plenum tibi cæ-
lestis ille medicus propinat.

Ideo frustra
& temerè in
medicinam
eius inquiri-
mus.
Aptat enim
eam pro va-
rietate inge-
niorum.

Nostra por-
rò iudicia,
in nostro
morbo, cor-
rupta.

CAPVT X.

*Denique Punitionem ipsam bonam & salubrem esse: dei
respectu, hominum, & eius qui punitur.*

AT Punizio ad malos spectat, fateor: non ta-
men mala. Bona enim primò, si deum re-
spicis: cuius iustitiæ æterna & immota lex postu-
lat

Clades, pu-
dici cawia.

Quæ puni-
tio amara,
sed bona:
dei, homi-
numque re-
spectu.

lat peccata hominum aut emendari, aut tolli. Castigatio autem, quæ ablui possunt, emendat: quæ nequeunt, Punizio tollit. Bona iterum, si homines spectes: quorum stare aut perennare hæc societas non potest, si violentis scelestisque ingenis omnia sint impunè. Vt ad priuatam cuiusque securitatem, priuati furis aut licarij supplicio opus est: sic ad publicam illustri aliquo & communi. Animaduersiones istæ in tyrannos & orbis terræ latrones aliquando interueniant necessarium est, ut exempla sint quæ adimoneant,

* Iustitia lu-
men esse, cum
ita quod vi-
det.

Itad etiam,
respectu pu-
nitorum.

Diuina non
ultio pro-
pria, sed co-
hibitio.

* Aristoteles
egregie 1.
Rhet. 2a.

φέρει ὃ π-
μωρία καὶ
κόλασις. ἡ
μὲν γὰρ κό-
λασις τῷ πᾶ-
σι καὶ ἰσθ-
μῷ ἡ δὲ
πμωρία τῷ
πνικτῷ.

* Εἶναι δίκης ὀρθοπλάνῃ, ὅς τὰ πάνθ' ὁρᾷ.

quæ aliis regibus populisque inclament,

Discite iustitiam moniti, & non temnere diuos.

Bona tertio, si eos ipsos spectes qui puniuntur. Pro ipsis enim. Quia non ultio hæc aut vindicta propria est, nec vnquam benignum illud numen — *ex irâ pœnas petere imbibit acres*, ut piè poëta impius ait: sed non aliud quàm cohibitio quædam à scelere & repressio: & ut cum Græcis signanter dicam, * *κόλασις, ἀλλ' ἔπμωρία*. Vt mors bonis clementer sæpe immissa ante scelus: sic desperatè malis, in scelere. quod ita amant, ut nisi scetione ab eo non auellantur. Sistit igitur deus effrænem illum cursum, & peccantes paratosque peccare benignè tollit. Denique pœna omnis bona, Iustitiæ adspectu: sicut impunitas mala, quæ efficit ut diutius scelesti, id est miseri viuant. Acutè Boëthius: *Feliciores esse improbos supplicia luentes, quàm si nulla eos iustitia pœna coërceat*. & causam dat, quia bonum aliquod iis accessit (pœna videlicet) quod in reliquo cumulo criminum non habebant.

CAPVT XI.

De Fine quarto, qui homini ambiguus est, cum pertinere vel ad Conseruationem tutelamq; Vniuersi, vel ad Cultum. Singula vberius explicata.

H I tres illi fines, Lipsi, certi, clari: & quos pede peragrati satis firmo. quartus superest, quem vacillante. Ignotior enim ille & remotior, quam vt humanæ mentis vestigium firmiter eum premat. Per nubem dumtaxat video: & suspicari mihi de eo ius, non scire; ambire, sed non adire. Finis quem intelligo communis est, & tangit Conseruationem siue Cultum Vniuersi. Ac de Conseruatione quidem eò suspicor, quòd deus ille qui sapienter hæc omnia condidit & disposuit; ita condidit, vt singula certo * numero, augmento, pondere definiret. nec modum eum generi cuique excedere fas, sine inclinatione omniũ aut ruinã. Ita magnis illis corporibus sui termini, cælo, mari, terræ: ita animantium cuique sæclo descriptus numerus: itemque hominibus, opidis, regnis. Excedere ea volunt? turbo igitur cladium aliquis atterat necessum est & tempestas. Nam aliter, noceant lædantque pulcherrimum hoc opus Vniuersi. Atqui excedere volunt sæpe, præsertim ea quibus data lex gignendi crescendique. Homines ecce vide. quis neget densius per naturam nos nasci, quam per eandem mori? adeò vt duo aliqui homines ex suo cœtu centena capita paucis annis producant, non occidant ex iis dena aut vicena. Gregem pecudum. crescat immensum, nisi pecuarij quot annis secernant aliquas & eligant ad macellũ. Aues & pisces.

aëra

Finis quidã cladiũ communis, & Vniuersum spectans.

Ad id cõseruandũ siue ornandum.

* πέντε μί-
την & ἀριθ-
μὸν τῶν πρὸς
μὲν δὲ τῶν
αὐτῶν δὲ τῶν
αὐτῶν δὲ τῶν
Sapiens,
cap. x i.

Creata omnia, & præsertim animata, exuberant & fecundificant.

Idque, si violentũ nihil interueniat, immensum.

aëra siue aquas breui impleant, nisi dissidia quædam & velut bella inter ipsa sint, itemque infidiæ ab humanâ gente. Opida aut vrbes. struit & ædificat sua quæq. ætas : & nisi incendia interueniant aut ruina, vix ceperit ea noster & alter orbis. Et licet in cogitatione simili perambules naturâ hanc rerum. Quid ergo mirum, si Saturnius ille pater falcem interdum immittit in luxuriantem hunc agrum, & superflua aliquot millia peste demetit aut bello? Nisi faceret : quæ iam regio capiendis nobis sit? quæ tellus alendis? Pereat ergo iure in partibus aliquid, vt summa ista summarum æterna sit. Vt enim moderatoribus reip. salus populi suprema lex est: sic deo, mundi. At de Cultu conuicio duplè iter. Primùm, quia ornatum nullum in hac vastâ machinâ concipio, sine varietate & distinctâ vicissitudine rerum. Solem illum pulcherrimum fateor. sed gratiorem tamen cum roriflua nox facit, & pallium obductum nigræ matris. Æstatem amœnissimam. sed quam Hiems commendat & glacialia illa marmora, & canæ nives. Quæ si tollis, reuerâ sensum gaudiumque inrimum tollis sine lucis siue æstus. In hac ipsâ nostra terrâ, non vna facies me delectat. sed plana videre capior & colles, valles & rupes, eulsa & arenas, prata & siluas: semperque fastidium & satias, comites paritatis. Et in hac vitâ, vt sic dicam, scæniâ, curidem habitus mihi semper placeat & vultus? Imò non placeat. sed, meo animo, Alcedonia interdum & malaciæ quædam sint, quas mox bel-lorum aliqui turbines abrumpan & sæuientium tyrannidum procellæ. Quis voueat hoc Vniuersum

Idem gladio
quoddam cla-
dium opus,
ad metendû
& minuendû.
Aliter orbis
non ster.

Quid enim ra-
men ante
omnia eurg.
Ornant &
colunt etiam
elades:

Varietate
quâdam re-
rum.

sum sicut mare mortuū esse, sine vento, sine motu? Sed & Cultum etiā alium odoror, magis serium & cum interiore fructu. Historiæ mihi præeunt, meliora omnia & molliora ferè subsequi post cladium istos nimbos. Bella populū aliquem exagitant. sed eadem * exacuunt, & ingenij variam culturam plerumque inferunt & artes. Romani olim orbi terræ acerbum iugum imposuerūt: sed iugum salubre exitu, quod, vt sol caliginem ab oculis, sic barbariem ab animis fugauit. Quid Galli nos aut Germani nunc essemus, nisi magni imperij illa lux nobis adfulsisset? Feri, horridi, cædibus alienis & nostris gaudentes, dei hominumque contemptores. Idemque, vt auguror, nouo huic Orbi eueniet: quem libèri saluari quādam sæuitiā exhausserunt, & iidem mox replebunt & colent. Atque vt ij qui magna plantaria habent, arbores alias transferunt, alias inferunt, alias excidunt: eaque omnia peritè administrant, & in bonum inque fructum: sic in vasto hoc mundi agro deus. Scientissimus enim ille cultor est: & alibi onerosos aliquot familiarum ramulos defringit; alibi hominum aliquot folia decerpit ac destringit. Iuuat hoc stirpem: at illi cadunt, & hæc volant ludibrium ventis. Videt idem gentem illam retorridam & virtutum iam effatam: eiicit. Aliam asperam & infrugiferam: transfert. & quasdam inter se etiam confundit, & velut insitione quādam miscet. Vos, labente imperio, enerues & fracti Itali, quid optimam terrarum occupatis? cedite, & duri illi robustique Longobardi felicius exerceant hanc glebam. Vos mali & molles Græci perite. & crudi illi Scythæ pangantur

Iserum,
emendatio-
ne & expel-
litione rerū,
siue animo-
rum.

* Quò spectas
prouerbiū,
ὁ πόλεμος
ἀπ' ἀνθρώπων
παύει: quod
frustra aliò
referunt.

Solacium,
quod ex hoc
sine peten-
dum.

gantur & mollescant in hoc solo. itemque confusione quâdam gentium, vos Franci Galliam, Saxones Britanniam, Normanni Belgicam & finitima occupate. Quæ omnia & plura, Lipsi, prompta non ignauo Lectori ex historiâ & euentis rerum. Attollamur igitur. & quidquid noxæ priuatim nobis inferitur, prodesse sciamus in parte aliquâ Vniuersi. Huius gentis aut regni interitus, alterius ortus erit: illius opidi occasio, exstructio noui: nec quidquam propriè hîc interit, sed mutat. An soli Belgæ nos eximij apud deum & selecti? soli felices perpetuò & Fortunæ tantum albæ pulli? Inepti! plures imò liberi magno illi patri sunt: quos permitte, quoniam simul omnes non vult aut potest, foueat & in sinum recipiat per interualla. Fulsero nobis nostri soles: nox paullisper hîc nunc sit, & radiatum illud lumen abeat ad Hesperios & occasum. Seneca, ut solet, ad hanc rem aptè & altè: Vir sapiens nihil indignetur sibi accidere, sciat quod illa ipsa quibus ladi videtur, ad conseruationem Vniuersi pertinere, & ex his esse quæ cursum mundi officiumque consummant.

CAPVT XII.

Contra iustitiam diuinam vetus & vulgata obiectio: cur impares pœna? ea inquisitio ab homine remota, & ostensa impia.

CV'M interiungeret hîc paullum Langius, excepi. Quod fons aquæ viatoribus in æstu: id mihi tuus sermo. Fouet, recreat, & frigerante quodam succo febrim meam temperat & calorem. Sed temperat etiam, non tollit. Spina mihi illa in animo,

animo, quæ priscos quoque pupugit, de imparitate puniendi. Quid enim ita Langi, si æquabilis lustritæ illa lanx, telum hoc cladium,

*Per occasio-
nem, iustitia
diuina accu-
sata.*

** plerumque nocentes*

Præterit, exanimatq; indignos inq; merentes?

** Lucretij
versu.
Quasi pœ-
næ & clades
nō ex æquo,
nec in meri-
tos.*

Cur inquam immeriti aliquot populi euertuntur:
& culpa maiorum in posteros sæpe expetitur &
nepotēs? Fumus iste acer mihi in oculis: quem, si
potes, rationis radio tolle. Langius contractâ fron-
te, Itane adolescens, inquit, iterum mihi exorbitas?
Nolim. Vt enim periti venatores canem non si-
nunt aberrare, sed insistere vni feræ: sic ego te ve-
stigia illa raptum velim premere, quæ signaui. Fi-
nes cladium tibi ingero, vt si bonus es, exerceri te
sentias; si lapsus, alleuari; si improbus, puniri: tu
me rapis ad causas. Vaga mens, quid per hanc cu-
riosam curâ tibi vis? Tangere cælestes illos ignes?
liquesces. Scandere in Prouidentia arcem? cades.
Vt papiliones & minuta quædam animalcula ves-
perè lucernæ lumen idemtidem circumuolitant,
donec amburantur: sic humana mens lasciuit cir-
ca arcanam illam flammam. Cedò causas, inquis,
cur diuina ultio hos prætereat, illos tangat. Caus-
sas? tutissimè dicam me nescire. Non enim cepit
me vnquam cælestis illa curia, nec ego eius decre-
ta. Hoc tantum scio, causam ante omnes causas
esse, voluntatem dei. A quâ qui quærit aliam, vim
& potentiâ ignorat naturæ diuinæ. Nam causam
omnem necessum est, genere quodam, priorem &
maiorē esse suo effectu: at deo & eius voluntate
nihil prius aut maius. non ergo vlla eius causa.
Deus præterit, deus tetigit. quid ultra hîc vis?

*Sed supra
hominem
offensa ea
inquisitio.*

*Quæ cum
casus pericu-
lo:*

*Et ad quam
planè cæcu-
timus.*

Quidquid
deus vult,
ided rectū,
quia vult.

Summa iustitia est, ut rectè & piè Saluianus ait, voluntas dei. Tamen rationem aliquam huius imparitatis exigimus, inquit. A quo? à deōne? cui vni licet quod libet: & nihil libet, nisi quod licet. Si seruus à patrefamilias, subditus à Principe rationes exigit, ille cōtumeliam putet, hic rebellionem: tibi plus animi aduersus deum est? Apage te peruersa curiositas. ** non aliter hac ratio constat, quàm si nulli reddatur.* Et tamen cū omnia feceris; non euolues te tuis tenebris, nec ad consilia illa & consulta verè Tacita pertinges. Egregiè Sophocles:

** Ἀλλ' ἔγδ' ἄν τὰ θεῖα, κρυπτόντων θεῶν,*

Μάστιγς ἄν, ἔδ' εἰ πάντ' ἐπεξέλθωσ σκοπῶν.

** Quod in summo impetio acute di Elum & Tiberio ingestum à Sallustio. Tacitus l. Annal. * Dimina numquam, ipfis regentibus deus, Scitus, nec omnia usque si peruaserit.*

C A P V T X I I I.

Tamen ut curiosis satisfiat, separatim ad tres veteres obiectiones responsum. Et primò ad eam de Malis non punitis: quos differri docemus, non dimitti. idq; vel hominum ipsorum cussā: vel naturā quādam dei, quæ ad supplicium lenta.

Simplicitas & modestia, deo gratæ.

R V D I S hæc & simplex via, sola hîc tuta, Lipsi: reliquæ, fallaces & lubricæ ad lapsum. In diuinis superisque vnum acumen est nihil cernere, vna scientia nihil scire. Tamen quoniam olim & nunc inuoluit ingenia hæc nubecula: euoluam eā te breuiter, si possum, & hærentē transferam quoq. per hoc flumen. Tu cælestis & æterna Mens (in altum suspiciebat) pacem veniamque mihi da, si quid in his arcanis minùs pium purūve dicam, adfectu tamen pio. Ac primū, Lipsi, communiter Iustitiam suam adserere deo posse videor, vno isto

Cuius iustitia generatū probata.

istoiectu. Si adspicit res humanas deus, etiam curat. si curat, regit. si regit, iudicio regit. at si iudicio, quomodo iniuste? Non enim regimen vllum sine eo sit, sed congeries, confusio, turba. Quid habes quod opponas huic telo? quod scutum aut quæ arma? si verum fateri vis, imperitiæ humanæ. Non capio, ais, cur hi puniantur, hi non puniantur. Bene habet. ergone ad imprudentiam, impudentiam adiunges; & vim diuini illius purique iuris quia non capis, carpes? Quæ potest contra iustitiam iniustior esse ratio? Si hospes aliquis arbitrari leges aut instituta patriæ tuæ velit, silere eum iubeas & facessere, quia non capit: tu terræ huius incola temerè damnabis ignotas cæli leges? tu opus, conditorem? Et tamen age, liceat. premam te enim iam propiùs, & calumniæ tuæ nebulas distinctè examinabo ad rationis, vt postulas, solem. Tria obiicis. quòd malos non puniat: quòd immeritos puniat: quòd substituat & commutet. De primo, priùs. Malos, ais, diuina ultio malè præterit. Itane præterit? imò, vt ego sentio, differt. Si magnum æs alienum habeã, & ab illo debitore statim exigam, huic in diem reponam: quid culpes? arbitrij enim hoc certè mei & spontis. Atqui idem facit magnus ille deus, cui cùm pœnã improbi omnes debeant, ab istis eam statim exigit, in alijs differt sed cum fœnore soluendam. Quæ hîc iniquitas? Nisi tu dei vicem fortasse sollicitus es, & metuis nequid ei pereat per hanc benignam moram. Atqui securus es, mi homo: nemo vmquã decoquet supero huic creditori. In oculis eius omnes sumus quocumque fugimus, imò in neruo & in vinclis. Sed vellem,

Quam sola
imperitiâ
nostra accu-
sat:

Iniustâ lege
& more.

Omnis con-
tra iustitiam
superam ca-
lumniâ, tri-
plex.
Dilata pri-
ma, quòd
mali nò pu-
niantur.

Omittit præ-
sentaneam
pœnã inter-
dum deus,
nò remittit.

Nec hæc di-
latio ei frau-
di.

Cur omit-
tas, siue dif-
ferat?

Primo, tem-
pestiuæ cor-
rectionis
causâ.

Secundo,
naturæ suæ
(si fas ita lo-
qui) ductu.

* *Divinū nu-
men lentè &
ordine progre-
ditur.*

Quia cle-
mentissima
illa mēs, tat-
da in pœnas.
Quæ aliquâ-

inquires, tyrannum illum nunc puniri, & præsentî
cæde eius satisfieri tot oppressis. clarior enim ita
nobis dei iustitia. Clarior iustitiâ? imò tuus mihi
stupor. Quis enim tu ille es, qui deo non ad pœ-
nam solum præceas, sed eius etiam tempora præ-
scribas? Vtrum iudicem eum tuum esse censes, an
lictozem tantum & administrum? Abi, duc, verbe-
ra, caput obnubito, arbori infelici suspendito. ita
enim mihi visum. Hen impudentiam! sed deo ali-
ter visum: quem scire debes paullo clariùs hîc cer-
nere, & alio quodam fine punire. Te calor exagi-
tat, & aufert vindictæ quædam cupido. à quibus
ille remotissimus, exemplum spectat, & correctio-
nem aliorum. Scit autem optimè quibus ea utilis
esse possit, & quando. Magna momēta temporum
sunt, & saluberrima sæpe medicina abiit in perni-
ciem data non opportunè. Caligulam in primo ty-
rannidis suæ cursu sustulit: Neronē grassari paullo
diutiùs sinit: diutissimè Tiberium. nec ambige,
quia eorum ipsorum, qui tum quoque quereban-
tur, bono. Egent diuturno sæpe flagello mali no-
stri & inemendati mores: at nos tolli illud statim
volumus & coniici in ignem. Hæc vna tarditatis
ratio, quæ nos tangit: alia quæ ipsum deum, cui vi-
detur insitum, *ut lento gradu ad vindictam sui proce-
dat, tarditatemq; supplicij gravitate compenset.* Benè
Synesius: * τὸ θεῶν χρόνιον καὶ τάχει βαδίζει. nec malè
prisci, qui ab hac mente Deos fingeant laneos
habere pedes. Ut quantumvis fernidus & vindictæ
properus sis, non videaris ægrè terre debere hanc
moram: quæ ita pœnæ intervallum est, ut sit & au-
gmentum. Dic mihi, tragœdiam si spectes, an in-
dignè re

dignère si Atreus ille aut Thyestes in primo alteroq. actu sublimes per scenam & elati paullisper incedant? regnent, minentur, imperent? nō opinor. breuem enim felicitatem eam esse scias, & expectes vt fœdè mox ruant in extremo actu. In mundi hac autem fabulâ, cur iniquior in deum, quàm in poëtam aliquem es? Ille impius floret, ille tyrannus viuit. Ita. sed cogita primum hunc actum esse: & iam antè animo tecum præcipe, gaudium istud manere lacrymas & angores. Scæna hæc mox sanguine diffluet, & voluentur in eo purpureæ istæ auratæque vestes. Bonus enim ille noster poëta est, nec temerè migrabit tragœdiæ suæ leges. Nōne etiam in Musicâ dissonas aliquamdiu voces fers, quia extrema desitura scis in cōcentum? idem hîc fac. At enim Punitionem eam nō vident semper læsi. Quid mirum? longiuscula enim sæpe fabula est, nec illi persedere tamdiu potuerunt in hoc theatro. Vident tamen alij: & concipiunt iure metum, quoniam ampliari quosdam in rigido hoc iudicio vident, non absolui; diffindi pœnæ diem, non tolli. Quamobrem, Lipsi, hoc tene, differri aliquando impios, non dimitti: nec crimen quemquam in pectore gestare, qui non idem Nemefim in tergo. Sequitur enim illa dea, & vt cum Euripide dicam,

— * οὐδ' ἔτι βραδείᾳ ποδὶ
εἰχυσά μάρψαι τὰς κακὰς ὅταν τύχη.

de tamen cū
fœnore ve-
nium.

Vita hæc
impiorū tra-
gœdiæ com-
par.

* - sūenter &
lento pede Pro-
gressa rapies
improbos in
tempore.

Deinde ostensum plures esse Pœnas: & quasdam Occultas internasq̃, quæ scelus ipsum comitentur, & quas improbi effugiunt numquam. quæ grauiorẽ quàm vlla externa.

Plures tamẽ
diuinas esse
pœnas.
Internas:

Postumas:

Externas.

Aliquæ ex
istis semper
expetunt in
impios.
Præsertim
Internæ, quæ
animũ lan-
cinant.

* Subsequa
iniuriæ pœna.

* Constantia
& equalis.

QUÆ tamen vt clariùs capias, & semel te du-
cam in arcẽ ipsam huius causæ: hoc scien-
dum, triplices diuinas esse pœnas. Internas, Postu-
mas, Externas. Illas appello **QVÆ ANIMVM**
TANGVNT, SED ADHV C IN CORPORE.
vti sunt angores, pœnitentia, metus, & conscien-
tiarũ mille morsus. Alteras, **QVÆ EVMDEM**
ANIMVM, SED LIBERV M IAM ET A
CORPORE ABIVNCTVM. vti pœnæ ex sunt
quas, mortẽ obitã, scelestos manere etiam è priscis
illis plerique non vanè suspicati sunt. At tertias,
QVÆ CORPV S TANGVNT, AVT QVÆ
CIRCA ILLVD. vt paupertas, exsilium, dolor,
morbi, mortes. Et est quidem plerumque, vt ex
omnes iusto quodam dei iudicio in impios conue-
niant: certè quidem priores duæ semper. Vt de In-
ternis dicam: quis ille vmquam tam proiectus ad
omne nefas, qui non acria quædam flagella in ani-
mo & velut ictus senserit, siue in faciendo scelere,
siue magis post factum? Verè enim * ἀλόβητος ἡ
ἀδικία ἢ πινώμεναι, vt Plato olim dicebat: vel, vt ve-
riùs & fortiùs Hesiodus, * ἡλικιῶνς. Cognatum,
imò innatum, omni sceleri sceleris supplicium: &
nihil in vitã securum solutumque præter Innocen-
tiam est. Vt cruciarij, Romano ritu, crucem suam
ferebant, ipsi ab eã mox ferendi: sic impiis omni-
bus

bus conscientiaē hanc crucem deus imposuit, in quā pœnas luant priusquā luant. An tu solam eam punitionem censes, quæ incurrit in oculos? quam corpusculum hoc subit? Non est. externa ista omnia leuiter nec in longum nos tangunt: interna sunt, quæ angunt. Vt magis in morbo iudicantur qui tabe aut marcore laborant, quā qui inflammatione aliquā aut feбри: & tamen hæ magis apparent: sic in grauiore pœnā improbi, qui lento illo passu ducuntur ad æternam suam mortem. Caligula olim per sæuitiam imperare solitus, *Ita feri vt sentiat se mori*: id istis euenit, quos carnifex ille animus cotidie minutis ictibus cædit & pungit. Nec splendor ille tibi imponat, & circumfusa potentia, aut opes. quia non magis illi ideò felices aut beati, quā sani quorum febris aut podagra recumbit in purpureo strato. Mendicium aliquem in fabulā vides, qui regis personam sustinet, auratum & pulchrum. vides, sed non inuides: quia latere sub auro illo scis scabiem, pædorem, sordes. idem existima in magnis omnibus istis & superbis tyrannis: *Quorum mentes si recludantur*, ait Tacitus, *possint adspici laniatus & ictus: quando vt corpora verberibus, ita sæuitiā, libidine, malis consultis animus dilaceretur*. Rident illi sæpe, fateor: sed non verum risum. Gaudent: sed non germanum gaudium. non herele magis quā iij qui capitis damnati in carcere attinentur, & talis interdum aut tesseris fallere se conantur, nec fallunt. Manet enim impressus ille imminentis supplicij terror, nec tollit se vñquam ab oculis imago luridæ mortis. Vide mihi, sodes, dimoto

Exq. pœnz
grauiores.

Quæ sæpe
sub alacri &
lætâ facie.

In malis. dis-
sidium linguæ
& sensus.

externorum isto velo, Siculum illum tytannum:

Distriktus ensis cui super impiâ

Ceruice pendet.

* Tiberij verba
ex epistolâ
ad Senatuum.

* Neronis moriturus verba.

Audi Romanus illum lamentantem: * *Dij me deaq; peius perdant, quàm perire cotidie sentio.* Audi alterum ingemiscentem: * *Ergo ego solus nec amicum habeo, nec inimicum?* Hæc vera illa animorum tormenta, Lipsi, hi cruciatus, angi semper, pænitere, metuere: quibus caue compares eculos vlllos, fidiculas, vncos.

C A P V T X V.

Pœnas etiam Postumas manere improbos. & plerumque imò ipsas Externas: qua exemplis aliquot illustribus adfirmata.

Postumæ
pœnæ de quibus
Theologi propriè
differunt.
Sed plerumque etiam
Externæ præcunt.

Sive in ipsis
qui peccarunt
sive in stirpe.
Dionysij
mira & vere
à deo punitio.

ADDE iam huc Postumas illas & æternas pœnas: quas è mediâ Theologiâ posuisse mihi satis sit, non euoluisse. Adde etiam Externas. quæ tamen si desint, cùm priores illæ irrogentur, quis cælestem iustitiam iustè culpet? At non desunt. nec factum vmquam (certè rarè) quin apertè scelesti & aliorum oppressores, pœnas item luerint spectabiles & apertas. alij citiùs, alij seriùs: alij in se, alij in suis. Vides & quereris Dionysium illum in Siciliâ, stupra, rapinas, cædes, multos annos impunè exercentem? paullùm sustine. videbis eundem mox infamem, extorrem, inopem, à sceptro (quis credat?) ad ferulam deuolutum. Ille magnæ insulæ rex ludum Corinthi aperiet, ipse Fortunæ verus ludus. Parte aliâ, Pompeium in Pharsaliâ vinci indignaris, & exercitum pænè è Senatu?

Senatu? ludere & lasciuiſſe aliquamdiu in civili ſanguine tyrannum? ignoſco. video enim Catoni ipſi clauum hîc tantum non recti iudicij extortum, & elicita ab alto pectore ambigua vocem, *Res diuinas multum habere caliginis*. Sed tamen tu Lipſi, tu Cato, ſteſſite paullum huc oculos: vnus adſpectus in gratiam reducet vos cum deo. Cæſarem illum videte, ſuperbum, victorem, opinione ſua & aliorum iam deum, in Senatu, & à Senatu interfectum. nec ſimplici morte, ſed viginti tribus plagis confectum, inſtar feræ in ſanguine ſuo volutantem. & (quid amplius vultis?) in Pompeij curia, ſuperſtante Pompeij ſtatuâ, magnam victimam Magni mânibus parentantem. Ita Brutus in campis Philippicis, pro patriâ & cum patriâ moriens, mihi quoque miſerationi eſt. ſed conſolor idem, cum haut longè video victores illos exercitus, velut ad eius tumulum, gladiatorio more inter ſe commiſſos: & è ducibus alterum, M. Antonium, terrâ marique victum, inter tres mulierculas, mulierosâ illâ manu, ægrè mortem inuenientem. Vbi tu es Orientis ille paullo antè dominus? lanista Romanorum exercituum? Pompeij & reip. ſector? En, in fune cruentis manibus pendes! en, viuus in monumentum tuum repis! en, ne moriens quidem auelleris ab eâ quæ tibi morti! Vide an vanè vocē ſupremam & votum illud efflauerit Brutus iam moriens:

* Ζεῦ, μὴ λάθῃς σὲ τὸ δὲ ὅς αἴτιον κακῶν.

Non enim latuit profecto, non effugit. non item ille alter dux, qui pœnâ iuuenilium ſclerum non obſcurè in ſe luit, & clariùs in omni ſua ſtirpe. Sit felix & magnus Cæſar, & verè Auguſtus: ſed ſi-

liam

Item Iulij
Cæſaris.

Item M. An-
tonij.

* Ne huius
maſt, te fallat
auſtor, tuus
ſer.

liam tamen Iuliam habeat, sed neptem: nepotes alios per fraudem per vim amittat, alios abdicet. & horum tædio, quatrduanâ inediâ mori velit, nec possit. denique cum Liuiâ suâ viuât, fœdè ductâ, fœdè retentâ: & quam turpi amore ipse periit, turpi morte per eam pereat. In summâ, inquit Plinius, *deus ille, calumq̃, nescio adeptus magis an meritum, herede hostis sui * filio excedat.* Hæc taliaque cogitâda, Lipsi, cùm querela illa iniquitatis erumpit: & ad duo semper vertenda mens, Tarditatem supplicij & Varietatem. Non punitur nunc ille? mane. punietur. Non in corpore? sed fortassè in animo. Non viuus? sed certè mortuus.

Numquam antecedentem scelestum

Deseruit pede pœna claudendo.

Vigilat enim semper diuinus ille oculus: & cùm dormire eum censes, connûet. Tu tantùm æquus in eum sis: nec iudicem tuum inaniter accusa, ipse ab eo iudicandus.

C A P V T X V I.

Responsio ad alteram obiectionem, de Immeritis. ostensum omnes meruisse pœnam, quia omnes in culpâ. & qui magis aut minus, agrè imò nullo modo ab homine posse discerni. Deum solum esse, qui noxas clarè videat, ideoq̃ iustissimè puniat.

Secunda calumnia, de Immeritis.

SED enim immeriti & innoxij aliquot populi puniuntur, inquis. Nam hæc secunda tua querela, siue calumniam potius dicam. Incaute adulescens, sic loqueris? Puniuntur ne immeriti? Vbi ergo gentium, gentes tibi repertæ sine noxâ? Fiducia

cia imò temeritas sit in fingulo aliquo homine id ponere: tu nihil ambigis populos & gentes statuere impeccantes? Vanissimè. Peccamus enim & peccauimus omnes, scio: nati in labe, viuimus in labe: & cæli iam armamentaria, vt cum Satyrico illo iocer, sine telo sint, si fulmina semper missa in merentes. Non enim vt pisces in salo nati & alti, salem tamen non referunt: sic censendum homines in hâc mundi face, esse ipsos sine face. Atqui si omnes in noxâ, vbi populi isti immeriti? Culpæ enim comes iustissimè pœna semper est. Sed inæqualitas, inquires, illa mihi displicet: quod quidam premantur qui minora peccârunt, florent & regnant qui magna. Nempe hoc erat! eripies tu, credo, trutinam cælestis Iustitiæ manibus, & tuo quodam sensu ponderibusque eam librabis. Quod enim aliter spectat hæc delictorum parium impariûmve æstimatio, quam ante deum tibi sumis? Sed duo hîc, Lipsi, cogita. Primùm, æstimari ab homine noxas alienas non posse, non debere. Quomodo enim? Tu homulle peccata æquiter appendas, qui nec attendis quidem? tu ea legitimè discernas, qui nec cernis? Quod enim facile mihi das, animus est qui peccat: per corpus quidem & sensuum hæc instrumenta, sed ita vt momentum & pondus omne criminis sit ab ipso. Quod adeò verum est, vt si inuitum aliquem statuis peccasse, non peccârit. Id autem si est: quomodo, obsecro, peccatum ipsum peruidebis, qui nec cubile eius aut sedem? Nam mentem certè adeò alienam videre non potes, vt nec tuam. Magna igitur hæc vel vanitas vel temeritas tua est, censutam æstimationemque

Verè calumnia, quia innoxij aut immeriti aufquam.

Nec pœtendenda inæqualitas culpæ aut pœnæ.

Cui homines non boni iudices.

Vt qui animum non videant, peccati sedem.

Nec causam item
externæ punitionis: quæ
sepe pro bono.

Deo igitur soli
seruanda hæc æstima-
tio.

Qui Kap.
διόγιστος.

Et quem vel
lum nullum
aut simula-
tio externa
fallat.

* An falleret
deos iniustè
faciens? ne cogitans quidem.

nemque vindicantis in re nec visâ plenè nec videndâ, nec notâ nec noscendâ. Secundò illud cogita, vt maximè ita sit, nec malum tamen aliquid hîc esse, nec iniquum. Non malum: quia illorum ipsorum bono fit, qui castigantur statim vel in minimis noxis. Dilectio illa diuina est: & iure semper suspecta tarditas, cui grauior Punitio adhæret. Non item iniquum: quia pœnam, vt dixi, omnes meruimus: nec vîquam vel in optimis illa puritas, vt non maculæ aliquæ supersint falsâ, hac aquâ cladium velut eluendæ. Quamobrem, adolescens, mitte hanc de æstimatione noxarû intricatissimam litem, tu terrestris pedaneusque iudex: deo permitte, qui haut paullò æquiùs de ea certiusque, è superiore tribunali cognoscet. Ille est solus, qui merita potest expendere: ille, qui sine vîlo simulationû suco aut cersusâ, virtutem vitiumque videt in vero suo vultu. Quis ei imponat, qui externa & interna pariter rimatur? qui corpus videt & mentem? qui linguas & fibras? aperta denique & operta? Quique non facta solum ipsa, sed causas eorum & progressus videt in clarâ luce. Thales olim interrogatus, * εἰ λήθοι θεὸς ἀνθρώπου τὸ ἀδικῶν; ἀλλ' ἐδὲ διανοούμενον, verè respondit. At nos contrâ hîc in nube, qui non solum occulta scelera non videmus, sub tunicâ (quod aiunt) & sinu admissas; sed vix aperta & protracta iam in lucem. Non enim culpam ipsam & vim eius cernimus, sed externa quædâ vestigia admissæ & iâ fugientis. Optimi sæpe nobis, qui deo pessimi: & reiecti contrâ, qui illi electi. Claude igitur, si sapis, de meritis aut immeritis os & oculos: causæ tã obscuræ nō benè cognoscuntur de plano.

CAPVT XVII.

*Responsio ad obiectionem tertiam, de pœnis translatis.
exemplis monstratum id etiam apud homines fieri.
Quæ deo translationis huius causa sit. & plusscula
alia satis curiosa subtilitatis.*

AT tertia etiam offusa à te iustitiæ nebula abstergenda est, de Substitutis. Pœnas enim, inquit, parum iustè deus transfert: & maiorum culpas male dant nepotes. Hem! itane hoc nouum aut mirum? Imò miror ego mirari istos miriones: cùm cottidie ipsi id faciant in suâ terrâ. Dic sodes, beneficia quæ ob virtutem à Principe maioribus data, nonne transeunt ad nepotes? sanè transeunt, nec aliter in mulctis aut pœnis, opinor, quæ iisdem impositæ ob scelus. Ecce in perduellionis aut maiestatis crimine, manifestò alij in culpâ sunt, alij in pœnâ. id quæ adedò intendit humana sæuitia, vt latæ leges sint, quæ innoxios liberos æternâ egestate puniant, vt *mors sit eis solatium & vita supplieum*. Maligni vestri animi! regi alicui aut dynastæ licète id vultis, non vultis deo. Cui tamen, si examinas, haud paullo iustior severitatis huius causa. Peccauimus enim & rebelles magno huic regi fuimus iu vno omnes: & per tot stirpium trádices primogenia illa macula propagata ad infelices natos. Ita nexus & catena quædam hæc criminum corâ deo est: nec peccare, exempli causâ, pater meus aut tuus iam cœpit, sed patrû omnes patres. Quid ergo mirum, si punit in posteris non propriè diuersa delicta, sed communione quâdam feminis iuncta, nec vîquam intermissa? Sed vt

omittam

Tertia calûnia, de Substitutis, in pœnâ. Quod tamè nec apud homines nouum aut insolens, Cottidie enim priuilegia aut pœnæ transmittuntur.

Quod in pœnis iustissime facit deus: Quia deum et cum parentibus suis mus adgnatâ culpâ.

Deniq. quia
coniungit &
sub vno
aspectu ha-
bet res &
crimina, quæ
nos leuanti-
mus.

Societates
aut corpora,
deo vnum.

Tempora
item diffita
coniungit.

* *Qua videli-
cet castigatio
prouida & in-
star medi ine-
st: at in pœ-
nis: ut cum
vulgo dicam,
spiritibus,
aliud est: nec
ea personarum
excedunt.*

omittam hæc sublimia, & agam tecum magis po-
pulari quadam rationum viâ: hoc scito. deum con-
iungere, quæ nos per imbecillitatem aut imperi-
tiam disparamus: & familias, opida, regna, non vt
varium quiddam intueri aut cõfusum, sed vt cor-
pus naturamque vnâ. Scipionum illa aut Cæsa-
rum familia, vnû illi est: Romana aut Attica vrbs,
ab omni suo æuo, vnum: vnum item Romanum
imperium. Iure. vinculum enim quoddam est, &
legum iurisque societas, quæ magna corpora hæc
ligat: efficitque vt etiam inter æuo diffitos commu-
nio quædam sit præmiorum & pœnarum. Itaque
Scipiones olim boni? apud cælestem illum iudi-
cem posteris id quoque profit. Mali: noceat. Belgæ
ante annos aliquot lasciui, auari, impij? nos lua-
mus. quia in externâ omni punitione deus non
præsentia solum adspicit, sed præterita etiam re-
spicit: & duûm horum temporû momentis tem-
perat æquabiliter iustitiæ suæ lancem. Dixi, * ex-
terna punitione, & velim notes. Non enim culpæ
ipsæ transferuntur, aut criminum quædam confu-
sio fit: abest: sed pœnæ dumtaxat siue castigatio-
nes quædam circa nos istæ sunt, non in nobis: & ad
corpora aut opes spectant propriè, nō ad animum
hunc internum. Quid autem hîc iniuriæ? Heredes
enim certè commodorum præmiorumque, siqua
maioribus debita sunt, esse volumus: cur onera
recusemus & pœnas?

Delicta maiorum immeritus lues

Romane:

canit Romanus ille vates. verè, nisi quodd addit
Immeritus. Meritissimè enim, quia meruere ma-
iores.

iores. Sed effectum videre poëta potuit, non adsur-
 rexit ad causam. Vt autem in vho eodemque ho-
 mine, iure in senectâ ætate delictum aliquod pu-
 nimus admissum in iuuentâ: sic deus in imperiis
 aut regnis peccata vetera. quia externæ commu-
 nionis ratione vnum quiddam deo sunt & cõiun-
 ctum. Interualla hæc temporum apud illum nos
 non diuidunt, qui omnem æternitatem clausam
 habet in capaci suâ mente. An verò * Martiales
 illi lupi olim tot vrbes euerterint, tot sceptrâ frege-
 rint impunè? tantum cædium sanguinisque hau-
 serint, ipsi sèmp̃er incruenti? Tum denique fatear
 vindicem nullum deum esse, * qui quæ nos gerimus
 audit & videt. Sed non est ita. pœnas vel in po-
 sterioris suis pendant aliquando necessum est, tardas
 etsi non seras. Nec Temporum solùm hæc cõiun-
 ctio apud deum est: sed & Partium. Hoc volo di-
 cere. sicut in homine cùm * manus, penis, venter
 peccauit, totum corpus id luit: sic in communi ali-
 quo cœtu, paucorum delictum expetere sæpe in
 omnes. præsertim si ij qui peccant velut digniora
 quædam mēbra sint, vt reges, principes, magistrā-
 tus. Verè Hesiodus & ex ipso Sapientiæ penetrati:

* Romanos
intellego.

* Placui est
in Captiuo.

* Furto, libi-
dine, ingluui.

Πόλλαις καὶ ξύμπασιν πόλιν καὶ ἀνδρῶς ἐπαυρεῖ,
 ὅστις ἀλιτρεῖται καὶ ἀτάσθαλα μηχανάει).
 Τοῖσι δ' ἔργον ἔσθ' ἐπὶ πᾶσι πῆμα Κρονίων
 Λιμὸν ὁμῶς καὶ λοιμὸν.

Vnius ob crimen pœnas vrbs tota rependit,
 Siquis sacrilegè sese gerat aut iniustè.
 Iuppiter hinc calo clades immisit ab alto
 Pestem siue Famem.

Ita classis Argiuorum tota periit

G

Vnius

Vnius ob noxam & furias Aiachis Oilei:

* Quia David
populum am-
bitiose recen-
suit.

* Rectè Ta-
citus: Sumit
aliquid ex ini-
quo omne ma-
gnam exem-
plū, quod ad-
uersus singulos
utilitate publi-
cā rependatur.

Abstracta
cogitatio ab
istis:

Quæ nec ca-
pta nobis,
nec capien-
da.

ita in Iudæâ septuaginta millia hominum pestis
vna iustissimè abstulit, ob iniustam *libidinem re-
gis. Et interdum contrâ. vbi omnes peccarunt,
deus vnum paucosve seligit velut piaculares pu-
blicæ noxæ. In quo si à *rigido illo paritatis iure
paullisper discedit, tamen ex iniquitate ipsâ æqui-
tas noua oritur: & clemens quædam iustitia in
multos est, quod sæuitia videtur in paucos. Nōne
etiam pædagogi ferula, è numero lasciuiantis gre-
gis, vnum aliquem cædit? imperator è fuso exer-
citu, paucos decumatione castigat? salubri tamen
vterque consilio, quia paucorum ea punitio terret
nihilominus & emendat omnes. Vidi medicos
sæpe venam in pede aut brachio incidere, cū to-
tum corpus doleret: quid scio an idem hîc sit? Ar-
cana enim hæc arcana, Lipsi: & si sapimus, propiùs
non tangemus sacrum illum ignem. cuius scintil-
las & stricturas quasdam videre homines fortasse
possumus: non possumus ipsum. Vt ij qui in So-
lem acriùs defigunt oculos, eos amittunt: sic men-
tis omne lumen, qui eam intendūt in hoc lumen.
Abstineamus igitur censeo curiosæ & cum pe-
riculo quæstionis: & hoc saltē nobis stet, æstimari
noxas humanitūs non posse, non debere. aliam
apud deum trutinam esse, aliud tribunal. & quo-
modocumque se recondita illa iudicia habeant;
non culpanda ea nobis, sed ferenda & verenda.
Vnam hanc tibi sententiam ingero, quā manum
huic rei & simul Curionum omnium ori impo-
nam, *Iudicia dei multa occulta sunt: nulla iniusta.*

Augustinus.

*Transitus ad Locum vltimum factus, qui ab Exemplis.
& ostensum, vrile interdum esse, seria medicina ad-
misceri quadam iucunda.*

Hæc sunt Lipsi, quæ pro diuinâ Iustitiâ dicenda censui contra hos iniustos. quæ non planè ex re meâ esse fateor, nec tamè præter illam: quoniam non dubiè æquiùs libentiusque Clades has feremus, persuasi eas non iniquas. Et intervallo hîc aliquo sermonis, subitò iterû erupit Langius, Benè habet, inquiens. respiravi. Superavi omnes quæstionum illos scopulos, & plenis iam velis inuehi mihi posse videor in portum. Quartum vltimumque meum agmen conspicio: quod producam sanè libens. Et vt nautæ, cùm in tempestate Geminos vident, spem magnam & alacritatem concipiunt: sic ego, cui post hos fluctus apparuit Legio hæc Gemella. Fas mihi enim prisco ritu eam ita dicere: quia biceps, & duo per eam mihi vincenda, Nec graua hæc mala esse quæ nunc patimur, Nec noua. Id dum facio, in pauca hæc quæ superant, Lipsi, volentem attentumque te mihi da. Numquam magis Langi, inquam ego. Nam me quoque iuuat euasisse illa aspera: & à seriâ & seuerâ illâ medicinâ, auidè adspiro ad hanc lenem & populatam. Ita enim futuram eam titulus mihi indicat. Nec erras, inquit Langius. Nam vt medici postquàm vsserunt & secuerunt satis, non omittunt statim ægrum aut deponunt, sed benigna fomenta quædam & acopa adhibent, doloribus mitigandis: sic in te ego. quem quoniam ferro &

Reditio ad sermonem ipsum de Constantiâ.

Quantum pro eâ telum, ferro duplici.

igne Sapientiæ purgasse satis videor, lenibus nunc quibusdam alloquiis fouebo, & tractabo manu, quod dicitur, molliore. Descendam ex illo philosophiæ arduo colle, & deducam te paullisper in amœnos Philologiæ tuæ campos. Idipsum tamen non recreando magis tibi, quàm sanando. Ut Democharem medicum aiunt Considiæ cuidam mulieri nobili, quæ omnem asperiores medicinam abhorrebat, lac caprarum callidè propinasse, sed quas lentisco pascebat: sic ego historica quædam & oblectantia tibi infundā, sed occulto quodam Sapientiæ succo tincta. Quid refert qua viâ sanemus ægrum, dum persanemus?

E litteris etiā
medicina
animorum,
sed præfer-
tim histo-
riis.

CAPUT XIX.

*Non tam grauiā esse Mala publica, quàm videntur. idq̃
primò, sed breuiter, Ratione ostensum. Circumiecta
enim rebus plerumque vanè timeri, non ipsas.*

Prima argu-
menti huius
pars, de leui-
tate cladiū:

Si eas Ratio-
ne exami-
nas.

SED ades iam mea Legio. & tu ante omnes co-
hors prima, quā pugnamus Non esse grauiā
hæc mala. Id duplici telo effectum volumus, Ra-
tionis & Comparisonis. Rationis: quia illam si
respicis, reuera nec grauiā aut magna hæc omnia
quæ adsunt quæque imminent, sed videntur tan-
tū. Opinio est quæ attollit ea & exaggerat, & ve-
lut cothurnis quibusdam auget. Sed deme, si sapi-
circumfusam eam nubem, & vide res in clarā lu-
ce. Panpertatem exempli causā in his Cladibus
publicis times, Exsiliū, Mortem. Ea igitur si re-
ctis firmisq̃ oculis inspicis, quantula sunt! si suis
ponderibus examinas, quàm leuiā! Ecce bellū hoc

aut

aut tyrannis per tributa multa te exhauriet. Quid ^{Pauperas enim non dura.} tum? eris igitur pauper. Natura nōne talem te dedit, talem rapiet? Quòd si triste & infame nomen tibi displicet, commuta. eris expeditus. Subleuauit enim te Fortuna, si nescis, & tutiore iam loco reposuit. nemo vltra exhauriet. quod damnum tu putabas, remedium est. At exsul etiam ero. Imò, si ^{Non graue exsilium.} voles, peregrinus. Adfectum tuum si mutas, mutas patriam. Sapiens vbicumque est, peregrinatur: fatuus semper exulat. Sed mors mihi à tyranno ^{Non ipsa mors.} imminet. Quasi non cottidie à naturâ. Sed infamis illa, quæ per gladium aut per laqueum. O stulte, non illa aut vlla mors infamis, nisi vita tuâ sit. Cita ab orbe condito optimos & illustrissimos quosque, violenta eos vis rapuit. Hoc examē, Lipsi, rebus omnibus (gustum enim tantum tibi do) adhibendum, quæ terribiles videntur: & inspiciendæ eæ nudæ, sine Opinionum vllâ veste aut personâ. At nos miseri ad vana & externa conuertimur: nec res ipsas timemus, sed circumposita rebus. Ecce si mare nauiges, & magnum illud fiat: mens tibi abit, & contremiscis. non aliter quàm, si naufragium feceris, totum illud ebibendum tibi sit. at sextarius vnus aut alter suffecerint. Si terræmotus subito exortus, qui clamor & metus? censes totum opidum, si ruat, in te casurum, aut certè domum. & nescis quàm ad cerebrum tuum elidendum satis sit vnus aliquis lapis. Non aliter in Cladibus istis fit: in quibus strepitus præcipuè nos terret & vanissima imago rerum. En satellitium illud! en gladios! Quid isti satellites, quid gladij? ^{Plura nos huius rei in Thrasea nominamus.} quid facient? Occident. Quid occisio? simplex mors.

*Pro suis De
contemptu
mortis.*

*Socratis bre-
ue, sed salu-
bre, dictum.*

mors, & ne nomen ipsum te terreat, animæ à corpore abscessus. Omnia illa agmina militū, omnes illi minaces gladij, facient idem quod vna febris, quod vnus acinus, quod vnus vermis. Sed enim durius. Imò nō paullò lenius: siquidem febris illa quam præoptas, toto anno hominē sæpe torqueat; ictu hīc & momento transigitur. Benè igitur Socrates, qui hæc omnia non aliter appellare solitus quàm *μορμολύκαι* siue laruas. Quas si sumis, vidēsne quomodo pueri te fugiant? sed pone easdem & verā facie te ostende, accedent iterum & amplectentur. Idem in istis: quæ si detractis personis & sine pompâ videas, timuisse te fatearis timorem puerilem. Vt grando tectis magno strepitu illisa, ipsa tamen dissilit: sic ista in firmum animum si accidunt, franguntur non frangunt.

C A P V T XX.

Ad Comparationem ventum. sed prius exaggerata Belgarum & huius aui mala. eaq; opinio communiter refutata: & ostensum, ingenium humanum prouum ad augendos suos luctus.

*Intercisio
sermonis,
nimis vberis
alioqui &
diffusi.*

NON ex spe aut opinione meâ tam serius Langij sermo. Itaque abrumpens, Quò abis? inquam. hocne pollicitus? Mella & mullâ historiârum exspectabam: tu acce mihi promis, & quo nihil meracius in Sapientiæ penu. Quid censes? cum Thalete aliquo rem tibi esse? cum Lipsio est: qui homo & inter medios homines, remedia etiam desiderat paullò magis humana. Langius clementi voce & vultu, Agnosco, iure culpas, inquit.

quit. Nam dum purum illum Rationis radium
sequor, excessisse Publicâ viâ me video, & furtim
relapsum in Sapientiæ callem. Sed iam emendo:
& gradum figo in limite magis noto. Displicet
Falerni illius austeritas? melle tibi tempero exem-
plorum. Ad Comparationem ecce venio: & osten-
dam clarè nihil graue aut magnû esse in his, quæ
vndique circumfusa, malis, si ea confers cum anti-
quis. Maiora enim multis partibus & magis do-
lenda olim. Ego iterum, & quidem impatienti ge-
stu, Hoc ais? inquam.

Compara-
tione ostēdi
posse leuita-
tem cladiū.

— * Καὶ τοῦτο προσδοκᾷ πένον ἡμέ;

Numquam Langi, quādiu caput hoc sentit. Quod
enim retrò æuum, si rectè examinas, tam calami-
tosum fuit quàm hoc nostrum est: aut quod erit?
Quæ gens, quæ regio tulit

* Et persua-
sum mi hoc
patas?
Ex Aristo-
phane est.

Tam multa dictu grauiâ, perpeffu aspera,
quàm hodie nos? Bello ecce iactamur, nec externo
solùm, sed ciuili; nec hoc, sed intestino. Non enim
partes solùm inter nos sunt: sed partium (ô patria
quæ Salus te seruet?) nouæ partes. Adde Pestem,
adde Famem, adde Tributa, rapinas, cædes: &
ἡγάτων ἡγάτων tyrannidem, oppressionesque non
corporum solùm, sed animorum. Iam in Europâ
aliâ quid? aut bellum, aut belli metus. vel si pax;
cum fœdâ seruitute sub minutis dominis coniun-
cta, & non latior quouis bello. Quocumque oculo
mentemque conuertas, suspensa omnia & su-
specta: & vt in domo malè fultâ, signa plura rui-
næ. Ad summam Langi, vt æuium omniû con-
fluxus in Océanum: sic cladium videtur in hoc
æuum. Et recenseo tantùm quæ in manibus iam,

Belgarum
fatales mise-
rix.

Imò Europæ
totius: quæ
profectò la-
bascit.

& adsunt. quid ea quæ imminet? de quibus verè illud Euripidæum canam,

* Pelagus maiorum centuor
Tam magnū,
ut enatare facile non fiet.
Querelæ
mala sopitæ
cōmouent.

* Κακῶν ὁ τάλας πέλαγος ἰσσοῦ
Τοσῦτον, ὥστε μὴ πρότ' ἐννεῦσαι θάλην.

Omnis gens
de suo zuo
queſta.

Quia proni
omnes ad
dolorem augendum:

Imò & fingendum.

Langius ad me ſeuerè & in modum coërcentis, Iterumne te per querelas iſtas deiicis? inquit. Stare firmū te iam putabā: & cadis. vulnera tua coiſſe: retractas. Atqui animi quādam quiete tibi opus eſt, ſi ſaneſces. Infeliciffimum, ais, hoc æuum. Vetus mihi iſta cantio. ſcio auum tuum idem dixiſſe, ſcio patrem, ſcio poſteros dicturos & nepotes. Inſitum hoc à naturā humano ingenio, ad triſtia acriter flectere oculos, præterire quæ læta. Ut muſcæ & eiufmodi infecta læuibꝫ politisqꝫ locis non diu inſident, ſcabris adhæreſcunt: ſic querula iſta mens meliorem ſortem leuiter tranſuolat, aſperam non dimittit. Tractat, inſpicit, & ingenioſè plerumque auget. Atque vt amantes in dominā ſuā numquam non inueniunt, cur eximia ea ante omnes: ſic dolentes, in ſuo luctu. Fingimus imò vana, nec præſentia ſolūm dolemus, ſed futura. Quo tam ſagacis ingenij pretio? Non alio, quàm vt quosdam exercitus motus procul puluis caſtris interdum exuit: ſic nos deiiciat futuri discriminis falſa ſæpe vmbra.

C A P V T XX.

Magis deinde propriè & preſſè id reſutatum, ex Comparatione cum veteribus malis. Primò de bellis. & de clade mirabili Iudaorum.

AT tu, Lipſi, plebeia hæc mitte: & ad Comparationem me ſequere, quam depoſcis. Per
eam

eam tibi clarum, non paria solùm in omni genere cladum olim euenisse, sed maiora: & gratandi materiam huic æuo esse, quàm querendi. Bello, inquis, iactamur. Quid? ergo bella nulla apud priscos? Imò nata ea, Lipsi, cum orbe nato: nec desitura, nisi cum illo. At non tam grandia fortasse aut tam graua, quàm ista. Adedò contrà est, ut ludus hæc omnia sint & iocus (seriò loquor) si conferantur cum priscis. Non aditum, non exitum facilè reperio, si semel me penetro in profundum hoc exemplorum: sed tamen vísne paullùm peregrinemur per orbis partes? eamus. A Iudæâ ordiamur, id est à regione & gente sacra. Omitto quæ in Ægypto passi, quæ post excessum ab Ægypto: tradita enim hæc & prompta in diuinis libris: ad extrema venio, & quæ cum funere eorum coniuncta. Quæ operæ mihi est, ut * exponam velut per indicem, singillatim. Passi igitur ciuili externoque bello, non totis septem annis, ista:

Ipsa Comparatio cœpta. Et quidem per singula genera cladium. De bello primum.

Iudæorum innumeræ cædes.

** Sumpsi autem & collegi à Iosepho.*

Hierosolymis primùm interfecti, iussu Flori, — *sexcenti triginta.*

Cæsareæ ab incolis, odio gentis & * religionis, vno tempore — *viginti millia.*

Scythopoli (Cœlæ Syriæ vrbs est) — *tredecim millia.*

Ascalone in Palæstinâ, item ab incolis, — *duo millia, quingenti.*

Ptolemaïde pariter — *duo millia.*

Alexandriæ in Ægypto, sub Tib. Alexandro Præsidente — *quinquaginta millia.*

Damasci — *decem millia.*

Atque hæc velut per seditionem aut tumultû gesta: legitimo deinde & aperto à Romanis bello:

Ioppe captâ à Cesio Floro cæsi—*octo millia & cccc.*
 In monte quodam Cabulone — *duo millia.*
 In pugnâ ad Ascalonem — *decem millia.*
 Per insidias iterum — *octo millia.*
 Aphacæ, cum capta esset, — *quindecim millia.*
 In monte Garizim cæsi — *vndecim millia & dc.*
 Iotapæ, in quâ ipse Iosephus, circiter—*triginta millia.*
 Ioppe iterum captâ submersi — *quatuor millia cc.*
 In Tarichæis cæsi — *sex millia & d.*
 Gamalæ, tã interfecti, quã spontè præcipitati,—*no-*
nem millia. nec quisquam homo natus ex eâ
 vrbe saluus, præter duas mulieres, sorores.
 Giscalâ desertâ, in fugâ trucidati — *bis mille.*
 & fæminarum ac puerorum capti — *tria millia.*
 Gadarensium cæsa — *tredecim millia.*
 capti — *duo millia & ducenti*, Præter eos qui in
 flumen defilière infiniti.
 In Idumææ vicis cæsi — *decem millia.*
 Gerasij — *mille,*
 Machærunte — *mille vcc.*
 In siluâ Iardes — *tria millia.*
 In Massadâ castello, suâ manu perempti — *nongen-*
ti & lx.

In Cyrene à Catulo Præside cæsi — *tria millia.*
 At in ipsâ Hierosolymorum vrbe, per omne tēpus
 obsidionis mortui aut cæsi,—*decies centena millia.*
 capti, — *nonaginta septem millia.*

* Qui fame,
 exsitto, miserum
 perierunt.

Summa hæc colligit (præter * innumeros qui
 omissi) *duodecies centena & quadraginta millia.*

Quid ais Lipsi? deiicis ad hæc oculos? attolle
 potius:& aude mihi comparare cum vnus gentis
 clade, aliquot annorum in orbe Christiano bella.

At quan-

At quantula tamen illa hominum terrarumque pars, si conferatur cum Europa?

CAPVT XXII.

De Græcorum item Romanorumq; Cladibus ex bello.

Magnus intersectorum numerus ab aliquot ducibus.

Item vastatio noui orbis. & miseria captiuitatis.

NEC hîc insisto: ad Græciam me conféro. In Græciæ attritio mira.
 quâ digerere ordine omnia bella, siue inter ipsos siue cum externis gesta, longum nec cum fructu. hoc dico. ita exhaustam & attonsam eam continuo cladium isto ferro, vt * Plutarchus tradat * De defectu oraculorum.
 (numquam mihi sine ira & admiratione lectum) eam vniuersam non fuisse, suo æuo, conficiendis *tribus millibus militum*: quot tamen, inquit, olim bello Persico, vnum Megarensium opidulum confecerat. Hæu, quò cecidisti flos ille terrarum, sol & sal gentium! Vix opidum hodie alicuius quidem nominis in hac ipsâ attritâ Belgicâ est, quod numerum eum non adæquet idonei ad bellû sexus. Iam Romanos & Italiam perlustramus? leuârunt me pridem hoc fasce recensitionum Augustinus & Orosius. eos vide, & in iis maria malorum. Vnum bellum Punicum secundum, in solis Italiâ, Hispaniâ, Siciliâ, supra *quindecies centena millia* hominum (quæsiui enim curiosè) non totis annis septemdecim consumpsit. Bellum ciuile Cæsaris & Pompeij, ad *millia trecenta*. & largius, Bruti, Cassij, Sex. Pompeij arma. Et quid bella recenseo plurium auspicio gesta aut ductu? Vnus ecce C. Cæsar (ô pestem perniciemque generis humani!) fatetur & quidè glorians, ** vndecies centena & nonaginta duo millia* Cædes ingentes à Romanis editæ.
* Plinio hæc tradita, l. VII.

millia hominum praeliis à se occisa. atque ita, vt non veniat in hanc rationē strages ciuiliū bellorum. Pauculis annis quibus ille Hispaniæ aut Galliæ præfuit, in externos editæ istæ cædes. Quo tamen maior etiam hac parte ille Magnus, qui in delubro Mineræ inscripsit *fusa à se, fugata, occisa, in deditio- nem accepta, hominū vices semel centena* LXXXIII.

millia. Quibus velut in numerum, si vis, adde, Q. Fabium, qui *centum decem Gallorum millia*: C. Marium, qui *ducenta Cimbrorum*: posteriori æuo Aëtium, qui memorabili Catalaunico prælio *centum sexaginta duo millia* Hunnorum occidit. Et ne

Opida ab iis multa dele-
ta.

* Apud Plu-
tarchum.

* Ad quadrim-
genta, vt tra-
dunt Plut. &
Appian.

Indotū stra-
ges, imò ex-
cidium.

bellis illis hominum cadauera tantum fuisse cen-
seas: fuere etiam opidorum. Cato ille Censorius
* gloriatur plura * opida se in Hispaniā cepisse,
quàm dies in eā egerit. Sempronius Gracchus, si
Polybio fides, *trecenta* in eadem deleuit. Nec habet
omne æuū, opinor, quod adstruat his exemplis,
præter nostrum; sed in orbe alio. Pauculi Iberi ante
annos octoginta in vastas illas & nouas terras de-
lati, quæ funera, deus bone, ediderunt! quas stra-
ges! Nec de causis aut iure belli dissero, tantum
de euentis. Cerno ingens illud terrarum spatium,
quod vidisse magnum sit non dicam vicisse, à vi-
cenis tricenisque militibus peruadi: & passim in-
ermes illos greges sterni, vt segetem à falce. Vbi
tu es insularum maxima Cuba? tu Hayti? vos lu-
cayæ? quæ olim quingentis aut sexcentis hominum
millibus succinctæ, alibi vix quindecim ex iis reti-
nuistis in semen. Ostende etiam te paullum tu
Peruana, tu Mexicana ora. Heu miram miseram-
que faciem! immensus ille tractus & verè alter
Orbis,

Orbis, vastus attritusq. * appâret, non aliter quàm si cælesti quodam igne deflagasset. Mens & lingua mihi cadit, Lipsi, dum hæc memoro: & video nostra omnia præ istis non aliud quàm palarum cassa esse, vt Comicus ait, aut gurguliunculos minutos. Nec tamen legem illam mancipiorum adhuc refero: quâ nihil acerbius in veterum bellis. Homines ingenuos, nobiles, pueros, fæminas, omnes victor abripiebat, quis scit an in æternam seruitutem? Certè seruitutem, cuius vestigium iure gratulor non fuisse, non esse adhuc, in Christiano orbe. Turcæ sanè vsurpant, nec aliud est quod magis inuisum & terribilem nobis reddat Scythicum illum dominatum.

* Certè sub
iusta. Nam
nunc habisari
iterum scio, &
melius colis.

Captiuitas
olim acerba,
& æquanda
morti.

CAPVT XXIII.

*Pestis Famisq. prisca insignia maximè exempla. item
Tributorum magnitudo qua olim. & rapinarum.*

At tu pergis in querelâ. & Pestem etiam ad-
texis Famemque: Tributa & Rapinas. Vis
igitur singula comparemus? sed breuiter. Dic mihi
quot millia Pestis in totâ Belgicâ abstulit, his
quinque aut sex annis? Opinor quinquaginta, aut
vt largiter, millia centum. At vna in Iudæâ pestis
sub Dauide rege, *septuaginta millia* absorpsit, die
non toto. Sub Gallo & Volusiano Imperatoribus,
* pestis ab Æthiopiâ exoriens omnes Romanas
prouincias peruasit, & per quindecim continuos
annos incredibiliter exhaustit. Nec alia vmquam
maior lues mihi lecta, spatio temporum, siue ter-
rarum. Sæuitiâ tamè & impetu insignior illa quæ
Byzantiij

Pestis, quæ
apud veteres.

* Zonaræ
Tom. 1.

Byzantij finitimisque locis grassata, Iustiniano Principe. cuius vis tanta, ut in singulos dies *quinque millia* funerum daret, interdum etiam *decem*. Timidè hoc dicerem & ambiguus fidei: nisi fideissimi huic rei ab illo ipso ævo * testes. Nec minùs miranda Africana pestis, quæ eversa Carthagine orta, in sola Numidiâ * *octingenta hominum millia* deleuit: in maritima Africâ, *ducenta*, & apud Vticam *triginta millia* militum, qui ad oræ eius præsidium relictî. Iterumque in Græcia, Michaëlis Ducæ imperio, tam sæua: ὡς ἐδυστάειν (Zonaræ verba sunt) τὴς ζῶντας ταῦν παραδίδόναι τὴς θνήσκοντας, ut viui prorsus pares non essent mortuû sepeliendû.

* Procopius lib. 11. de Bell. Persico. Ag. 1. lib. v. Hist. * Orosius lib. v. cap. v. 111.

* Sub annum à Christo .ccc. lxx.

Fames, quæ apud veteres.

* Zosimus v. 1. Annal.

* Procop. de bello Goth. lib. 11. apud quem plura vide.

Tributorum olim magnitudo.

Denique * Petrarchæ ævo, ut ipse refert, tam valida in Italiam incubuit, ut ex millenis quibusq. hominibus vix decem superessent. Iam de Fame, nihil profectò nos aut ætas nostra vidimus, si videmus antiqua. Sub Honorio Imperatore * Romæ tanta caritas & raritas omnis annonæ, ut homines hominibus iam imminerent, & in Circo palàm audita sit illa vox, PONE PRETIUM HUMANÆ CARNI. In totâ * Italiâ vastantibus eam Gothis, sub Iustiniano, iterum tanta; ut in solo Piceno *quingenta hominum millia* fame interierint: & passim in usum ciborum versæ sint non carnes solum humanæ, sed humana excrementa. Duæ mulieres (narrare exhorresco) septemdecim viros per infidias noctu interfecerant, & comederant: ipsæ à decimooctauo, qui id agi senserat, cæse. Nec refero in Sacrà vrbe famem, & exempla iam protrita. Quod si de Tributis etiam aliquid dicendum est: non nego grauiâ esse quibus premi-

mur,

mur, sed ita si sola & per se ea videas, non si componas cum priscis. Pleræque omnes prouinciæ sub Romano imperio, fructuū ex * agro pascuo *Quintam* ^{* Appianus} quotannis persoluere, *Decimam* ^{salu clarè} ex agro aruo. ^{inquit lib. 1.} Nec defuere Antonius & Cæsar nouem decemq. ^{ἑμφουλ.} annorum tributa exigere in vnum annum. Iulio Cæsare interfecto, cū arma sumpta pro libertate, singuli ciues *vigesimam quintam* omnium bonorum dependere iussi: & hoc amplius, Senatorij ordinis omnes, in singulas ædium suarum * regulas, *sex asses.* Quæ immensa contributio, nostrisque sensibus nec credenda nec reddenda. At * Octavianus Cæsar, (credo ratione nominis sui habitā) *Octavianam* ^{οὐκ ἔστιν} omnium bonorum partem à libertis exegit, & accepit. Et omitto quæ Triumviri, quæ alij tyranni patrauerunt: ne nostros doceā, recitando. Vnum tibi instar omnium exactionum rapinarumque sit, de Coloniis. Quo inuento vt nihil ad vim imperij firmitus, ita nihil in subditos cogitari potuit tristius. Deducebantur passim legiones cohortesque veteranæ in agros & opida: miserique prouinciales momento temporis bonis & fortunis omnibus prouoluebantur. idque nihil ausi, nihil meriti: sed pro crimine omni, opes aut opimi agri. In quo profectò gurges quidam calamitatum omnium appāret. Miserum est nummis spoliari: quid etiam agris tectisque? Graue istis pelli: quid totā patriā? quid templis arisque? Distrahebantur ecce aliquot millia hominum, liberi à parentibus; domini à familiaribus; vxores à viris; & in varias terras, vt cuique fors sua fuit, spargebantur: alij in *sitientes* ^{Quæ cre-} *Afros*, vt poetā in hac ipsā re ait, *Pars Scythiam, aut* ^{berrimæ.}

toto diuisos orbe Britannos. Solus Octavianus Cæsar in sola Italiâ duodeviginti colonias collocauit. in prouinciis quot libuit. Nec alia res magis, vt ego scio, exitio fuit Gallis nobis Hispanisque.

CAPVT XXIII.

Crudelitatis & Cædium narrationes aliquot, mira, & supra omnia scelera huius æui.

Cædes im-
manes & in-
fames, quæ
olim.

SED scruitia tamen hodie, inquis, & cædes in-
audita. Scio quid innuas, & quod nuperum
factum. Sed tuam fidem, Lipsi: tale nihil apud an-
tiquos? O imperitum te, si nescis: malum, si dissi-
mulas! Exempla enim adèd prompta & multa, vt
laboremus in eligendo. Sullæ nomen nosti, illius
Felicitis? ergo & proscriptionem eius infamem &
immanem, quâ * *millia quattuor & septingentos* ci-
ues abstulit vni vrbi. Et ne vilia quædam capita
aut è plebe censeas, *centum quadraginta* in iis Sena-
tores. Nec tango cædes innumeras, quæ vulgo fa-
ctæ permissu eius siue iussu. vt non immeritò vox
illa Q. Catulo expressa sit, *Cum quibus tandem vi-*
cturi sumus, si in bello armatos, in pace inermes occidi-
mus? At Sullam eundem haut multò post imitati
tres discipuli (Triumuiros intellego) pariter pro-
scripsêre * *trecentos Senatores*. equites Romanos
supra *bis mille*: Heu scelera, quibus nihil acerbius
Sol ille vidit visurusque est, ab ortu omni ad occa-
sum! Appianum, si voles, lege, & in eo variam scæ-
damque imaginem latitantium, fugientium; si-
stentium, extrahentium; liberorum circà eiulan-
tium, & coniugum: peream ego, nisi humanitatem
ipsam

* Valerius
lib. 11.

* Appianus
ita numerat.

ipsam perisse dices fero & ferino illo æuo. Atque hæc in Senatoribus equitibusque gesta: id est, totidem pænè regibus aut dynastis: sed in multitudinem fortasse non scuitum. Imò vide mihi eum-

dem Sullam qui ** quatuor legiones contraria partis, fidem eius secutas, in publicâ Villâ, nequicquam fallacis dextra misericordiam implorantes, obtruncari iussit.*

Quorum cùm morientium gemitus Curiam quoque attigisset, attonito & conuerso Senatu: *Hoc agamus, inquit, Patres conscripti. pauculi seditiosi iussu meo puniuntur.* Nec scio quid magis hic mirer, ho-

minem id facere potuisse, an dicere. Et plurane poscis scuitiæ exempla? cape. ** Setuius Galba in Hispaniâ trium ciuitatum cõuocato populo, quasi de commodis earum acturus, septem millia, in quibus flos iuuentutis consistebat, repente trucidauit.*

In eadem regione ** L. Licinius Lucullus consul, * Cauæorum viginti millia contra deditiõis stipulatæ fidem immissis in urbẽ militibus occidit.*

Octavianus Augustus Perusiâ captâ, ** trecentos è dediticiis, electos vtriusque ordinis, ad aram D. Iulio ex-*

*structam hostiarum more mactauit. * Antoninus Caracalla, nescio ob quos iocos infensus Alexandri-* nis, pacis specie in urbem eam veniens, vniuersam iuuentutem in campum conuocatam, milite circumdedit, & signo dato ad vnum omnes occidit: pari-
que scuitiâ in reliquâ multitudinem vsus, frequentissimam urbẽ prorsus exhaustit. ** Mithra-*

dates rex vnâ epistolâ octoginta millia ciuium Ro- manorum negociandi causâ per Asiam dispersa interemit. ** Volesus Messalla proconsul Asiæ, trecentos vnâ die securi percussit, & inter cadauera*

H

reiectis

** Ita Vale-*
rius lib. 1 x.
idque efficeret
xxiiii. mil.
lia hominum.
At Seneca
tantum de se-
ptem milibus,
De Irâ.

** Valerius.*

** Appianus.*
Puto, Vac-
cæorum.

** Suetonij*
verba.

** Xiphilinus*
& Herodian.

** Valer. aliis-*

946.

** Seneca lib. 12.*
De Irâ.

* O rem re-
giam!

reiectis manibus superbè inambulans, quasi rem magnificam fecisset, proclamauit, * ὦ ποῦμα βασιλικόν. Et profanos adhuc loquor impiosque. sed ecce tibi etiam inter deo vero deuota nomina Theodosium Principem, qui Thessalonicae per summum scelus & fraudem *septem millia* innoxiorum capitum in theatrum quasi ad ludos conuocatos, immisso milite necauit. Quo facto nihil magis impium vetus omnis impietas habet. Ite post hæc mei Belgæ, & scuitiam siue perfidiam Principum accusate in hoc æuov

CAPVT. XXV.

Tyrannis etiam nostra cleuata. ostensa ea à naturâ siue malitiâ humanâ esse. & externas internasq; oppressiones fuisse olim.

Crebrę sem-
per tyranni-
des & op-
pressiones.

DENIQUE Tyrannidem etiam hodiè culpas, & oppressiones corporum atq; animorum. Nec ambitiosè mihi nunc decretum attollere auxum nostrum, vel adfligere. cui enim bono? hoc quod ad Comparisonem nostram facit, dicam. Quando mala ista non? & vbi non? Ceddò mihi sæculum aliquod sine insigni tyrannide, cedò gentem. Si potes: (subibo enim discrimen huius aetæ:) ego quoque confitebor miserimos nos miserorum. Quid taces? Verum est, vt video, illud diaspyricum vetus, *Omnes bonos Principes in vno anno posse perscribi.* Insitum nimirum humanis ingeniis, imperio insolenter vti: nec faciliè modum seruare in eâ re, quæ supra modum. Nos illi ipsi qui de tyrannide querimur, semina tyrannidis in-

Quibus ori-
go à super-
biâ & fero-
ciâ humani
ingenij.

clusa

clusa in pectore gestamus: nec voluntas plevisque
 ea efferendi decet, sed facultas. Serpens cū frigore
 torpet, venenum nihilominus habet, sed non
 exerit: simile in nobis, quos sola imbecillitas arceat à
 nocendo & Fortunæ quoddam frigus. Da vires,
 da instrumenta: vereor vt vel impotentissimi ple-
 rique istorum sint, qui nunc tam iniqui in poten-
 tes. Exemplum in cotidiana istâ vita: Vide, mihi
 patrem illum sauientem in filios, dominū in se-
 uos, præceptorem in discipulos. Phalarides in suo
 genere omnes isti sunt: & fluctus eisdē in flumine
 excitant, quos reges in magno mari. Nec animan-
 tibus aliis nō hæc naturâ. è quibus plerūq. sentiunt
 in congeneras sibi species, in aëre, terrâ, aquâ.

Sed & tyrā-
 nis inter alia
 animalia.

——— *pisces sic sape minutos*

Magnus comest, sic aues enecat accipiter.

ait rectè Varro. Sed corporum istæ oppressiones
 sunt, inquit: hodiè hoc eximium, quòd etiam ani-
 morum. Itane, animorum? vide ne inuidiosè hoc
 potius, quàm verè. Ignorare mihi sese & naturam
 illam cælestem videtur, quisquis premi eam putat
 posse aut cogi. Nulla enim externa vis vtrūquam
 faciet, vt velis quod nolis, sentias quod non sentis.
 Ius aliquis in vinctū hoc animi habet siue nexum:
 nemq. in ipsum. Soluere eum à corpore tyrannus
 potest, non naturâ eius dissoluere: quæ pura, æter-
 na, ignea, spèrnit externum & violentum omnem
 tactum. At sensum tamen animi non licet expo-
 nere. Esto, sed linguæ tuæ igitur fræna ponuntur,
 non animo: nec iudiciis, sed factis. Sed nouum hoc
 ipsum & inauditum. O bone, quàm erras! Quot
 tibi possim dicere qui sub tyrannis sensum suo-

De oppres-
 sione ob re-
 ligionem.

Olim eam
 etiam fuisse.

rum pœnas luerunt, propter incautam linguam? Quàm multi ex iisdem vim adferre iudiciis conati? & iudiciis dico in re pietatis. Persarum & Orientis reges adorari, tralatitium fuit. & Alexandrum, eundem diuinitatis cultum sibi adseruisse scimus, rusticâ Macedonia suâ non probante. Inter Romanos bonus ille & moderatus Princeps Augustus, flamines & sacerdotes in prouinciis imò in domibus singulis habuit, vt deus. Caligula deorum statuis amputato capite, suum imponi iussit, ridiculâ impietate. idem templum suo numini, sacerdotes, & quæsitissimas hostias instituit. Nero Apollo haberi voluit: & illustrissimi ciuium interfecti, hac præscriptione, * *quod numquam pro caelesti voce immolassent.* Iam Domitianus, Deus dominusq; noster, palàm audiebat. Quæ vanitas vel impietas si hodie in vlllo regum, Lipsi, quid diceres? Nec ad nauigo propiùs hanc Scyllam, in quam non trahent aut pellent me vlli ambitionum venti.

* Idque inter
alios Thrasea
obiectum.

* Periculo va-
cat silenti præ-
sentia.

* *Ανδρων γὰρ ἐστὶ τὸ στυγνὸς γέγεε.*

Vnum tantum in totam hanc rem priscae seruitutis testimonium adferam, & quidem è familiari tuo scriptore: quod velim attendas. Tacitus de Domitiani æuo: Legimus cum Aruleno Rustico Patru Thrasea, Herennio Senecioni Priscus Heluidius laudati essent, capitale fuisse. nec in ipsos modò auctores, sed in libros quoque eorum sauitum, legato Triumuiris ministerio, vt monumenta clarissimorum ingeniorum in comitio ac foro vrerentur. Scilicet illo igne vocem populi Romani, & libertatem Senatus & conscientiam generis humani aboleri arbitrabantur: * *expulsis insuper Sapientia professoribus, & omni bonâ arte in exiliu actâ,* nequid

* Valim nosse
per a tyranni-
du mores.

nequid vsquam honestum occurreret. Deditus profecto grande patientia documentum, & sicut vetus atas vidit quid vltimum in libertate esset, ita nos quid in seruitute: adempto per inquisitiones etiam loquendi audientiꝫ commercio. Memoriam quoque ipsam cum voce perdidissemus, si tam in potestate nostrâ esset obliuisci, quàm tacere.

CAPVT XXVI.

Postremò doctum non mira aut noua esse hæc Mala. hominibus gentibusq; omnibus semper communia. & solatium in eâ re quæsitum.

Nec adtexo plura de Comparatione ad alterum Legionis meæ agmen venio, quod oppugnat Nouitatem: sed breuiter & contemptim. Spolia enim potius leget ex deuicto iam hoste, quàm vt conferat manu acriter cum eo pugnet. Reuera autem quid hîc homini nouum esse potest, nisi qui ipse nouus, nouitius in humanis rebus? Crantor egregie & prudenter, qui versum hunc semper habebat in ore

* Οἵ μοι, τί δ' οἱ μοι; θνητά τοι πετόνθαιμι.

Circulantur enim cotridiè hæc clades, & orbe quodam eunt per hunc Orbem. Quid tristitia hæc euenite ingemiscis? quid admirare?

* Οὐκ ὅτι πᾶσί σ' ἐφύτλωσ' ἀγαθοῖς

Ἀγάμεμνον Ἀχρεΰς.

Δεῖ δέ σε χαίρειν καὶ λυπεῖσθαι.

Θνητὸς γὰρ ἔφυς. καὶ μὴ σὺ θέλης,

Τῶν θεῶν ἔγω βελομένων ἔσαι.

Illud potius mirū, si exlex quisquam ab hac com-

Contra eos qui nouas aut eximias putant has clades.

* Heu me! quid heu me! humana perpepsi sumus.

* Non te omnia ad lata genuit O Agamemnon Atreus. Opus tibi gaudere & dolere. Mortali enim natus es: & vt recuses, Superi ita volentibus eris.

Solonis argu-
tū inuenti
Consolatio.

Clades in
omni orbe.

muni lege, nec onus ferat quod ferunt omnes. Solon amicū quemdam Athenis grauiter lagentem in arcem deduxit, & subiectas omnes in magnā vrbe ædes ostendit: Cogita, inquit, quā multū luctus sub his tectis olim fuerint, nunc versentur, postea futuri sint: ac mitte mortalium incommoda tamquam propria desistere. Velim idem tibi fieri possit, Lipsi, in magno isto mundo. Sed quoniam re non potest, age, fiat paullisper cogitatione. Sisto te in alto illo, si vis, Olympo. despice mihi omnes vrbes, prouincias, regna: & cense totidem consepta te videre cladium humanarum. Amphitheatra hæc quædā sunt & velut Arenæ, in quibus cruenti illi Fortunæ ludi. Nec longè oculos mitte. Italiam vides? nondum triginta anni sunt, cū à sæuis asperisque ab utroque latere bellis conqueuit. Latam illam Germaniam? validæ in eā scintillæ nuper discidij ciuilis: quæ iterum exardescunt, & nisi fallor, in exitialem magis flammam. Britanniam? perpetua in eā bella cædesque. & quodd nunc paullisper in pace est, imperio debet pacati sexus. Galliam? vide & miserere. etiam nunc per omnes eius articulos gangræna serpit sanguinolenti belli. Nec aliter in toto orbe. Quæ cogita, Lipsi; & communione hac miseriarum, tuas leua. Atque ut triumphantibus à tergo destitui seruus solet, qui in medio triumphi gaudio idem talem interclamarer, Homo es: sic tibi monitor iste semper assistat, Esse hæc humana. Vt enim labor cum pluribus communicatus leuior fit: sic item dolor.

CAPVT XXVII.

Sermonis totius Conclusio. & ad repetendum eum ruminandumq; brevis admonitio.

ExPLICV copias meas omnes & sermonem, Lipsi: & habes quæ pro Constantiâ dicenda mihi censui in Dolorem. Quæ utinam non grata tibi solum, sed salubria: nec delectent, sed magis iuuent! Iuuabunt autem, si non in aures solum, sed in animum demittes: nec audita iacere & inarescere ea patiêre, ut semina sparsa summo solo. Denique si repetes seriò & ruminabere. quia ut ignis è silice non vno concussu elicitur: sic in frigido isto pectore, non primo admonitionum ictu accenditur latens & languens in nobis vis illa honesti. Quæ ut verè aliquando in te ardeat, nec verbis aut specie, sed re & factis, supplex quæso venerorq; æternum & diuinum illum ignem.

Conclusio & adhortatio.

Repetiti
monitionū
ictus iuuant
& penetrāt.

Cùm dixisset, surrexit properè, & Eo Lipsi, inquit. Sol hic meridies prandij mihi index. tu sequere. Ego alacer ac libens, inquam: quodq; in mysteriis solet; iure nunc acclamem,

— * ἔφυγον κακὸν, εὗρον ἀμεινον.

* Effugi malum, repperi bonum.

F I N I S.

H 4

AD

Pro Constantiâ

P R E C E S

Fusæ in graui & diuturno meo morbo,
 anno ∞. 15. LXXIX. Ætatis
 meæ XXXII.

Cui mare cui tellus famulatur, & ignea calis
 Sidera: quæ metuunt mortalia sæcla animantium:
 Alme Deus, sine quo días in luminis oras
 Nil venit, & sine quo nil exit luminis oras:
 Adspice me quem languor habet, quem tabida vexat
 Febris, & exigua suadet sperare salutem.
 Annue ne pariter cum corpore mens brutescat,
 Neu timesacta meum fugiat CONSTANTIA pectus.
 Certa etenim vitæ finis mortalibus instat,
 Et cuncti properamus eundem tangere portum:
 Non cursus tamen omnibus vnus. ô ille beatus
 Qui vitæ infames scopulos & naufraga saxa
 Festinâ potuit prateruexisse carinâ!
 Quando voles mea Parca, sequar. non hîc terrenis
 Impedior curis: nec me fucata veneno
 Vellera, nec rutilo splendor perstrinxit ab auro.
 Sola mihi docta arrisit pellacia Musa.
 Hanc quoque sperno libeus. tu tantum diæ deorum
 Mundi mens æterna & inenarrabile numen,
 Suscipe me, & latum meliori in sede repone.

INDEX CAPITVM,

Quem subieccimus vt Lector in vno aspectu habeat filum totius operis & contextum.

LIBRI PRIMII.

CAPVT I.

Præfatio & introductio. Querela item aliqua de Belgarum turbis

CAP. II. Peregrinationem non facere ad internos morbos. indicinā eam esse, non medicinam, nisi si forte in leui quodam & primo adfectuum motu.

CAP. III. At veros animi morbos nō tolli ea, non minui: imò per eam recrudescere. Animum esse qui in nobis agrotet: eique remediū à Sapientia & Constantia petendum.

CAP. IIII. Definitiones Constantiæ, Patientiæ, Rectæ rationis, Opinioni. Itē Peruicacia quid à Constantia differat & abeat: & à Patientia, Abiectio.

CAP. V. Ratio & Opinio vnde originē habeant. vtriusque vires & effectus. Alteram ad Constantiā ducere, alteram ad Leuitatem.

CAP. VI. Cōstantiæ laus, & seria ad eam adhortatio.

CAP. VII. Quid sit & quotoplex quod Constan-

tiam turbet. Bona & Mala externa esse. Mala autē duplicia, Publica & Priuata. ex iis graua & periculosa maximè videri Publica.

CAP. VIII. Mala publica oppugnata. sed ante omnia tres Adfectus coerciti. ex quē iis hoc Capite ambitiosa quædam Simulatio. quā homines Mala propria, vt Publica lugent.

CAP. IX. Simulatio ea clariùs resecta, & ab exemplis. obiter de verā Patriā dictū, item malitiā hominum gaudentiū malis alienis, cum ipsi extra ea.

CAP. X. Querela mea de increpatione Lāgij tam liberā. sed additum, Philosophi id munus esse. Conatus item refutandi superiora: & obligatio amorque, qui in patriam.

CAP. XI. Refutatus secūdus Adfectus nimij amoris in patriā. quē Pietatē falsò vocant. idq. ostensum. Item vnde origo illi Adfectui. & quid Patria propriè ac verè.

CAP. XII. Tertius Adfectus

ctus temperatus, qui Misericordia. eam in vitio esse, discriminata, lucis causâ, à Misericordiâ. quomodo, & quatenus ea vtendum.

CAP. XIII. Remotis obstaculis, ventû serîo ad eleuanda aut tollêda ipsa Publica mala. quattuor ea præcipuis argumentis oppugnanda à ine & expugnanda. Ac primò hîc de Prouidentia dictum, eaque probata inesse & præesse rebus humanis.

CAP. XIIII. Nihil hic geri, nisi Prouidentia eius nuta. ab ea clades in populos aut vrbes immitti. ideo parû piè super iis queri nos aut flere. Deniq. adhortatio ad parendum deo. cum quo temerè & frustra pugnatur.

CAP. XV. Ad secundû pro Cõstantia argumentû transitum, quod à Necessitate. Vis eius & impetus. Duplîciter ea Necessitas cõsiderata: & primò in Rebus ipsis.

CAP. XVI. Exempla necessariæ mutationis aut mortis in toto Orbe. Cælum & elementa conneriti, aliquando interitura. Idem in opidis spectari, in prouinciis, & regnis. Denique gyrate hic omnia, nec quidquam stabile aut firmum.

CAP. XVII. Ventum ad Necessitatem quæ è Fato.

Fatû ipsû primò adser-tum. Vulgi in eo & sapientum vniuersum quemdam cõsensum fuisse, sed in partibus dissensum. Quotuplex priscis Fatum.

CAP. XVIII. Tria prima genera Fati explicata breuiter. omnium definitio siue descriptio. Stoici leuiter & breuiter excusati.

CAP. XIX. Quartum siue Verum Fatum explicatum. De nomine ipso dictû breuiter. Id definitum tenuiore filò: & ostensum à Prouidentia differre.

CAP. XX. Distinctum & diuulsum id à Stoico fato quattuor terminis. Ostensum accuratiùs, quo modo vim non inferat voluntati. itemque deum nec *αὐτοπύον* mali nec auctorem esse.

CAP. XXI. Conclusio tractationis de Fato. monitum, periculi plenâ & ancipitem eam esse. non curiosè indagandam. denique adhortatio seria vt vires animo imprimantur à Necessitate.

CAP. XXII. Ignauia latibulum aliquod quæri solet in Fato. sed id detectum. Fatum agere per causas medias, eoque illas adhibendas. Quatenus auxiliari patri, quatenus non oporteat. Finis impositus primo libro & sermoni.

CAP. I. Occasio reperiti sermonis. itio ad Langij amœnum hortum, eiusque laudatio.

CAP. II. Hortorū in genere Laudatio. Cultū eum antiquum esse, & à natura. Reges & viros magnos vsurpasse. Denique delectatio eorum ob oculos posita, & non improbū meū votum.

CAP. III. Cōtra curiosos quosdam dissertū, qui hortis ad vanitatē & ignauiam abutuntur. Quis verus eorum vsus. Sapientibus & doctis idoneos esse. & Sapientiam ipsam altam in iis & educatam.

CAP. IIII. Ad Sapientiam igitur adhortatio. per eam ad Constantiam veniri. & seriò monita iuuentus vt serias Philosophiæ litteras cum amœnioribus illis & liberalibus coniungat.

CAP. V. Sapientiam non vouendo, sed conādo acquiri. Reditum in sermonem de Constantia. Cupidinem discendi, bonum esse in adolescentia signum.

CAP. VI. Pro Constantia tertium argumentū ab Vrili. Clades bonas esse, Originem intueare siue Finem. Originem enim à deo sumere. qui æternū & im-

mutabiliter bonus. ideoque causā nullius mali.

CAP. VII. Finem itē cladium semper dirigi in bonum. etsi persæpe eæ pernoxios homines, & noxæ causā administratæ. Sed frangi & temperari eorum vim à deo. flecti omnia in nostrum vsum. obiterq. dictum cur Malorum opera in iis deus vtatur.

CAP. VIII. Magis distinctè de finibus ipsis. eos triplices esse: & qui, quibus conueniant. Mox paullo fusiùs de Exercitio, quod Bonis non vno modo prodest, firmando, probando, præcundo.

CAP. IX. De castigatione, qui secūdus finis. eam quoque ostensum ex vsum nostro esse, dupliciter.

CAP. X. Denique Punctionem ipsam bonam & salubrē esse. dei respectu, hominū, & eius qui punitur.

CAP. XI. De Fine quarto, qui homini ambiguus est, eum pertinere vel ad Conservationē tutelāque Vniuersi, vel ad Cultum. Singula vberius explicata.

CAP. XII. Contra iustitiā diuinā vetus & vulgata obiectio: cur impares pœnæ. ea inquisitio ab homine remota,

mota, & ostensa impia.

CAP. XIII. Tamen ut curiosis satisfaciat, separatim ad tres veteres obiectiones responsum. & primò ad eam de Malis non punitis, quos differri docemus, non dimitti. idque vel hominum ipsorum causa: vel natura quadam dei, quæ ad supplicium lenta.

CAP. XIII. Deinde ostensum plures esse Pœnas: & quasdam occultas internasque, quæ scelus ipsum comitetur, & quas improbi effugiunt nunquam. quæ grauiore quam vlla externa.

CAP. XV. Pœnas etiam Postumas manere improbos. & plerumque imò ipsas Externas: quæ exemplis aliquot illustribus adfirmantur.

CAP. XVI. Responso ad alteram obiectionem, de Immeritis. ostensum omnes meruisse pœnam, quia omnes in culpa. & qui magis aut minus, ægrè imò nullo modo ab homine posse discerni. Deum solum esse, qui noxas clarè videat, ideoque iustissimè puniat.

CAP. XVII. Responso ad obiectionem tertiam, de pœnis translatis. exemplis monstratum id etià apud homines fieri. Quæ deo trans-

lationis huius causa sit. & pluscula alia satis curiosæ subtilitatis.

CAP. XVIII. Transitus ad Locum vltimum factus, qui ab Exemplis. & ostensum vtile interdum esse, seriæ medicinæ admisceri quædam iucunda.

CAP. XIX. Non tã grauiam esse Mala publica, quàm videntur. idque primò, sed breuiter, Ratione ostensum. Circumiecta enim rebus plerumque vanè timeri, non ipsas.

CAP. XX. Ad Comparisonem ventum. sed prius exaggerata Belgarum & huius æui mala. eaque opinio communiter refutata, & ostensum ingenium humanum prouum ad augendos suos luctus.

CAP. XXI. Magis deinde propriè & pressè id refutatum ex Comparatione cum veteribus malis. Primò de bellis, & de clade mirabili Iudæorum.

CAP. XXII. De Græcorum item Romanorumque cladibus ex bello. Magnus interfectorum numerus ab aliquot ducibus. Item vastatio noui orbis. & miseriæ captiuitatis.

CAP. XXIII. Pestis Famisquæ priscæ insignia maxime exempla. item Tributorum

butorum magnitudo quæ
olim. & Rapinarum.

CAP. XXIII. Crudelita-
tis & cædium narrationes
aliquot, miræ, & supra om-
nia scelera huius æui.

CAP. XXV. Tyrānis etiam
nostra eleuata. ostensa ea à
naturâ siue malitiâ huma-
nâ esse. & externas inter-
nasque oppressiones fuisse
olim.

CAP. XXVI. Postre-
mò doctum non mira aut
noua esse hæc Mala. hō-
minibus gentibusque om-
nibus semper communia.
& solatium in ea re qua-
situm.

CAP. XXVII. Ser-
monis totius Conclusio. &
ad repetendum cum rumi-
nandumque breuis admo-
nitio.

FINIS INDICIS.

IN CON-

IN CONSTANTIAM
V. C. IVSTI LIPSI.

DVM patriam exercet plus quam civilibus armis
 Triste inter Reges disidium & populos,
 (Ab quantum lis illa dedit quantumq; datura est
 Sanguinis! at vos o DI meliora date.)
 Non iisdem castris, armibus non militat iisdem
 Belgica, & heu ciues perditum it ipsa suos.
 Tantorumque diu sperata sine laborum
 Decipimur, mendax spes ea abijt miseris.
 An mirum aduersa rerum succumbere mole
 Deque gradu tantum non animum excidere?
 Ceu nauem inuitus Rector pugnantibus Austris
 Deserit, & pelago ludibrium ire sinit.
 Id vero prohibet IVSTVS (nihil addimus ultra)
 Per quem degeneri non licet esse animo.
 Ille ipsi bellum Dux non inglorius insert
 Fortune, en viso vt tota stupet titulo.
 Ille addit vires animoso: turpe labantem
 Sustinet, & mente stare facit solida
 Omneis inpauidum contra casusque minasque
 Ceu contra fluctus stare solent scopuli.
 Vt iam, Socraticos quamuis scrutere magistros,
 Quantum vsquam est, melius nil alibi inuenias.

F. Duicius I. C.

DOM. BAVDII AD EVMDEM
TETRASTICHON.

Κληίζην τε λόγοις ἀρετὴν, ἔργοις τε διώκειν
 Τῷτο μὲν ἡὔρυες, τῷτο δὲ πυλυμαθείς.
 Λίψι⊖ ἀμφοτέρων μόν⊖ ἔλλαχε· μάστιγες εἰσιν
 Ἡὔρυις τε βί⊖, πυλυμαθεῖς τε βίβλοι.

EPI-

EPIGRAMMA IN CONSTAN-
TIA M I. LIPSII.

PRODIT iā in dīas CONSTANTIA luminis oras,
Et nota hæc LIPSI munere fit BATAVIS,
Narrantis nobis, quantum PRVDENTIA, quantum
Possit in humanis pectoribus RATIO.
Cedite ROMANI SAPIENTES, cedite GRAII:
An'ne aliquid maius SOL videt hoc Opere?

Ianus Douza Filius.

IN I. LIPSII V. C. LIBROS
DE CONSTANTIA CARMEN.

NIL mirum subitò mortales rebus in arctis
Abiicere audaces ex animis animos.
Ipsa ignota diu latuit CONSTANTIA, nostris
Robora quæ solita est indere pectoribus.
At nunc fortunæ ludibria ludicra, & eius
Vires atque vices discite ferre homines.
Sit vobis doctor non vanus LIPSIUS, ille
Flos populi, atq. oculus Pieridum & Charitum.
Ipsa à quo didicit CONSTANTIA stare, librisque
Illius erectum tollere in astra caput.
Libris, quos LIPSI si doctum nomen abesset,
Æthereos dicam composuisse Deos.
Nec minùs adposito titulo: nam LIPSIUS idem
Ingenium æthereis maius habet Geniis.

Franciscus Raphelengius Filius.

LIBRARY OF THE
VITTORIO EMANUELE
ROMA
1871



LIBRARY OF THE
VITTORIO EMANUELE
ROMA
1871

LABORATORIO L. GOTTSCHER
VIA DEL BOSCHETTO 97 - ROMA

1989

